

[Quality]

RB124.696

Library
of the
University of Toronto

coll.

5 copperplates


Ricardi I. 158.5

Notes. 1st suppl. 2091

Derwent's letter, p. 134



STILLMAN DRAKE



Digitized by the Internet Archive
in 2024 with funding from
University of Toronto

<https://archive.org/details/theoricaemediceo00bore>

THEORICAE
MEDICEORVM
PLANETARVM

EX CAUSIS PHYSICIS DEDUCTAE

à

IO: ALPHONSO BORELLIO

In Messanenſi pridem, nunc verò in Piſana Academia
Mathematicarum ſcientiarum Profefſore.

AD SERENISSIMVM

FERDINANDVM II.

MAGNVN HETRVRIAE DVCEM.



FLORENTIAE, Ex Typographia S.M.D. MDCLXVI

SVPERIORVM PERMISSV.

THEORETICA
MEDICORVM
PLANTARVM
EXCERPTA

2

IO. ALPHONSO BORRILLO

Instituto de Estudios Científicos y Literarios
de la Universidad de Valencia

FERDINANDUS II.

MAXIMILIANUS IMPERATOR



LIBRARY OF THE
HISTORICAL SOCIETY

SERENISSIMO

FERDINANDO II.

MAGNO HETR. DVCI

F.



Reclarè magnus ille vates, ac philosophus mihi espressisse videtur præcipuam, præstantioremque humanarum felicitatum hisce carminibus.

Sed nil suavius est, bene quàm munita tenere

Edita doctrina sapientum templa serena.

Sacrum nempe ac diuinum templum sapientum doctrina diuinitati, ac æternitati erigitur, dicaturque, in quo absque vlla procellarum, ac tempestatum perturbatione immotum suauissima serenitate, nec interrupta felicitate perseuerat. Non dissimile templum magnus ille Galileus preclara sua, & admirabili doctrina edidit, & regali, ac glorioso nomini Mediceo, non in hisce infimis, ac terrenis regionibus, sed in supremo ipso Cælo, ac Iouiali solio è fundamentis erexit, atque tuæ gloriosissimæ pro-
sapiæ dicauit, gloriamque, & nomen amplissimum in illa serena, ac beata regione perpetuo duraturum sacnauit. Nec immerito gloriaris sapien-

tissime Princeps, cum tantam felicitatem maiorum
 tuorum meritis adeptus fueris; At sicuti exiguam
 saltem aliquam gratiam merentur, qui egregia edi-
 ficia, ac templa iam fabrefacta quomodolibet ex-
 ornant, expoliunt, atque picturis externisque ali-
 quibus ornamentis complent; sic ego, qui huic Me-
 diceo templo ornatum aliquem, qualemcumque
 afferre conatus sum, non videor otio, qua tua be-
 nignitate fruor, abusus fuisse, nec malè de te meri-
 tus, quandoquidem, si mei conatus irriti non fue-
 runt, atque spes minime decepit, tabulam huic tem-
 plo non contemnendam delineasse mihi videor,
 non quidem in ipso templi vestibulo (absit iactan-
 tia) sed in intimo recessu, ac huiusmodi templi sa-
 crario: nosse enim, ac contemplari externam fa-
 ciem huius mundani theatri, nempe diuini artifi-
 cis fabricam in propatulo positam omnibus datum
 est, & nemo ab admirabili hoc spectaculo arcetur,
 ac remouetur; at nosse causas, ac rationes, quibus
 diuina opificia efformata sunt, ac exercentur, hoc
 inquam, Naturæ sacrarium est; Quod si mihi for-
 tuna arrisit, ut nimirum rationes, & causas phy-
 cas motuum Mediceorum percepisse, & declarasse
 contigerit, non inani iactantia proferre potero, me
 in templo sereno, in Iouiali sede à Galileo edito ta-
 bulam, & ornatum aliqualem contulisse; si verò
 spe

v

spe frustratus fuero, vt ad scopum designatum non
peruenerim, scio magna quidem potius exoptari,
quàm consequi ab humana imbecillitate posse.
Teque, Princeps optime, atque inclite, qualemcum-
que meum conatum æqui bonique consulturum
non dubito, qui optimè nosti, quàm profundè la-
teat ipsa veritas, quam Dijs tantum Plato concessit,
nobis autem umbras contrectare permisit; at qua-
lescumque illæ sint, non despero, quin clementissi-
mus, atque humanissimus Princeps in perpetuum
gratitudinis, & obsequij monumentum recipere
non dedignetur, cui perpetuam gloriam, ac feli-
tatem exopto, & voueo. Florentiæ 20. Octobris.

1665.

Sereniss. tuæ Celsitudinis

Obsequentiss., et obstrictiss. Seruus


Io: Alphonsus Borellus.

AD



NON me latet amice Lector, editionem huius meae dissertationis de theoricis Medicearum ex causis physicis deductis suscipiendi ansam tibi allaturam, me aut ob maximas difficultates deterritum, laboriosum opus de motu animalium quod diu meditator, & de quo spem fieri prope diem editurum intermisisse, aut omnino reliquisse; cum igitur videas promissa minimè praestitisse, operae praetium duxi paucis mei instituti rationem reddere. Scito igitur astate huius anni telescopium ingens, ac mirae perfectionis industriæ, ac solertissimi Iosephi Căpani Serenissimo Magno Duci Hetruriae missum fuisse, hoc admirabili instrumento primo Saturnum, postea Iouem observare cepimus, tunc iussu sua Celsitudinis ex tabulis Galilaei ephemerides Mediceorum calculis deduxi, ut quotidie vespertinis horis praedicto telescopio situs eorundem precogniti observarentur, interim quamplurima de motibus, positionibusque Mediceorum differebantur, unde accidit, ut me non advertentem, & reluctantem, in eiusmodi speculationibus implicuerim, ac paulatim, ut fit, una speculatione reliquam sibi connexam trahente, factum est, ut hoc opusculum è manibus exciderit, quod cum ostendissem Serenissimo, Sapientissimoque Principi Leopoldo, eiusque acerrimo iudicio sub-
 mi-

missum, censuit ipse, pariterque alij amici, ut quam
 primum ederetur, indeque post meum à Florenti. discēs-
 sum amici excudendam curarent. Eri igitur huiusmo-
 di opusculum non interruptio mei prioris instituti, sed
 veluti parentibus quadam meorum studiorum nam de-
 nuo ad internusum opus de motu animalium redij, ut
 aliquando finem attingat, non tamen hoc fiet ea celeri-
 tate, quæ vellem, sed ea, quæ à gracili, & infirma cor-
 poris habitudine sperari potest, interim hoc opusculo frue-
 re, & boni confide, si quid dignum tua perspicacitate in
 eo inveneris, sin minus, juvenis imbecillitatis memor esto.
 Tu interim vale.




P R O E M I U M.



Primus omnium in suo nuncio sydereo doctissimus Galileus divulgavit, quatuor planetas circa solem in orbem agi, quos ipse Medicea sydera nuncupavit, qui non secus, ac Luna Terram lovis corpus circumveniunt, cuius respectu phases omnes, quas nobis Luna exhibet, representant, plenas scilicet, silentes, falcatas dico totas, gibbas, una cum suis omnibus mirandis ecclipsium phenomenis, qua Luna ipsi contingunt respectu nostri: Ordinem quoque, ac magnitudinem orbium ipsorum planetarum eorumque revolutiones, ac revolutionum periodos adinvenit; verum licet sagacissimum illud ingenium agnovisset in praedictis parvis planetis, varias illas atque multiplices anomalias esse debere quae in alijs etiam errantibus syderibus observantur, brevi tamen sua vita tempore eas invenire non potuit; At postquam ille fato concessit, quamvis multi in hoc insudarint, nunquam tamen ne minimam quidem notitiam acquirere potuerunt praeter illam quam nobis ipsemet tradidit Galileus. Cumque mihi tam sane ardua, ac perdifficilis, quam longa ac laboriosa praedictarum eccentricitatum, ac periodorum videatur inquisitio, contemplatricem partem sum aggressus, animadvertens, non paucos extitisse, qui cum multum circa eiusmodi materiam studij ac operae contulissent, nedum aliquid novi non indagarunt, verum quid ipsi etiam exquirere debuissent ignorave-

runt, quod à ianua profecto aberrare, est, vti egregie Aristoteles assererat; si ego itaque prædicta medicorum planetarum admiranda phenomena non reperi, non inutile tamen, ac peritandum futurum existimaui, si iter alijs ostenderem rectè circa hæc phenomena meditandi, patefaciendo scilicet quos habituri sint motus, & habitudines satellites Iouis, dummodo circa ipsos sit eodem modo philosophandum, quo natura in alijs Stellis erraticis operatur; tales autem motus relationes, ac habitudines physicis necessitatibus arguendas duxi, à quibus tales effectus verosimiliter pendunt; tandemque ostendi modos varios, ac artificia quibus varietates prædictæ reperiuntur.



*Mediceorum syderum motus similes esse debere motibus
ceterorum planetarum . Cap . I.*



D Mediceorum syderum theorias ritè inquirendas , & explicandas necessariò profectò esset exacta quædam , ac omnimoda præcognitio eorum motuum , & multiplicis anomalix , quorum equidem vestigatio , cum nobis tam breui tempore ab eorum prima cognitione tradita à Galileo minimè permis-

sa sit, circa ipsos motus vltior contemplatio non dari videtur, omnis enim nostra cognitio scientifica, ac discursiua, à sensibus, atque experimentis oriri debet, sed licet id verum sit , ostendam nihilominus nobis dictorum mediceorum syderum dispositiones motionesque perquirere datum esse , paucis tantum illis obseruationibus præantibus , quæ nobis vsque adhuc innotuerunt, vice enim earum, quæ nobis desunt permultis satisque notis ceterorum planetarum obseruationibus vti possumus, cum quibus iouialia sydera in omnibus motuum generibus debent vniuersim conuenire; idque ex hoc primo principio, ac axioma deduci potest , naturam scilicet ad omnia sua munia obeunda simplicissima semper facillimaque media adhibere, tandemque eam varietate non delectari , diuersisque rationibus operandi, verum constanti semper perseverantia iisdem organis vti, ac instrumentis eademque methodo , cum effectus inter se similes operatur . Huius rei innumera propè dixerim exempla suppetere, verum animalium plantarumque structuram actionesque perpendere satis erit, in quibus eadem, naturales , vitales , ac animasticas operationes producit, eadem prorsus organa , ac motus adhibendo , proindeque nunquam videmus naturam animantibus eorumque partibus motum ex vno in alium locum tribuere absque illis funiculis tenuissimis, quos nos musculorum fibras vocamus ,

quæ quidem, dum contrahuntur, secum annexam trahunt partem, ac ita fit motus, nec vlla vnquam pars motu prædita est, cui desint prædictæ fibræ. Eodem pacto videmus nutritionem fieri mediantibus innumeris canaliculis tenuissimis, cuiusmodi sunt venæ, arteriæ, vasaque lactea & lymphatica, plantarumque radices. Videmus vitæ conseruationem in animalibus ab eo motu pendere principio, quod cordi inest, neque vllum omnino animal reperietur, cordis, hepatis, aut lienis expers, vel cerebri, aliussq; principis visceris, & licet circa situm figuram, ac magnitudinem, prædictorum viscerum, quædam plerumque variatio contingat, nunquam tamen possibile est vllum animal reperire prædictis membris præcipuisq; organis destitutum, quod sanè ostendit euidentissimè, naturam, neque nouisse, neque posse animantium functiones edere sine prædictis instrumentis, ac sine communissimis illis rationibus, quibus instrumenta ipsa operantur. Hinc deducitur, quod si nobis ex remotissimo quodam climate animal aliquod duceretur antea à nostris oculis, nunquam visum, possemus tamen ne dum verosimiliter, sed certò quoque prædicere, ipsum cor perpetuò palpitans habiturum, musculos motui inseruientes, hepar, cerebrum, aliasque partes.

Cum igitur, & Hugeniæ Luna circa Saturnum, & medicea sydera circa Iouem ab occidente in orientem voluantur, sicut & Luna nostra circa Terram, & planetæ primarij circa Solem ab Occidēte pariter in Orientem voluuntur, & medicea sydera tanto breuiori tempore suam revolutionem absoluant, quò viciniora sunt Ioui, sicut planetæ primarij citius perficiunt suam, quò Soli proximiores, & indeterminatim omnes tam primarij, quàm secundarij planetæ circa insignes mundi globos gerantur, Solem videlicet Saturnum Iouem, ac Terram, statuendum profectò videtur, talium errantium syderum motus, iuxta vniuersalem, cōmunemq; omnibus regulā absolui, quando certum ratumque est, vt ostendimus, non varijs naturæ organis, sed iisdem similes effectus functionesq; perficere, ac operari. Id autem necessarium

5
tantum videtur quò ad generalia quædã spectat symptoma-
ta, non verò quò ad peculiare mensuras huiusmodi motuū,
atque rationum operãdi; verum hæc illis conuenire sufficiat:
Quod tunc maiori euidencia confirmabimus, cum ex suis
physicis causis in dictis paruis planetis huiusmodi agēdi nor-
mas, ac instrumenta necessariò reperiri, deducemus; interim
nobis satis superque sit, ex ceterorum planetarum analogijs
iptos collegisse, inter quos, & medicea sydera esse debet
nil discriminis.

De theorijs planetarum vulgarum, ac primum ipsius Luna.

Cap. I.

IAm ratum perspectumque est, ex lucidis corporibus per
ætherem diffusis quædam splendida esse, Solem videli-
cet cæteraque inerrantia sydera, quædam autem opaca, ac
lumen ab ipsis mutuantia, quæ communiter planetæ appel-
lantur; hi autem sunt in duplici differentia, alij enim pri-
marij dicuntur, alij secundarij; primarij appellantur illi,
qui Solem, secundarij, qui primarium planetam immedia-
tè circumuehant, cuius virtute perductos circa ipsum Solem
torqueri necesse sit: Huiusmodi sunt quatuor Mediceæ
Stellæ, quæ circa Iouis globum immediatè feruntur, eius-
demque generis est Luna Saturni, quæ omnes vnà cum pri-
marijs planetis quibus circumuoluuntur, circa Solem per
Zodiacum agitantur. Præterea manifestum est, quælibet
siuè primarium, siuè secundarium planetam aliquem in-
signem mundi globum quasi virtutis fontem circumdare,
qui ita eos stringit, atque conglutinat, vt ab ipso nullo pa-
cto abstrahi possint, sed ipsam quocumque contendentem
perpetuis continuisq; orbibus cogantur consequi; videmus
enim Saturnum, Iouem, Martem, Venerem, atq; Mercu-
rium Solem ipsum, medicea sydera Iouem, Hugénianumq;
sydus Saturnum circumire, non secus, ac circa telluris glo-
bum Luna ipsa reuoluitur.

Omnibus præterea planetis commune per Zodiacum iter
con-

conuenit ab Occasu ad Ortum, in quo, si non circulariter, saltem motu illi proximo gradiuntur; dicti tamen orbes non Solem, vel aliquem globum pro centro habent, sed punctum paruum ab ipsis distantem; ideoque eorum circuitus appellatur eccentrici. Rursus omnes planetæ tres habent periodos, quorum prima dicitur restitutionis in eodem situ vniuersi, seu mundani spatij, quæ quidem respectu fixorum syderum considerari solet; & hæ omnes perficiuntur circa Zonam quamdam à nobis Zodiacum, siue signorum circulum nuncupatam, alia verò anomalix, quæ à suprema abside, hoc est à puncto orbis planetæ à Sole, vel à Terra remotissimo initium sumit, donec ad eundem locum regrediatur. Hæc autem anomalix periodus in omnibus vniuersim tardior est, quam motus periodicus restitutionis sub ipsis syderibus inerrantibus, ex quo deducitur, dictam absidis lineam sub ipsis fixis non stabilem permanere, sed cōtinuo lentissimoq; motu ab Occidente ad Orientem deferri: alia etiā latitudinis periodus inuenitur, qua mediante planetæ nunc ad Boream, nunc ad Meridiem ab Ecliptica, hoc est ab ipsius Solis itinere declinant: hanc periodum breuiori tempore absolui, quam restitutionem sub eadem fixa stella perspicuum est, vnde indicatur planetæ nodos fixos non esse, sed citra cæterorum syderum motus ordinem continuo retrocedere; orbis autem planetarij Eclipticæque inclinatio fixa supponitur, & immutabilis.

Et licet meum non sit institutum, speciatim de Lunæ motibus pertractare, cum id iam abundè præstiterint maiores nostri, tamen, tum ob eorum similitudinem cum iouialium syderum reuolutionibus, tum quia, nisi eorum notitia præcederet, nunquam exactè illi percipi possent, idcirco necessarium existimaui breuiter in memoriam reuocare multitudinem, ac varietatem motuum ipsius Lunæ: Intelligatur igitur T esse globum ipsius Terræ, quæ iam supponitur nondum in plano Eclipticæ constituta, in quo etiam Sol collocatur, verum etiam in centro ipsius Zodiaci, circuloque signorum, describatur autem circa Terram circulus A B I D eccentricus ipsi Telluri, cuius centrū C, huius verò eccentrici

7

cū planum ad Eclipticam ita inclinetur, vt fecer ipsam in
 linea recta B T D, pars autem B A D tendat ad Boream, &
 super planum subiectum eleuetur, contra autem pars B P D,
 ad Austrum vergat, & sub eodem plano subiecto deprimi
 intelligatur, recta igitur linea A P, quæ transit per duo cen-
 tra Terræ scilicet, & orbitæ Lunæ C, linea absidum appel-
 latur, punctum A Eccentrici Apogæum, P vero perigeum,
 puncta B, & D, communes ipsius Eccentrici, & Eclipticæ
 inter sectiones vocantur. Nodi, D ascendens ad Polum Arcti-
 cum B ad Antarcticum descendens, tandemque puncta A,
 & P Limites nuncupantur, situs scilicet, vbi latitudo maxima
 est, quæ in Luna quinque gradus non excedit.

Vt autem de moribus differamus, sciendum est bipartito
 posse distribui, alij enim sunt Lunæ proprii in suo eccentri-
 co, alij autem à solari motu pendentes; quod spectat ad mo-
 tus proprios, primo loco necesse est, vt motum illum con-
 sideremus, qui absoluitur respectu situs ipsius vniuersi, hic
 autem est Lunæ transitus à puncto A sub determinata ali-
 qua fixa stella, v. g. sub Cancrī principio secundum ordi-
 nem signorum ab Occasu ad Ortum, donec integrum ab-
 soluat circulum A B P D A, redeatque ad idem punctum à
 quo discessit, hoc est ad initium ipsius Cancrī; hic autem
 Lunæ motus dicitur motus restitutionis, ac intra dies 27.
 h. 7. 43. 5. absoluitur; sed quoniam Apogæum A non im-
 mobiliter perseuerat sub eodem puncto signiferi, sed succes-
 siuè lento motu progreditur, ita vt vno die nihil ampliùs
 quam m. 6. absoluat. hinc est quod post integrā Lunę restituti-
 onem sub eodem puncto signiferi, ipsa Luna non adhuc
 regreditur ad Apogæum Eccentrici à quo discessit, cum in-
 terim Apogæum ipsum ex A, in I sit progressum tres gradus,
 ideoque illud nisi post quinque integras formè alias horas
 nequit attingere. Hæc autem Lunæ circumuolutio appel-
 latur cursus anomalæ, siuè inæqualitatis, ac intra dies 27.
 h. 13. 18. 35. absoluitur, ac tali nomine nuncupatur, quia
 eius motus in Apogeo A, tardissimus apparet, contra verò
 velocissimus in Perigeo P, ac in intermedijs locis P, & B

mediocris. Anomalix ergo circuitus quadrifariam diuidi potest; ab A etenim ad B tardus erit, sed crescens vsq; ad mediocritatem versus B, motus à B ad P pariter à mediocritate increlescens, contra verò à P in D velox imminutus, tandemque à D, ad A mediocris imminutus.

Adest etiam tertius circuitus latitudinis, qui à Nodo ascendente D initium sumit progrediente Luna per A B P quousque ad eundem Nodum reuertatur, à quo discescit, hic autem latitudinis motus velocior est motu periodico respectu Zodiaci longeque concitatio circuitu. Anomalix, ex quo iam patet Nodū D minimè fixum, & immobilem permanere, verum retrogrado cieri cursu cōtra ordinem signorum ab Ortū scilicet ad Occasum; tardior autē est talis motio, quā motus Apogei scilicet m. 3 singulis diebus, quod sane ex hoc satis superque constat, quia Lunā in quouis signiferi puncto, nunc latitudinem habere Septentrionalem animaduertimus, nunc autem Meridionalem, ac tandem quandoque nullam, sed sub eadem Ecliptica reperiri; absoluitur ergo circuitus latitudinis à Nodo D ad eūdem D spatio dierum 27. h. 5. 5. 36. isti autem sunt motus Lunæ proprii, & sui orbis eccentrici.

Iam superest vt motus, & apparentias à Sole in eadem Luna productas consideremus, prout ipse in diuersis Eclipticæ locis reperitur.

Rursus ergo concipiatur Luna in A, dum Sol versatur in puncto S, cum Terra T inter ambos planetas media est, tunc scilicet, quando oppositio, seu plenilunium celebratur, integramq; suam periodum Luna absoluat labens per totum circuitum A B D A, hoc enim tempore quia Sol in puncto eodem stabilis non apparet, sed in L totum ferè Zodiaci signum absoluisse conspicitur, nondum Luna locum Soli oppositum E erit consequuta, sed deficiet toto arcu A E, qua propter, vt ad secundam oppositionem, seu plenilunium perueniat, necesse est, vt percurrat arcum A E, proindeque ab vno, ad alterum plenilunium intercipiuntur dies 29. h. 12. 44. 3. hic autem cursus mensstruus, vel synodicus appellatur.

Ex

Ex diuersa Solis constitutione duæ aliæ anomalix, seu inæqualitates, in Lunæ itinere oriuntur, quæ quidem ita contingunt: mense illo, quo Synodi, hoc est nouilunia, & plenilunia proximè fiunt in Absidum lineæ A P, tunc Lunæ cursui præter supradictam inæqualitatem alia additur, ob quam Luna ipsa tardiori cursu per A B, quam conueniat anomalix, contra verò per B P velociori progreditur, ideoq; circa finem semicirculi, atque in sequenti nouilunio dictæ inæqualitates ita compensantur, vt semiperiodus eodem tempore absoluitur, ac prius, proindeque prostaphæresis angulus, scilicet C B T hoc mense augetur grad. 2. m. 30. euaditq; grad. 7. m. 30. Idipsum accidit inter nouilunium, & plenilunium, sed tamen inuerso ordine.

Deinde intelligatur Sol in E. itaut lineæ Absidum Eccentrici A P, cum Synodum lineæ B T Q. rectos angulos constituat, videlicet dato, quod nouilunia, & plenilunia celebrentur in B, & D, Lunares verò quadraturæ in Apogeo, & Eccentrici Perigeo A, & P, tunc toto illo mense propria Lunæ anomalia nullam prorsus alterationem patietur, & nihil augetur prostaphæresis propria, scilicet angulus C B T, qui quinque gradus non excedit.

Concipiatur denique solarem lineam L T, nimirum nouilunij, ac plenilunij incidere inter lineam Absidis Eccentrici A P, & distantias medias, sit videlicet Luna silens in O, plena autem in E, tunc à plenilunio E ad O obseruatur secunda menstrua anomalia, minor quidem maxima illa, de qua egimus in principio, quæ eadem tamen regula distribuitur hoc est ab Apogeo menstruo E (quod tamen semper Apogeo Eccentrici propinquissimum est) noua synodica retardatione Luna afficitur vsq; ad quadraturam, & ex hac vsque ad Perigeum menstrum O noua celeritate lunaris motus augetur. Hic autem notandum est, quod, licet aliqua pars Eccentrici, cui naturaliter conuenit retardatio, incidat in aliqua menstruæ anomalix parte, cui motionis celeritas competit, nihilominus motus ille, qui retardari debebat, tantæ velocitatis recipit incrementum, quantum

noua requirit anomalia, & sic in ceteris omnibus locis; Quoniam igitur huiusmodi synodica anomalia non stabilis perseverat, sed diuersis anni temporibus alteratur, ita ut nunc maxima, modò nulla, quandoque verò mediocris sit, ideò synodica temporaria fuit appellata; & hæc satis dicta sint quoad synodicam temporariam anomaliæ motus longitudinis ipsius Lunæ.

Adest etiam altera synodica latitudinis inæqualitas, quæ quidem ita contingit: mente illo, quo linea Synodum, nouilunij scilicet, ac plenilunij cadit in limites A, & P nimirum in loca illa, in quibus lunaris Orbis ab Eclipticæ plano maximè distat, tunc toto illo mente nullo pacto latitudines variantur, sed manent in eo statu, qui conuenit proprio cursui lunaris Orbis, cuius maxima latitudo quinque gradus non excedit; quando verò solaris linea, hoc est plenilunia, & nouilunia incidunt in Nodis B, & D, tunc quidem in toto illo mente latitudines maius solito recipiunt incrementum, Eccentrici videlicet inclinatio super Eclipticæ planum, ita magis dilatatur, atque extollitur, ut eum prius quinque tantum graduum spatium occuparet, nunc quinque gradus, & m. 18. comprehendat; quando autem prædicta linea in dictorum spatiorum medio incidit, inter Nodos scilicet, Limitesque, tunc utrorumque particeps est, & ita lunares latitudines variantur; id autem non fit in Copulis, hoc est in plenilunijs, & nouilunijs, verum per reliquum ambitum, obseruaturque præcipuè in Quadraturis, ac Octangulis; ex quo colligitur, quod ob huiusmodi synodicam temporaneam anomaliæ, nedum lunaris orbitæ planum librari debet, dum nunc magis, nunc minus se se admouet, amouetque, verum etiam necesse est, ut eius Nodi B, & D, quodammodo vacillent, ac motu ferantur irregulari.

Nunc ad vltimam lunarem anomaliæ gradum faciamus cuius Tycho fuit auctor, quæ quidem a nonnullis synodica perpetua nuncupatur, hæc autem tali ordine procedit: quolibet tempore in lunaris Orbis semicirculo posito

ad partes plenilunii inter vnam, & alteram quadraturam Luna tertiam quamdam motus irregularitatem adipiscitur, quæ in prima quadratura ab omnimoda priuatione incipiens, vsque ad plenilunium successiuè acceleratur, & ex hoc deinceps se se retardans, tandem extinguitur in secunda quadratura; hæc autem anomalia præcipuè obseruatur in octangulis, nimirum 45. gradibus à plenilunijs, & nouilunijs, atque huiusmodi peruenit prostaphæresis vsque ad m. 40. se. 30.; in his verò locis alteratur pariter lunaris latitudo. Quapropter, vt huiusmodi varietati Tycho satisfaceret, librationem quamdam plani lunaris Orbis introduxit, eiusque polos moueri statuit per cuiusdam parui circuli peripheriam, qua polorum circumlatione lunares Nodi vtrò citroque dilatantur.

Quod autem dictum est de semicirculo versus plenilunium, de opposito quoque debet intelligi, ita vt à secunda quadratura ad nouilunium continuè Lunæ motus celeritas increascit; contra verò à nouilunio, vsque ad primam quadraturam paulatim decreascit, quousque penitus extinguatur, pariterque producit irregularitas in motu lunaris latitudinis, ac illius Nodorum eo prorsus modo, quo fit in superiori semicirculo, vt iam superius insinuauimus.

Isti autem sunt motus omnes, quibus, Lunam ipsam moueri, huc vsque astronomi obseruarunt. Qui motus, licet primo quidem aspectu incredibiles videantur, non tamen in dubium debent vilo pacto reuocari, nisi sensus ipsos, atque experientias negare velimus, quæ nobis proculdubio ostendunt, atque suadent, ita naturam operari, quamuis talium effectuum causæ, vsque adhuc non innotescant.

De Theorijs Mediceorum planetarum.

Cap. I. II.

Quoniam, quemadmodum dictum est, Medicea sydera immediate circa Iouis globum reuoluuntur, dicuntur quidem ab eo distantijs, sed semper secundum igno-

rum ordinem, ab Occidente, scilicet ad Orientem in proprijs orbibus, aut Epicyclis, simulque cum Iouis globo Epicycli ipsi circa Solem per Zodiacum aguntur duodecim circiter annorum spatio, hinc tres eorundem Mediceorum planetarum theoriæ oriuntur, quarum prima illa est, quæ contingit circa globum ipsius Iouis, & quam, si quis in eodem Iouiali globo versaretur, observaret, videretque inæqualitates omnes prædictorum planetarum, tam circa latitudines, quam longitudines, prætereaque phases illis similimas, quas nobis in Terra de gentibus Luna exhibet, plenas scilicet, silentes, &c.

Secunda verò theoria illa est, quæ varias declarat apparentias, quas Medicea sydera exhiberent respectu Solis, hoc est, si aspicientium oculi degerent in ipso Sole.

Verum, quia nos iouiales satelites conspiciamus, eorumque motus non ex Ioue quidem, neque ex ipso solari globo, sed tantum ex Terræ huius nostræ superficie, à qua simul cum suo systemate Iuppiter, modò magis, modò minus remouetur, cum interdum in mediocri ab ea distantia sit constitutus, ac modò ex vna, modò ex altera parte ipsam intueatur, hinc est, quod præter ante dictas anomalias debent iouiales planetæ circa earum motus has quoque vicissitudines, ac irregularitates habere, de quibus omnibus theorijs tripartitò distributis inferiùs agendum est.

*De iouialium syderum Theorijs, quæ ex Ipso Iouis corpore
observari possent. Cap. I V.*

EX theorijs Mediceorum planetarum, quas admirabilis Galileus calamo commendavit, constat, Primi Iouis satellitis semidiametrum esse quinque semidiametros corporis ipsius Iouis, & duas circiter tertias partes, Secundum verò octo radios Iouiales, & duas proximè tertias partes occupare, Tertium quatuordecim, & Quartum tandem 24. & duas tertias. Nunc igitur ad maiorem perspicuitatem

Fig. 2. intelligatur circulus *A B P D*, cuius centrum *C*, ac in eius
peri,

peripheria vnum ex Mediceis syderibus sub Zodiaco circumagatur: deinde verò sit Iouis globus in plano prædicti orbis distans tamen à centrò C; Quoniam igitur supponimus oculum in ipso Ioue, qui in æthere transpicuo, & inuisibili constitutus immense distat à syderibus inerrantibus sit, vt se verè non quiescere, sed circa Solem torqueri minime aduertat, idcirco existimat, Iouem ipsum in quo versatur, esse centrum vniuersi; cum ergo planetam quemlibet Mediceum sub Zodiaco à D in A B P ab Occasu, videlicet ad Ortum perspiciat circumagi, primo loco tempus agnoscat restitutionis illius planetæ, quo scilicet tempore vnaquæque Medicea stella ad fixum idem sydus regreditur, à quo discessit; hoc autem absoluitur ferè à Primo iouiali satellite spatio dierum naturalium 1. h. 18. m. 27.; à Secundo verò dierum 3. h. 13. m. 13., à Tertio dierum 7. h. 3. m. 43., ac denique à Quarto, & ultimo dierum 16. h. 14. m. 27.

In hoc autem periodico cursu animaduertendum est, quod licet corpus Iouis in proprio orbe circa Solem feratur, tamen, vt supra diximus, ob maximum inerrantium syderum interuallum semper prædictum corpus Iouis in vniuersi centro collocatum censetur, proindeque vt Mediceus planeta positus in A post integram reuolutionem redeat infra eandem fixam stellam, satis est, diametrum orbis dicti Planetæ A P per totum cursum Iouis semper sibi ipsi equidistare, vt inferius declarabimus.

Pro anomalie cursus intelligentia vocabimus maximam distantiam Σ A summam Absidem, vel Apolouiam, punctum A Apolouium Σ P infimam Absidem, punctum P Perilouium mediaque tandem B, & D inter summam, & infimam Absidem medias longitudes. Quoniam verò Absidis linea A P non semper stabilis, hoc est sibi ipsi parallela conseruatur, sed lentissimo cursu ab Occasu ad Ortum, ex A ad B progreditur, hinc est, quod ab Eccentrici centro C longo temporis interuallo, circa corpus Iouis circellus quidam describitur, iouialis autem planetæ cursus à suo Apolouio A computatus, donec ad eundem Apolouium

uium regrediatur, dicitur *cursus anomalix*, seu *inequalitatis* ad distinctionem periodici cursus quoad stellas fixas, vel mundani situs, vocatur quoque *cursus inæqualitatis*, quia motus Medicei ab Apolouio A vsque ad B mediam longitudinem est tardus increfcens, si non respectu centri C circa quod vniformi, æquabilique motu reuoluitur, saltem respectu oculi in Ioue positi: à B ad Perilouium P est mediocris crescens, inde vsque ad D velox diminutus, & tandem à D ad A est mediocris diminutus. Quoniam igitur, vt ante insinuauimus Apolouium A reuera fixum non manet, hoc est linea Absidis AP non semper sibi ipsi æquidistat, nec semper eadem fixas intuetur, cum paululum in anteriora progrediatur secundum signorum ordinem, sequitur, quod, postquam sydus integrum periodicum cursum absoluit, ac se se sub eadem fixa stella restituit, non adhuc totius anomalix circuitus peractus est, verum requiritur paruum illud temporis spatium, quo scilicet sydus ipsum Apolouium assequitur, quod iam in anteriora progressum est; hæc autem potissima ratio est, ob quam circuitus anomalix tardior euadit periodica circulatione.

Adest etiam tertia latitudinis periodus, quæ quidẽ eorumdẽ Mediceorũ syderum propria est, vt autẽ hæc intelligatur, oportet, vt prius stabiliatur Eccentrici inclinatio, eius Nodi progressus, ac quibus hæc nominibus sint appellanda.

Primum igitur cum planum orbis Iouis immobiliter ad Eclipticam inclinetur, ad illud scilicet planum, qui per centra Solis, nostriq; Telluris globi pertransit, cumque illius inclinatio mensuretur ab angulo gr. 1 m. 9. qui boreali Limite respicit signum ♄ gr. 7. respectu tamen Mediceorum planetarum ipsemet orbis Iouis fungetur officio Eclipticæ, ad quem orbem Iouis comparati eorum præcipui orbes A B P D magis, minus ve inclinantur. Supponamus igitur orbem vnus Mediceę Stellę A B P D Eclipticæ, hoc est Iouis orbitæ planum secare in recta B D quæ transeat per centrum globi Iouialis, pars autem superior B A D ita vergat ad Boream, vt super planum subiectum G B H eleuetur; con-

trà verò pars B P D ad Austrum tendat hoc est sub eodem subiecto plano deprimatur; tunc igitur Nodum, seu intersectionem D appellabimus ascendentem, qui sanè Nodus Lunæ Ω respondebit, punctum A erit borealis Limes, B Nodus descendens similis Lunæ ϖ ac tandem P. erit australis Limes.

Concipiatur deinde Nodus D lentissimo, retrogradoque motu cieri contra ordinem signorum respectu syderum inerrantium, ex quo sequitur, quod, progrediente sydere Mediceo à Nodo D per A B P quousque rursus reuertatur in D, eius cursus breuiori absoluetur tempore, quam cursus periodicus, longè que breuiori quam cursus anomalix; ideoque periodus hæc non solum Lunæ, verum etiam ceteris omnibus planetis assimilabitur; hæc autem tres periodi ad Medicea sydera propriè spectant, hoc est ab eorum motibus in proprio Eccentrico pendent simul cum varietatibus ab Apogeo, permutato que Nodo productis.

Ad sunt quoque duæ aliæ inæqualitates, quæ ex diuerso Eccentrici situ respectu Solis oriuntur, quas, vt clarè explicemus, necesse est, vt animo concipiamus, Iouem cum toto eius systemate à prima situatione in I ad secundam constitutionem in L gradum facere, & ob maiorem facilitatem, minimum illum Apoloui motum circa Iouem dissimulare possumus, vt nimirum Absidum linea A P semper sibi ipsi æquidistet; in prima ergo constitutione solaris linea I S transibit per puncta P, & A, proindeque ab oculo in Ioue posito conspicietur Plenimediceum stellæ propè A, ipsa scilicet videbitur prorsus illuminata, sed iuxta punctum P, fiet Nouimediceum, nimirum oculus in Ioue partem planetulæ illuminatam solique obuersam non videbit, sed contra positam, & obsecuram, cum verò stella à coniunctione cum Sole in P versus D promouetur, apparebit falcata, donec in D dicotoma, hoc est dimidium sui antei illustrati ostendat, à D verò vsque ad A pars luminosa obsecuram excedet, ideoque gibba conspicietur: Hoc idem etiam, inuerso tamen ordine, contingit per alterum semicirculum

Fig. 3.

culum A P D; Quoties demùm Mediceis in P interiectis prospectus Solis impeditur obseruatores ex Ioue sæpè Solem eclipsatum viderent; contrà verò quotiès in A prædicta iouialia sydera immerguntur in cono vmbre Iouis, toties solari lumine priuarentur. Circa autem secundam constitutionem in L: cum absidum linea A P propemodum sit parallela solari lineæ I S, hinc est quod solaris linea S H L non amplius transibit per A P, sed cum ipsa angulum S L P constituet, ideòque secabit epicyclum planetulæ in punctis G H; qua propter iouialium syderum Plenimedicea non amplius in A celebrabuntur, vt in prima constitutione, sed in G, Nouimedicea verò, non vt priùs in P, sed in H. Synodica ergo periodus ab vno scilicet Plenimediceo ad alterum non periodico motui, siue anomaliaco æqualis erit, sed longiori tempore absoluetur, quoniam, postquam Medicea stella suum periodicum cursum absoluit, hoc est sub eadem fixa reuersa est, vt secundum Plenimediceum assequatur, tantum moræ interponendum est, quantum temporis requiritur ad absoluendum arcum A G, quantum scilicet synodicum punctum, siue Aphelium G virtute motus Iouis progressum esse respicitur; huiusmodi autem synodica periodus non discrepat à tempore menstruo nostræ Lunæ, quod in paruis iouialibus planetis multò parùm anticipat; Iouis enim Aphelium per integrum annum tantummodò signum vnum Zodiaci progreditur.

Hic verò notandum est, periodicas iouialium satellitum tabulas, nobis à Galileo traditas, synodicas esse, congruentes mensuris motibus nostræ Lunæ, non autem periodicas prædictorum Iouialium syderum; quoniam verò synodicæ periodi excessus supra periodicum æqualis est motui Iouis in Zodiaco, igitur nos ex illis hos cognoscere possumus, statuentes, motum synodicum Primi Medcei compleri diebus naturalibus 1. h. 18. m. 28. sec. 30. Secundi D. 3. h. 12. m. 17. Tertij D. 7. h. 3. m. 59. Quarti D. 16. h. 16. ita vt motus periodicus Primi sit D. 1. h. 18. m. 27. Secundi D. 3. h. 13. m. 13. Tertij D. 7. h. 3. m. 42. Quarti tandem, & vltimi D. 16. h. 14. m. 27.

De

De synodicis inæqualitatibus longitudinis Mediceorum.

Cap. V.

MOtum nunc synodicum duæ aliæ consequuntur inæqualitates tam quoad longitudinem, quàm quoad latitudinem, quæ pariter synodicæ nuncupantur; alia temporaria est, alia perpetua. Differemus igitur primo loco de temporaria longitudinis synodica inæqualitate, quæ hac ratione procedit: eo tempore, quo Synodi, hoc est Pleni Medicea, ac Noui Medicea fiunt in linea Absidum A P, ut in constitutionibus I, & R, tunc præter propriam inæqualitatem superiùs expositam Mediceorum syderum cursui recens additur inæqualitas; ita ut per arcum A B ab Apollonio Eccentrici Aphelioque computato, qui in I communis est, in R verò contraponitur, prædicta stella longè tardius circumuoluetur, quàm requirat eiùdem syderis cursus propriæ anomalie, per arcum verò in B P adeo progreditur concitator, ut propè semicirculi finem in Noui Mediceo constitutionis I in Pleni Mediceo verò in R inæqualitates prædictæ omnimodè compensentur, ita ut auctæ velocitates, & tarditates absoluantur eodem tempore, quo inalterata synodica periodus completur; & demum prosthæresis angulo, videlicet C B I, vel C B R illud superaddetur, quod noua importat synodica inæqualitas. Idem autem contingit, dum stella transit à puncto P per D in A, sed ordine tamen priori contrario.

Intelligatur iam Iuppiter simul cum suo systemate in N, ita ut solaris linea S N transeat per mediæ longitudinis puncta B, & D, in quibus fient Plenimedicea, & Nouimedicea, contingant autem quadraturæ in Apollonio A, & in Perilouio P eiùdem Eccentrici; iam in tali synodico progressu nulla aderit alteratio propriæ anomalie eiùsmodi Eccentrici, neque vel minimum augebitur prosthæresis aut imminuetur, sed manebit absque vlla alteratione eo prorsus modo, ac si prædicta synodica periodus non adesset.

Transeat denique solaris linea MSL inter lineam Absidum, & medias Eccentrici longitudes, ut in constitutionibus L , & M evenire solet, tunc Plenimediceum contingit in G , Nouimediceum in H in constitutione L , contra in M , semper autem Aphelium anomalie synodice erit in puncto G , quod Apollonio A , propinquius est, ex indeque secunda resultat synodica anomalia minor prædicta maximè in constitutione I exposita, & debitis tamen regulis distributa ut scilicet ab Aphelio G synodica incipiat retardatio, usque ad mediam longitudinem, deinde verò fiat incrementum velocitatis usque ad Perihelium A , quod in hoc situ L erit Nouimediceum, in M verò Plenimediceum. Hic autem animaduertendum est, quod in portione prima arcus BP in situ L velox motus competeret ob Eccentricum, attamen retardatur propter synodicam inæqualitatem, prosthaphæresis verò Eccentrici $A P$ in H addenda esset medio stellæ motui, at respectu synodici cursus subtrahi debet à medio cursu, eodemque prorsus modo in alijs casibus. Quoniam igitur in vno quolibet Mediceorum Eccentrici dispositio respectu Solis successivè immutatur, primò ob motum lineæ Absidis $A P$, quæ verè non semper sibi æquidistat, licet hoc tardissimo fiat motu, deinde verò ob cursum præcipuè Iovis, cum modò una, modò alia pars Eccentrici dirigatur ad Solem S ita ut duodecim annorum spatio, quo Iuppiter circa Solem agitur, necesse sit, ut omnes istæ configurationes absoluantur, proindeque aliquis annus aderit, quo cum Aphelium propè dixerim perpetuò cohereat cum Apollonio alicuius Medicei syderis, semper prosthaphæresis maior solito apparebit, eoque anno, quo Aphelium incidit in medias Eccentrici longitudes, prosthaphæreses erunt simplices, & inalteratæ. Quoniam igitur talis nova synodica anomalia fit statutis quibusdam temporibus, non verò semper, idcirco temporaria poterit nuncupari.

Adest etiam tertia varietatis anomalia, quæ quidem semper perseverat, idcircoque perpetua poterit nuncupari; hæc autem

autem huiusmodi est: in quolibet synodico cursu in Medicei planetę orbis semicirculo posito versùs Aphelium synodicum siue Plenimediceum ab vna ad alteram quadraturam Medicei syderis cursus tertia quadam motus varietate alteratur, quę ab vna ad aliam quadraturam perdurat, stellę que cursum in Plenimediceo reddit velociorem, id autem magis perspicuum est in Octangulis, scilicet gradib. 45. ante, & post Plenimedicea, & Nouimedicea.

De Mediceorum synodica latitudinis inaequalitate

Cap. V I.

Synodica tandem latitudinis anomalia reperitur, qua mediante periodicus prædictę latitudinis cursus nonnullam patitur alterationem; in illis enim synodicis reuolutionibus, in quibus solaris linea, hoc est Plenimedicea, & Nouimedicea incidunt in limites A, & P in illa scilicet loca, vbi Medicei orbis ab iouialis Eclipticę plano S E B F D maximè declinant, tunc enim tota illa periodo nullo pacto variantur latitudines, sed remanent in illo statu, quem requirit proprius cursus eiusdem Mediceis quando autem solaris linea, Plenimedicea scilicet, ac Nouimedicea cadunt in Nodis B, & D tunc tota illa reuolutione solito magis latitudines augentur nimirum inclinatio Eccentrici A B P D, super iouialem Eclipticam S B E D F magis dilatatur; cum tandem Plenimediceorum, Nouimediceorumque linea cadit inter Nodos, Limitesque, tunc ab vsque participatur, id eoque dictorum planetarum consuetę latitudines alteratione quadam afficiuntur, quod nunquam Nouimediceis, Plenimediceisque accidit, sed Quadraturis, & Octangulis, proindeque virtute huiusmodi synodicę perpetuę, temporaneęque anomalix planum orbis dictę stellę A B P D videtur nunc magis, nunc minus librari, se se adinueniendo, remouendoque ab iouialis Eclipticę plano, eiusque nodi B, & D titubare, suumque motum retrogradum consuetum irregularum efficere videntur.

Hi sunt motus omnes, quibus Iouialia sydera prædita sunt, quique ab oculo in Ioue posito obseruari deberent, si illic mortales degere fingerentur.

De Theorijs Mediceorum planetarum respectu solis.

Cap. V I I.

QUamquam Iouialium satellitum motus tales sint, quales hucusque descripsimus, nihilominus impossibile est, ut ex Sole obseruari eadem forma appareant, quæ ab obseruatoribus ex Ioue conspici debere, diximus; quoniam prædicti motus duas habent inæqualitates, quarum vna est physica, atque realis, ob quam Mediceus nunc tardo, modo veloci, quandoque mediocri motu per suum orbem fertur, altera verò optica, & apparens prout arcus à stella transacti conspiciuntur directè, siue obliquè, variisque modis distant ab oculo; cum itaque longè diuersum sit collocare oculum in ipso Ioue, qui intra Medicei planetæ circulum reperitur, ac in ipso Sole, qui extra, longèque ab ipso positus est, ideo oportet, opticam prostaphæresim tam in longitudine, quam in latitudine variari.

Et primum supponamus realem Medicei planetæ motum in eius orbe A B P D vniformem, & æquabilem, hoc est ipsum æqualibus temporibus æquales sui Orbis arcus pertransire; iam dico, quod tunc ex Sole in periodico Mediceorum motu nulla optica inæqualitas cognoscetur, licet Medicei Orbis sit eccentricus, scilicet reuoluatur circa centrum remotum à corpore Iouis; quia ob maximum inter Iouem, & Solem interuallum dictorumque Planetarum Orbium paruitatem, quorum maximus non ampliùs, quam 10. m. subtendit, euenit, ut lineæ S V, & S X, quæ à Sole dictos Orbes tangentes ducuntur, mediasque longitudes definiunt, inter se quoad sensum sint parallelæ ideoque arcus A V æqualis erit V P, quocircà tanto tempore stella arcum supremum A V, quanto infimum per transibit, proindeque nullo pacto aderit prostaphæresis, quod equidem obseruatori-

toribus in Ioue suppositis non contingit, quibus arcus A B maior quadrante, longiorique tempore translatus, quam conueniat quartæ parti periodi, se se ostendit sub recto angulo A I B, hoc est quadrantis speciem representat, ac proinde, æquo tardior conspicitur. Itaque quocumque loco inueniatur Eccentrici centrum C cursus à Plenimediceo ad Nouimediceum obseruatori in Sole constituto inæqualitatis omnino expers videretur, quoniam oculus non distinguit verum situm Iouis, sed solummodò, aspicit illum in linea solari collocatum, & in constitutione I, & R ipsum inter A, & P positum esse iudicat, in L verò inter G, & H. Si autem perpendatur motus totius semicirculi descendentis, & cum alio ascendente semicirculo comparetur, alter altero maior potest apparere, vt in constitutione N, in qua solaris linea S N transit per medias longitudes B, & D, centrumque C cadit versùs Apollonium A, ex quo duplex apparentia eueniet, primò scilicet longitudo, seu digressio N A apparebit maior distantia N P: secundò stella longiori tempore maiorem arcum D A B, quam minorem B P D pertransibit. Id ipsum in constitutione L, & M, sed minori differentia contingere debet, modò in constitutione I, & R cum collaterales digressiones I B, & I D vel R B, & R D temporaque, quibus stella dictos semicirculos progreditur, æqualia appareant, proculdubio pronunciaré licebit, centrum C huiusmodi Eccentrici incidere in lineam solarem; sed tamen ignorabitur, an supra, vel sub Ioue reperiatur: in constitutione N, cum videatur digressio N A maior altera N P, primique semicirculi tempus longius, quam secundi, afferendum profecto est, centrum C cadere ad partes maioris digressionis N A, in constitutione verò L, & M, ubi eiusmodi differentie, licet minores, tamen inæquales sunt, nobis minimè datum erit distinguere an centrum C talis Eccentrici Iouis Soli propinquius sit, an remotius, nimirum an ipsum intra, vel extra orbem Iouis, seu Iouialem Eclipticam reperiatur.

Si verò supponamus, quod præter æquabilem motum,
quò

quò dicti Medicei per proprios orbes circumferuntur, quædam physica realisque motus inæqualitas addenda sit, tunc aliqua prostaphæresis ex Sole poterit observari, ideòque cum in constitutione I stellæ motus tardior sit per A B, quam per B P, tempus per superiorem quadrantem prolixius infumit, quam per inferiorem, sed quia terminus contactus incertus est, atque in tali situ, apparet stationarius planeta, nec in constitutione I nec R prædictam inæqualitatem distinguere poterimus, præterquam in arcibus A Q, & P O solari lineæ contiguus.

Circa verò constitutionem N cum tali loco nulla adsit synodica inæqualitas, ut supra diximus, solummodò physica illa inæqualitas remanebit, quæ pertinet ad ipsam stellam, ut pariter patebit excessus digressionis N A, super N P, cum temporis excessu per primam digressionem supra tempus secundæ.

Postea in L, in qua Plenimediceum incidit inter Apollonium A, mediamque longitudinem B curtus per arcum G B H velocior remaneret, quam curtus per H A S hæ autem sunt novæ apparentiæ, quæ ex Sole in Medicorum longitudinibus observari deberent.

Remanet modò alia quædam optica varietas, quæ quidē talis est: Medicea sydera, licet directo, continuoque motu ab Occasu, ad Ortum, circa Iouis corpus revolvuntur, attamen respectu Solis in medio Iouialis Orbis collocati, quandoque directè progredi, quandoque verò quietcere, ac deinde cursum retrorsum convertere videntur; utrisque autem contrariis itineribus, nunc veloci modò lento, aliquando verò, mediocri motu progrediuntur; id autem fit, quia dum Stella ab Occidente ad Orientem respectu sui centri C in orbe A B P D ab A graditur per B P D, respectu tamen Solis S positi extra dictum circulum dicti motus inter se contrariantur; ille enim, qui fit a D per A in D fit à dextra ad sinistram, contra verò in inferiori Semicirculo à B per P usque ad D fit inverso ordine à sinistra scilicet ad dextram, ac idcirco primuserit directus, hoc est, secundum signorum ordinem,

dinem, secundus autem retrogradus, dictoque ordini contrarius: rursus in summitate A eius cursus velocissimus erit, sed directus, sicuti in P velox, sed retrogradus, quoniam huiusmodi motuum mensura, non à peractis arcubus definitur, sed ab eorum rectis finibus, qui in quadrantis principio A parùm discrepant ab eorum peripherijs; deinde propè contactus B, & D stella apparebit stationaria, hoc est respectu Iouis, nec ultra, nec retrorsum proficietur, quia tangens à Sole in B ducta quoad sensum adaptatur parvæ dicti Epicycli peripheriæ, ac proinde stella predictam tangentem ferri videbitur, ideoque neque Ioui appropinquare, neque ab eodem remoueri; cum autem ab iisdem terminis aliquantis perdiscesserit, eius motus desuper directus apparebit, lubrer autem retrogradus, sed tamen tardissimus, quoniam sinuum differentiarum in fine quadrantis minimæ sunt.

Vt autem ad latitudinis apparentias gradum faciamus, ipsæ multæ, variæque erunt præter illas, quæ ex Iouis corpore videbantur, quoniam illæ eedem inclinationes, quas Medicei Orbis super planum Eclipticæ iouialis exhibet, eiusque Nodorum motus, cum veri, ac reales sint, tales, quodque erunt respectu Solis, qui in iouialis Eclipticæ plano collocatur, solaque aderit hæc optica differentia, quod scilicet maximæ limitum digressiones A E ex Sole longè minores, quàm ex Ioue videbuntur; quoniam idem interuallum A E, si ex Ioue propinquissimo conspiciatur, longè maius, secundum opticas regulas apparebit, quàm ex Sole S remotissimo, uti si A E arcus (exempli gratia) maximæ latitudinis borealis vnius Medicei tyderis respectu Iouis esset gr. 6. idem ex Sole remotissimo apparebit sub longè acutiori angulo, qui forsitan esse posset minor. 1; quoties verò Mediceus planeta deget in Nodis B D nullam, neque ex Ioue neque ex Sole apparentem latitudinem exhibebit.

Quantum verò spectat ad latitudinis periodum, Nodorumque motionem, satis discriminis intercedet inter observationes factas ex Sole, & eas, quæ fiunt ex ipso Ioue; etenim, ut dictum est, Nodi B, & D retrogrado, lentissimoque cursu

su feruntur sub stellis fixis, hic autem vnicus ex Ioue obser-
 uabitur, ex Sole verò alius adest omninò opticus, & appa-
 rens, ob quem prædicti Nodi retrogrado, lentissimoque cur-
 su progrediuntur; quod equidem, vt perfectè intelligamus,
 concipiamus iouiale systema transire à constitutione I ad
 L, & quoniam in constitutione I solaris linea S I transit per
 puncta P, & A planetæ latitudo ex Sole apparebit meridio-
 nalis, dum stella fertur in inferiori arcu B P D; dum
 verò superiorem semicirculum percurrit versus Ple-
 nimediceum, eius latitudo septentrionalis apparebit; in
 constitutione vero R in qua Nouimediceum incidit in
 septentrionalem limitem A latitudo per totum inferiorem
 arcum D A B borealem se se exhibebit, cum contra
 in constitutione I australis conspiceretur, denique in
 constitutione N cum incidat solaris linea, ac ipsum
 Nouimediceum in Nodo D, necesse est, vt in altero
 quadrante A D inferioris semicirculi latitudo A D se-
 ptentrionalis appareat, in reliquo verò meridionalis vi-
 deatur. Hæc eadem varietas erit pariter obseruabilis in
 constitutionibus L, & M, in quibus Nodi incidunt in loca
 intermedia. Quoniam igitur ex motu Iouis, & sui syste-
 matis euenit, vt solaris linea varijs in locis Eccentricum
 Medicei ita dispescat, vt secundum signorum ordinem tan-
 tum ad vnguem moueatur, quantum Iouis corpus progre-
 ditur, hinc est, quod solaris linea continuè Nodis admo-
 uetur, proindeque iidem Nodi apparebunt retrograde so-
 lari lineæ fieri propinquiores, ideòque præter motum re-
 trogradum, qui propriè, & naturaliter competit Medicei
 Nodo respectu syderum inerrantium, adest hæc optica re-
 tardatio omninò optica, & apparens, quæ ex Sole conspi-
 ci debet.

*De inequalitatibus Iouialium satellitum, quæ ex Terra possunt
observari. Cap. VIII.*

CUm iam de Mediceorum syderum apparentijs, quæ ex Sole conspici possent, satis superque dictum sit, nunc est pertractandum de apparentijs, quas à Terra, nostroque domicilio exhibent. Primum igitur recolendum est, Iouem non secus, ac ceteros planetas circa Solem ferri, à quo nunquam toto suo circuitu seiungitur, nostra autem Terra intra Iouis orbitam posita est, sed tamen non semper ab ipso æqualiter distat; quoties enim Iuppiter Soli opponitur, cum scilicet Terra T intermedia est, toties Iuppiter ipse nobis est propinquissimus; contrà verò quando Iuppiter cum Sole coniungitur, videlicet quoties Sol inter Terram, & Iouem ipsum situs est, toties ita à nobis est remotus, ut maior distantia Terræ à Ioue propemodum sesqui altera sit minoris distantiae. Adhuc præterea mediocres distantiae, quæ sunt ad dexteram, & ad sinistram, & huiusmodi quodque varietas appellatur orbis anomalia, quæ quidem secundum Tychonem oritur à quadam luxatione totius planetarij systematis, quod à Sole sicuti à quodam rotæ centro transferitur; per Pythagoricos verò talis anomalia est quædam simplex apparentia, quæ non à planetarij systematis motu, sed ab ipsa nostrorum oculorum motione euenit.

Cum Terra igitur semper intra Iouis orbem degat, parumque distet à Sole, accidit, quod omnes apparentias, & periodos inæqualitatis, quæ ex Sole conspicerentur, tam scilicet ille, quæ ad longitudinis, quamque ad latitudinis motum pertinent, nobis Terræ incolis exhibebunt, paucis tamen varietatibus implicatas, quæ conueniunt longiori, seu breuiori a Sole interuallo, aut laterali Terræ constitutioni. Ac ut à primis constitutionibus ordiamur, cum Iuppiter coniunctus, vel oppositus Soli fuerit, tunc Terra in eadem solari linea posita erit, ideoque Aphelij punctum A, etiamnum Apogæum remanebit, hoc est à Terra

D

remo.

remotissimum, punctumque P Perihelij est Perigeum respectu nostri; in tali aurem constitutione omnes apparentiæ motus velocis, tardi, stationarij, aut retrogradi ab Eccentrici anomalijs alterati eodem videbuntur, tam ex nostra Terra, quàm ex Sole. Idem dicendum est de dictorum planetarum inclinationibus, seu latitudinibus, quibus parua quedam alteratio contingit; si enim supponamus, latitudinem periheliam P F esse maximam australem, Iouem autem nullam habere latitudinem; hoc est in plano Ecclipticæ collocatum, in quo semper Sol, ac Terra reperiuntur, tunc tam Soli, quam ipsi Terræ latitudo P F meridionalis maxima apparebit, hoc tamen discrimine, quod scilicet ex Terra inter Solem, & Iouem intercepta idem arcus P F se ostendet sub tantò maiori angulo, quantò ad vnguem incrementum apparet diameter ipsius Iouis Perigei, ac diameter B D orbis Medicei; quod equidem incrementum, cum globo Iouis, Medicei Eccentrico, eiusque latitudini generaliter conueniat, nullam gignet alterationem in apparenti latitudine, quæ Iouis diametro mensuratur; verùm hæc ipsa latitudo eodem prorsus modo apparebit, ac si eum è Sole intueremur. Si verò deinde concipiamus, Iouem satis obseruabilem latitudinem habere v.g. meridionalem, hoc est Terram T sublimem esse, & eleuatam super planum per I S ductum, in quo Iouis orbis describitur, tunc quidem, si Mediceus planeta nullam habuerit latitudinem in puncto P, hoc est si fuerit illius Nodus P in plano iouialis orbis constitutus, tunc Iuppiter, si ex Terra in puncto T collocata respiciatur, meridionalem latitudinem nobis ostendet; ex Terra enim supra planum orbis S I eleuata Radius visuius T P inferior apparebit directo, & centrali radio T 3 I proindeque Mediceus in P habebit latitudinem apparentem meridionalem, etiam si reuera sit in suo Nodo, & nullam prorsus latitudinem habeat, si ex Ioue, vel ex Sole conspiceretur. Idem etiam apparebit in secunda constitutione, tunc scilicet, cum Medicæ stelli latitudo septentrionalis F I P, minor est excessu anguli X T I super angulum I S T,

minor

Fig. 5.

minor scilicet excessu latitudinis apparentis meridionalis ipsius Iouis super veram latitudinem eiusdem; tunc enim stella in F se se exhibet in radio T F, qui inferior est centrali radio T 3 I. In tertia verò constitutione, licet stella veram habeat latitudinem septentrionalem respectu Iouis, & Solis, ex Terra tamen videbitur per radium centralem T 3 I; ideòque nullam ostendet latitudinem apparentem, sed præcisè pertransire videbitur per centrum corporis Iouis. In quarta autem constitutione, cum Medicei latitudo erit, & ipsa meridionalis, ex Terra pariter meridionalis apparebit, magno tamen cum incremento sub angulo maiori I T 4. Ac contrà in quinta constitutione, si eadem latitudo maior esset, quàm excessus latitudinis apparentis ipsius Iouis supra veram, posset etiam videri septentrionalis, sed minor tamen, quàm reuera est. Eodemque modo intelligi possunt varietates oppositæ, quæ contingunt in Apogei parte A, pariterque phænomena omnia, quæ tunc accident, cum Iouis latitudo septentrionalis erit, hoc est, cum Terra T deprimi concipietur sub Ecclipticæ iouialis planum subiectum.

Eadem adunguem phænomena se se ostendent Terræ in V remotissimè scilicet à Ioue, hoc tamen discrimine, quòd videlicet anguli, qui apparentes Mediceorum syderum latitudines ostendunt, semper minores erunt, ob opticam rationem, qua docemur, idem obiectum, quo magis ab oculo remouetur, eo sub minori angulo videri.

Vt autem ad laterales constitutiones gradum faciamus concipientes scilicet Terram in puncto K, aut M, secundæ, aut quartæ constitutionis, sciendum est, lineam Apheliorum, & Apogeorum, tunc non coincidere, sed vnā ab altera satis remoueri; si enim Terra sit in K, Apogeu erit N procul ab Aphelio A; pariterque Perigeum O tantum ad vnguem distabit à Perihelio P, quantum Orbis prosthaphæresis annua requirit, circiter gr. 11, ita vt in progressu à constitutione Telluris T in quarta Figura ad septimam ad K, ab oppositione nimirum Solis, & Iouis ad eorum primā quadraturam Apogeu retrorsum erit progressum ab A in N

D 2

gr.

Fig. 6.

Fig. 7.

Fig. 8.

gr. 11., à situ verò K ad V, scilicet ab eadem quadratura ad coniunctionem Solis, & Iouis reuertetur idem Apogeu-
um ab N ad A, motu directo, iterumque ab hac constitu-
tione ad secundam quadraturam, ab V in M Apogeu-
m anteibit per totidem gr. 11. ab A ad Q, tandemque ab M in T
à quadratura secunda ad oppositionem Iouis, & Solis re-
trorsum reuertetur à Q in A. Tunc igitur ob huiusmodi
prosthaphæresim motus Mediceorum planetarum apparet
satis irregularis, quoniam motus per eorum orbis velo-
ciores, quàm reuera sint, se ostendunt per sex menses cum
dimidio, quo tempore Apogeu-um Q retrocedit, vique ad
N; contra autem per sex alios menses cum dimidio prædi-
cti motus tardiores, quàm veri apparent, dum Apogeu-um
N progreditur versùs Ortum. Quapropter licet ex Sole
Mediceorum syderum motus essent regulares, vt dictum
est, nunc ob istam annuam prosthaphæresim satis irregulares
apparebunt; hæc etenim tam longitudinis, quàm latitudi-
nis motui suas affert inæqualitates; quoniam non solum ade-
rit motus apparens Nodorum compositus ex reali retrogra-
datione Nodorum Iouialium planetarum, & retrograda-
tione optica, quam requirit motus Iouis cum suo systemate,
vt superius est declaratum, verùm etiam alia aderit inæqua-
litas, quæ aliquando augebit motum retrogradum eorum-
dem Nodorum, aliquando verò imminuet, itaut directè
progredi appareant secundùm signorum ordinem; Qua-
propter, si ex Telluris contutione respectu Solis in K, quæ
in secunda quadratura Iouis, & Solis contingit, ad consti-
tutionem M primæ quadraturæ transeamus, tunc adest mo-
tus retrogradus lentissimus nodi D, simul cum alio motus
optico pariter lento, & retrogrado eiusdem Nodi, qui mo-
tus pendent à Ioue, eiusque systematis circumlatione, quæ
ambo videntur transferre Nodum à D in Z. Quoniam au-
tem tali tempore Perigeum discessit ab O, & peruenit in R,
ergo Nodus Z videbitur satis Perigeo appropinquasse, pro-
indeque illius motus retrogradus, hoc est contra signorum
ordinem mirum in modum auctus apparebit; contra autem
à con-

à constitutione in M ad K perigeum R retrogradè transfer-
tur vique ad O, ac idcirco remouebitur vterius à Nodo Z
gr. 22. duplo scilicet anguli protapheresis P I R, cumque
concipiamus, persuasisque simus, Perigeum O in eodem
semper loco manere, ab eoque Nodus Z recedere videatur
hinc est, quod tunc temporis existimabimus Nodum præ-
dictum reuerà percurrere directo motu contra propriam
naturam, ab Occasu, ad Ortum.

Ex prædicta motus Nodorum irregularitate oriuntur va-
ria latitudinis phænomena, quæ quidem satis miranda sunt;
possunt etenim meridionales latitudines septentrionales
apparere, & è contrà: magis, vel minus auctæ, & diminutæ,
prout Nodi prædicti immutabunt situm respectu Terræ.
Quæ omnes anomalie simul consideratæ satis arduam red-
dunt vestigationem peridorum, tam longitudinis, quam
latitudinis, proindeque necesse est, vt satis circumspectè
procedamus, atque eos modos, & artificia potissimus seliga-
mus, quæ prædictas periodos nobis possunt demonstrare, de
quibus agemus suo loco. Concludo tandem, quod ex Ter-
ra non solum videri debent veri ac reales Mediceorum sy-
derum motus, eorumque veræ tam longitudinis, quam la-
titudinis anomalie, sed illæ quoque, quæ apparent ex Sole,
ac Terra, quamuis eorum pars maior optica sit, & apparens
tantum; proindeque, cum iam satis declarauerimus varios
motus reales, & apparentes, quos verosimiliter habere de-
bent Medicea sydera, iam superest, vt ostendam, prædictos
motus reales tales esse, vt certa naturæ necessitate ex suis phy-
sicis caulis oriantur.

*De Compositione eccentricorum, & Ellipticorum Orbium, Medi-
ceorum syderum motibus inferuentium. Cap. IX.*

Postquam generaliter declarauimus varias, ac multipli-
ces inæqualitates motuum Mediceorum planetarum,
necesse est, vt exactè explicemus, qua figura, & quomodo
disposita, & collocata prædicti Planetæ circumuoluantur;
Ac,

Ac, vt aliùs ex ordinar, primo loco suppono, Cēlos ipsos, vel omnino inanes, vel saltem ætherea substantia fluidissima repletos, quæ longè rarior sit, quam aer hic noster Telluris globum circum ambiens; hoc autem ob sensatissima recentiorum experimenta quæ iam absque vlla repugnantia, hesitationeque omnes recipiunt, & amplectuntur.

Certum etiam est, erraticas omnes stellas fixas esse in diuersis locis prædictæ ethereæ fluidæ regionis, ibique æquilibratas natæ, vt ita dixerim, circa aliquod insigne mundanum corpus, circa Solem videlicet, Terram, Iouem, vel Saturnum.

Manifestum quoque est, prædictos planetas eadem insignia corpora circumdare, perpetuisque circulis circa ipsa torqueri nec, vnquam ab incepto semel itinere deuiare, neque nimis sese admoventes, amouentesque prædictum deserere circuitum, aut à prædicta semita aberrare.

Compertum est pariter ex verustioribus, recentioribusque observationibus horum reuolutionum præcise centrum non esse corpus, illud circa quod reuoluuntur, sed ex vna parte magis, quam ex opposita eleuari ipsos planetas, eccentricum quemdam circuitum formantes, qui repertus tandem est non circularis, sed similis ellipsi.

Ostendunt denique obseruationes, lineam absidum prædicti Eccentrici fixam non esse, seu potius non semper sibi ipsi æquidistare, ideoque non semper eadem fixa lydera intrueri, sed motu satis lento transferri secundum signorum ordinem.

Omniū primus existit Io: Kleperus, qui fortunato ausu contra antiquorum philosophorum, astronomorumque sententiam orbes perfecte circulares à Cēlo exulare iussit, in quorum vicem motus per ellipsim introduxit, id autem in Martis orbe verificari euidentissime demonstrauit ex Tycho- nis obseruationibus; deinde verò hoc idem necessariò contingere in Mercurio animaduertit, in Sole vero non adeo euidenter eiusdem Ecclipticam figuram probari posse, licet ipsam planetis omnibus attribuat persuasus à rationibus qui-

quibusdam phycis admodum ingeniosis, licet infirmis. Opinio hæc ad eo eruditus omnibus placuit, vt summa auiditate admiffa fuerit, præcipueque Bullialdus doctiffimus, ac famigeratiffimus Astronomus summo opere eam perfecit, quamuis ipfe ex alijs principijs deduxerit, ex alijsque elementis composuerit prædictam ellipticam figuram, proindeque non alienum fortasse erit, breuiter ea quæ a Bullialdo afferuntur, enumerare, vt deinde, quomodo talis elliptica doctrina verificetur, ostendi poffit.

Cōcipiatur ergo conus scalenus, cuius vertex A, basis vero circulus super diametrum B C, axis autem A I, triangulum per axim perpendiculare circulo basis A B C, ita vt angulus A I C fit acutus reliquus vero obtulus: ducatur postea recta E K hac lege subtendens angulum verticis, vt in partes æquales diuidatur in puncto X à linea recta V T, quæ sit æqualis rectæ E K, parallela vero basi B C, secetque axim in puncto Z; hinc sequitur triangulum M X Z esse isoscelium, latera scilicet M X, & Z X erunt æqualia, proptereaque triangulum A E K non erit subcontrarium triangulo A C B: per rectam deinde E K superficies plana extendatur erecta plano trianguli A B C, quæ in coni sectione ellipsim gignet E R K, cuius axis transuersus erit E K, ei coniugatus O N, centrum X, vnus ex focus, seu polis M cadens in axim coni, sumpta itaque X H æquali X M, alter ellipsis focus erit H, quo supposito assumit ipsemet Bullialdus Solem esse in puncto H, planetam vero æquabili cieri motu circa axim coni A M I per circulos perpetuo æquidistantes circulo basis coni B C, qui circuli æquantes possunt nuncupari, punctum vero M, siue potius totus axis appellabitur centrum motus æqualis; quoniam autem proprium est motus æquabilis circularis, vt ipse temporibus æqualibus angulos ad centrum æquales pertranseat, isti verò anguli ad centrum similibus circumferentijs insistant, sed tamen proportionalibus eorum radius, ergo cum deget planeta in puncto E designans circulum, cuius semidiameter S E eius motus erit tardiffimus, cum minimus sit huiusmodi circulus eorum omnium

Fig. 9.

qui

qui à stella propria periodo describuntur, cum verò stella perueniet ad punctum Y describetque in cono circumferentiam circuli FG, quæ transit per focum M, motus eius erit velox, quoniam talis circulus maior est, percurrentes autem aliorum circulorum peripherias, quousque ad maximam pertingat ad K, ibi eius motus velocissimus erit, quoniam maximi circuli PK peripheriam describit, quo loco planeta polo H propinquissimus est, quare ab Aphelio E ad Perihelium K, stella percurrent innumeras circulorum peripherias successive incrementales, proindeque idem motus æquabilis, qui temporibus æqualibus transit circa axim A I æquales angulos, affert ellipticæ circumferentiæ ERk velocitatis augmenta semper supra minimum incrementa, quæ eandem rationem habebunt inter se, ac prædictorum circulorum radij supra minimum. Quamuis autem Bullialdus in deducenda, ex hac hypothesi, physica, & optica æquatione à medio motu aliquid omisisset, vt Serhus Vuardus adnotauit, negari tamen non potest, illud eius primum inuentum mirabile non esse, ingeniosum, ac laude dignum. Verum enim verò duas opponunt ipsi difficultates Astrophilosophi, quarum prima est, tales cuiusvis planetæ conos esse fictitios, ideoque percipi non posse, quo pacto stella circa superficiem quamdam conicam reuoluatur, quæ nullibi existit in vniuerso: secunda verò, videri prorsus à veritate alienum, motus omnes fieri circa vnum punctum vnamque lineam motus æqualis, quæ sita sit in foco M, hoc enim punctum est indiuisibile, & imaginatione fictum in ipso æthere, nullamque prorsus virtutem ac facultatem habens, ideoque nulla penitus adest ratio, qua planeta torqueri debeat circa prædictum punctum, lineamque chimericam constanti adeo lege, contra verò circa maximum globum ipsius solis in puncto H collocatum irregulariter moueri debeat, quasi præcipuus finis stellæ sit, non Solem ipsum circumire, sed punctum illud imaginarium atque præstasticum, nullamque possidens perfectionem, facultatemque; & hæc equidem difficultas reuera adeo efficax esse videtur, vt egre tolli queat.

Quoad

Quoad primam crederem ego nedum remoueri, & fieri satis posse, sed aliquod etiam naturę arcanum forsitan contineri; ac primum quidem concipiamus, planetam ipsum duobus cieri motibus, circulari vno alio vero per lineam rectam, ostendemus ex hisce duobus motibus tanquam elementis, posse motum ellipticum resultare; intelligamus igitur Solem in H planetam verò primum in E Aphelio, habet autem duos motus, orbicularem alterum circa Solem, alterum verò rectum oblique factum ab E vertus P, sint autem tali pacto prædicti motus commenturabiles inter se, vt cum planeta ex E descripserit semicirculum, debuerit pariter motu recto ex E peruenire ad P; in sequenti verò semicirculo redeat iterum planeta ex P in E: supponere etiam debemus, planum circularis motus E D semper æquabiliter inclinari lineæ motus recti E P, ex quo sequitur stellam latam per rectam lineam, pertransire innumerosum circularum peripherias semper sibi ipsis equidistantium, ac si interim circularis motus esset æquabilis, si scilicet temporibus equalibus ad centra equales angulos pertransiret, ellipticam describeret peripheriam E R K, vt superius iam dictum est, hic autem videmus, quo modo licet realis conus in vniuerso non supponatur, fieri tamen potest eiusmodi motus ellipticus eo prorsus modo, quo fieret, si tale n. solidum conum admitteremus.

Prædictas autem duarum motionum hypotheses esse possibiles, primò potest ostendi planetarum omnium exemplo, qui spiras propemodum describunt, nunquam verò exactas circuli peripherias; tales autem spiræ tanto pariter inclinantur ad planum orbis ipsius planetæ, quantum postulat inclinatio, ex qua latitudo ipsa dependet.

Quoniam planum solaris vertiginis euidentissime inclinatur plano Eclipticæ, si igitur verum esset id, quod tenet Kieperus, a radijs nempe solaribus, dum reuoluuntur, præstari quodam modo, & circa Solem rapi errantia sydera, necessarium profecto esset, planetam per circulum L Q aliosque ipsi parallelos circumferri; si enim concipiamus Solem

E

in

in puncto H circulos parallelos ad L Q propria sua vertigine describentem, ita ut eiusdem vertiginis axis erigatur vertiginis plano L Q, solares radij per planum eiusdem circuli L Q, aliorumque huic æquidistantium ferentur, & rapti ab ijs radijs planetæ per idem planum incedent, & quoniam inferius stella quoque proprium exercet motum ex E in P, & ex P in E, cogetur percurrere modo circulum P K, modo L Q, & ita de cæteris; quoniam autem in nullo eorum moratur aliquo statuto tempore (motus enim per E P continuus supponitur) Ergo debent circumferri per innumerorum circulorum peripherias inæquales inter se, a quibus difformis velocitas mensuratur, quam circa Solem habet planeta; ac propterea videmus, nedum ex hoc capite eiusmodi motum non esse impossibilem, sed esse potius rationabilem, ac verisimilem, nisi aliæ ipsi occurrerent repugnantia.

Hic autem notandum est, quod, licet solaris corporis revolutio contingat semper eodem situ, circuli tamen æquidistantes, quos illius radij describunt, dum ipse circa proprium axim torquetur, perpetuo incidunt in eodem plano respectu mundani situs, ac spatij, ideoque, ut viæ ellipticæ à diversis planetis descriptæ saluari possint, nihil aliud necesse erit, nisi Aphelios in diversis à Sole distantis collocare diversisque sitibus stellati Cælis atque Zodiaci, ita ut Aphelij linea ex Sole ad planetam ducta magis minusve inclinetur plano vertiginis eiusdem Solis, deinde unicuique ipsorum motum tribuere per lineam rectam tantum super plano solaris vertiginis inclinatâ, quantum præcise sufficit ad ellipsem formandam, quæ unicuique planetarum debet competere simul cum suis periodis, aliisque omnibus circumstantijs, quæ in eorum motibus observantur.

Superest nunc reliqua difficultas, an scilicet fieri possit, ut planeta moveatur circa focum ellipsis, siue punctum æqualitatis, dum Sol in reliquo foco, seu polo collocatur, & sane durum videtur, & incomprehensibile, planetam siue propria, & nativa virtute, siue externa aliqua facultate

circumducatur, posse circa punctum illum æqualitatis nullam virtutem, aut entitatem habentem moueri, ab eoque allici, hoc autem præcipuè euincitur ex velocitate inæquali motus ipsius planetæ, quæ in huiusmodi hypothesi augeri deberet præcise ea proportione, qua distantia ab axe conï per focum educitur, seu eadem ratione qua semidiametri æquantium circulorum crescunt, hoc autem nullo pacto fieri posset, nam aut planetæ motus per circumferentias circulorum æquantium efficitur à propria virtute in ipso met planeta existente, aut ab aliqua externa facultate impellente; in primo casu planetæ velocitas semper vniformis, sibi ipsi æqualis esse deberet; in secundo verò casu velocitas planetæ imminui deberet, quo magis semidiametri, & peripheriæ circulorum æquantium augmentur, vt inferius ostendetur. Hisce de causis cogimur relinquere prædictam hypothesim, & si fieri potest, aut aliam verisimiliorem inuenire, aut potius ostendere, eamdem viam ellipticam retineri posse in ipsis planetis, sed firmioribus fundamentis innixam physicisque rationibus magis conformem, quod quidem, vt exequamur, quædam lemmata præmittenda sunt.

Lemmata ad inuestigandum ellipticum planetarum iter.

Cap. X.

LEMMA PRIMVM.

SI ab vno ex polis ellipsis recta eleuetur perpendicularis ad axim vsque ad sectionem, ab incidentia autem ducatur linea recta contingens ellipsim quousque secet duas ad axim maiorem perpendiculares ab eius terminis ductas, erunt tales perpendiculares æquales portionibus conterminalibus ipsius axis, vsque ad prædictum polum.

In ellipsi *A M P*, cuius axis maior *A P*, alter verò polo *S*, (*Fig. 10.* hic ab Apollonio dicitur punctum comparationis) ducantur a punctis *P S*, & *A* rectæ ad axim *A P* perpendiculares,

- lares, quales sunt AE , SB , PD , & à puncto B , in quod incidit perpendicularis à polo S , ducatur recta linea BD tangens ellipsim, eademque producat, quousque occurrat perpendicularibus in D , & E : dico iam, PD æqualem esse PS , aliamque portionem axis AS æqualem suæ conterminali perpendiculari AE . Producat tangens BD quousque axi occurrat in puncto F , & à centro C ducatur recta CM perpendicularis ad eundem axim, quæ secet sectionem in puncto M , tangentem verò in G ; quoniam ab eodem ellipsis puncto B ducitur BS ordinata ad axim applicata, ac tangens BF , quæ eidem axi occurrat in F , ergo AF ad FP eandem rationem habet, quam AS ad SP ; verum ut AF ad FP , ita AE ad PD ab hisce etenim parallelis inter se duo similia efformantur triangula AEF , & PDF , ergo AE ad PD erit, ut AS ad SP . Deinde quoniam rectangulum ex AE in PD æquale est quartæ parti Figuræ, quæ describitur ad maiorem axim, pariterque rectangulum ASP æquale est quartæ parti eiusdem Figuræ; ergo rectangulum ex AE in PD æquale erit rectangulo ASP ; sunt autem hæc rectangula similia inter se, cum eorundem latera sint directè proportionalia, ut dictum est, quapropter latera homologa AE , & AS erunt æqualia, pariterque latera PD , & PS æqualia sunt inter se, quod, &c.
- Apoll. lib. 1. prop. 36.*
- Idem lib. 3. prop. 43. 44.*

LEMMA SECVNDVM.

Idem manentibus quælibet alia recta ad axim perpendicularis vsque ad tangentemeducta æqualis erit rectæ ex polo ductæ ad concursum sectionis, eiusdemque perpendicularis; vocetur illa radius polaris.

Fig. 10. In eodem diagrammate præcedentis lemmatis ducatur quælibet recta CG perpendicularis ad axim, quæ sectionem dissecet in M , tangentem autem in G , iungaturque polaris radius,

radius $S M$: dico, $S M$ equalem esse $C G$, atque hoc verificari in quibuslibet ellipsis locis.

Producatur ordinatim applicata $M C$ vsque ad sectionem in X : quoniam ex precedenti lemmate recta $A E$ equalis est recte $A S$, pariterque earum quadrata æqualia sunt; ergo quadratum ipsius $A E$, ad quadratum recte $B E$ eandem habebit proportionem, quam quadratum recte $A S$ ad quadratum ipsius $B E$; quoniam autem $A S$ ad $B E$, est vt $C S$ ad $G B$ (sunt enim recte lineę $S B$, $G C$, & $A E$ inter se equidistantes) erit quadratum $C S$, ad quadratum $G B$, vt quadratum recte $A S$, ad quadratum recte $B E$, siue vt quadratum recte $A E$ ad quadratum recte $B E$; verum vt quadratum ex $E A$, ad quadratum ex $E B$, ita est rectangulum $X G M$ ad quadratum recte $G B$; ergo tam quadratum ex $C S$, quam rectangulum $X G M$ eandem habebit proportionem ad quadratum recte $G B$; ideoque rectangulum $X G M$ æquale erit quadrato ex $C S$; addito autem communiter quadrato ex $C M$, erit summa duorum quadratorum recte scilicet $S C$, & $G M$, hoc est quadratum solummodo recte $S M$, equale rectangulo $X G M$ simul cum quadrato ipsius $C M$, soli scilicet quadrato ex $C G$, proindeque recta $S M$ æqualis erit $C G$, quod, &c. *Apol. lib. 3. prop. 16.*

LEMMA TERTIVM.

IN Ellipsi polarium radiorum incrementa supra minimum radium eandem habent rationem, quam sinus versī, seu portiones axis maioris facti à perpendicularibus cadentibus à radiorum concursu cum ipsa sectione.

In eodem schemate ducantur quilibet duo radij polares $S M$, & $S T$, & à punctis M , & T cadant perpendiculares ad axim $G M C$, & $N T H$, quę sinus versos $P C$, & $P H$ abscindant: dico, quod excessus radij polaris $S M$ supra minimum radium $S P$ ad excessum radij $S T$ supra eundem minimum $S P$, eandem habebit proportionem, quam $P C$ ad $P H$. Ducatur recta $D I$ parallela axi $P A$, quę fecerit rectas *Fig. 10.*

rectas GC , & NH in punctis K , & L ; quoniam in triangulis NDL , & GDK similibus inter se (eo quia NL , & GH parallelæ sunt, cum ambæ perpendiculares existant ad axim PA) GK ad LN est vt KD , ad DL id est vt CP , ad PH ; per lemma autem præcedens radius SM æqualis est ipsi GC , radius verò ST æqualis est ipsi NH ; pariterque per primum lemma SP æqualis est ipsi PD , imò etiam ipsis CK , & HL ; si auferatur igitur ex æqualibus æquales partes, id est SP ab SM , & PD , aut CK à GC remanebit excessus radij SM supra SP æqualis rectæ KG eodemque modo excessus radij ST supra minimum SP , remanebit æqualis rectæ NL , proindeque excessus radij SM , supra radium SP , ad excessum radij ST supra eundem SP eandem habebit proportionem, quam KG , ad LN , eandem scilicet, quam KD ad DL , seu CP , ad PH quod, &c.

LEMMA QVARTVM.

SI à duobus polis eiudem ellipsis duo radij ducantur ad idem illius punctum excessus maioris radij, supra radium mediocrem inter maximum, & minimum æqualis erit defectui minoris radij ab eodem mediocri.

Fig. II. In vndecima figura sunt duo ellipsis poli F , & S , à quibus coniunguntur ad idem punctum sectionis T duo radij polares ST maior, & TF minor, à termino autem M minoris semiaxis CM ducantur duo alij radij SM , & FM , tunc quidem radij SM , & FM proculdubio erunt æquales (sunt enim SC , & FC polorum distantia à centro æquales inter se, angulique sunt recti ex vtraque parte comunis lateris MC) dico iam primò radiū SM mediocrem esse inter maximum SA , & minimum SD ; quoniam duo radij SM , & MF sunt æquales axi maiori PA , erit excessus distantie maioris SA supra SM , siue CA æqualis defectui ipsius SP distantie minimæ ab eadem SM . Nunc verò ostendendum est, excessum rectæ ST supra rectam SM æqualem esse defectui ipsius FT ab eadem SM . Quoniam duo radij ST , & TF simul sumpti sunt æquales axi maiori PA ,

Apol.
lib 3.
prop.
52.

PA , duplo scilicet rectę SM ; excessus ergo rectę ST supra SM æqualis erit defectui ipsius FT ab eadem recta SM .

C O R O L L A R I U M.

Si deinde consideremus non radios, sed eorum excessus supra minimum, pariter verum erit id quod iam in propositione demonstrauimus. hoc est, si a tribus radijs ST , SM , & FT comuniter auferatur distantia minima SP , ita vt excessus radij ST supra SP æqualis sit ipsi LN , & excessus radij SM supra SP sit æqualis rectę KG , tandemque FT minus PS sit æqualis OQ tunc quidem excessus ipsius LN supra GK æqualis erit defectui OQ à GK .

L E M M A Q V I N T V M.

Si circa polos eiusdem ellipsis fiant duo circulares motus ambo ab eodem gradu tarditatis incipientes, ac in eorum altero velocitates eadem ratione increſcant qua radij polares augentur, in altero verò celeritates contrario ordine augmentum ſumant, hoc est quo magis polares radij decreſcant, eò magis velocitates creſcant, incrementa velocitatum erunt æqualia iisdem gradibus, eadem periodo, æqualibusque temporibus aucta.

In eadem ellipſi ABP ſupponamus quod motus circa *Fig. 12.* polum F augeri incipiat ab axis maioris termino A eadem ratione qua elongatur polares radij FA , FT , FM , FB , FP , motus quoque alius circa polum S , ſcilicet incipiens ab eodem ſupremo termino A , eodemque tarditatis gradu quo cepit alius, eadem proportionem increſcat, qua decurtantur radij polares SA , ST , SM , SB , & SP , dico iam quod augmenta velocitatum æqualia erunt, excedentia ſe ſe gradibus æqualibus, ac eadem prorsus periodo. Quoniam in ellipſi radij FM , & SM , æquales ſunt, cum ducantur à termino axis minoris eiusdem ellipſis, & mediores quoque ſint inter maximum radium SA , & minimum

mum SP , FA tantum elongari debet, vt ad prædictam
 mediocritatem perueniat, quantum decurtari SA ; verum
 in prædictis progressibus æqualis auctioris, & imminutio-
 nis æquales gradus velocitatis acquiruntur supra mini-
 mum, à quo ambæ cœperunt, ergo celeritates radiorum
 SM , FM æquales erunt inter se, ac mediocres inter maxi-
 mam minimamque velocitatem, quoniam autem princi-
 pio motus in A celeritas radij FA eò minor est mediocri
 celeritate ipsius FM quò adunguem velocitas radij AS mi-
 nor est velocitate SM , si in vtriusque motibus supponantur
 duo transitus peracti à prædictis duobus radijs temporibus
 æqualibus, ita vt FT , & SI à termino A pertingant ad T ,
 ibi celeritas radij FT tantò minor erit mediocri celeritate
 FM , quantò velocitas radij ST minor est eadem medio-
 cri velocitate SM ; quoniam excessus huius, & illius defe-
 ctus à radio mediocri, à quibus mensurantur augmenta gra-
 duum nouæ celeritatis, sunt æquales inter se; ergo gradus
 velocitatis in vtriusque motionibus acquisiti in puncto T
 inter se pariter æquales erunt; principia enim in termino A
 eandem habebant tarditatem in ambobus motibus, ac id-
 circo temporibus æqualibus æquales celeritatis gradus ac-
 quirentur, cum verò idem dicendum sit de cunctis alijs el-
 lipsis punctis, verum profectò erit, amborum motuum cele-
 ritates æquales esse, adauctasque iisdem gradibus, atque
 periodis, quod opus erat, &c.

LE M M A S E S T V M.

SI duo mobilia in orbem lata circa duo centra moueri cœ-
 perint eodem tarditatis gradu, ac temporibus æquali-
 bus gradus celeritatis acquirant æquales, alterū eadem pro-
 portione, qua radij producuntur, alteram verò eadem ra-
 tione, ac mensura, qua radij decurtantur, sintque maximi
 radij æquales inter se, pariterque minimi inter se æquales,
 itinera ab eis descripta erunt omnino similia, & æqualia, ita
 vt si primum ellipsim descriperit circa proprium polum,

secundam quoque ellipsim illi similem, & æqualem delineabit.

[Sint duo mobilia A, & B, quorum alterum A feratur circa *Fig. 13.* centrum F, alterum verò B circa centrum H, amboque incipiant eodem tarditatis gradu in terminis A, & B æqualibusque temporibus acquirant æquales gradus maioris celeritatis, ita tamen ut mobile A velocitatis incrementum suscipiat eadem proportionem, qua elongantur illius radij F A, F T, F M, & F P, mobile verò B, proprias amplificet velocitates inuerso ordine, eadem scilicet proportionem, qua decurtantur radij H B, H L, H D, & H E; supponamus autem mobile A suo motu ellipsim describere A M P circa proprium polum F, sitque A P axis maior huius ellipsis, pariterque supponamus radios maximos, qui sint exempli gratia F P, & H B æquales esse inter se, sicuti minimos quoque radios F A, & H E inter se itidem æquales; aio mobilem B pariter designaturum ellipsim B D E similem, & æqualem ipsi primæ, quoniam ambo mobilia motus initium sumunt ab A, & B, eodem tarditatis gradu, æqualibusque temporibus ambo æquales maioris celeritatis gradus adipiscuntur; ergo maximi velocitatis gradus temporibus æqualibus acquisiti, sicuti etiam mediocres gradus inter maximos & minimos erunt æquales inter se, & quoniam eorum alterum velocitatem auget, secundum proportionem incrementi radij F A, aliud verò imminutionis radij H B, ergo cum ambo ad mediocrem celeritatem peruenerint inter maximam, & minimam, tam incrementum minoris radij F A, quam decrementum maioris H B mediocritatem inter maximum, & minimum radium adepti erunt; cum autem tam radij maximi F P, & H B, quam minimi F A, & H E æquales sint, radij etiam mediocres, qui sint exempli gratia F M, & H D inter se erunt æquales; quoniam autem A M P supponitur ellipsis, cuius maior axis A P, polus verò F, si alius polus S reperiatur, iunganturque radij S T, S M (ex lemma præcedenti) incrementales celeritatis gradus acquisiti periodo augmenti radiorum, qui circa polum F reuoluuntur

tur, æquales erunt celeritatis gradibus incrementibus acquisitis periodo decrementi radiorum, qui torquentur circa polum S; sed ex hypothesi celeritatis incrementibus gradibus acquisiti periodo decrementi radiorum circa polum H, æquales sunt celeritatis gradibus acquisitis crescentibus periodo latorum radiorum circa polum F; ergo incrementibus gradibus celeritatis acquisiti periodo decrementi radiorum, qui aguntur circa polum H, æquales erunt gradibus velocitatis acquisitis periodo decrementi radiorum, qui torquentur circa polum S; quoniam verò ambo ceperunt ab eodem tarditatis gradu in B, & A, ac temporibus æqualibus æquales celeritatis gradus adipiscuntur, idcirco angulos æquales percurrunt B H L, & A S T, suntque maximæ radij H B, & S A æquales inter se, quemadmodum radij quoque H L, & S T sunt pariter æquales, temporibus enim æqualibus æqualiter decreuerunt; ergo prædictarum figurarum altera debite alteri superposita punctum B congruet puncto A, punctum verò L ipsi T; ac ita de cæteris; proindeque figuræ D B E, & A M P sibi mutuo congruent; atque idcirco D B E, erit ellipsis similis, & æqualis ellipsi A M P. Quod erat, &c.

L E M M A S E P T I M V M.

SI circa alterum polorum alicuius ellipsis mobile reuoluatur, eodemque tempore eius axis maior torqueatur circa eundem polum in eodem ellipsis plano, & versus easdem partes, ad quas fertur prædictum mobile, linea à mobili descripta in Vniuersi spatio ellipsis non erit, sed curua quedam inflexa ad instar nodi.

Fig. 14. Sit ellipsis A B P, cuius axis maior A B, polus S, percurrat autem mobile ellipticam lineam A B P ita tamen, ut dum mobile fertur per ellipsim, axis quoque A P simul cum integra ellipsi torqueatur circa eundem polum S, ac in eodem plano, in quo ellipsis prædicta sita est, ita ut eodem tempore, quo mobile integram reuolutionem absoluit, &

reuertitur in A, axis P A perueniet ad situm X Z, dico iam, lineam descriptam à prædicto mobili in spatio mundano ellipsim non esse, sed lineam quamdam inflexam, atque contortam qualis est A D E X; quoniam eodem tempore, quo mobile descendens ab A percurrit arcum A B, si axis A P simul cum sua ellipsi quiesceret, profectò mobile præcisè peruenisset ad punctum B remotum à polo per spatium in B S; sed quia eodem tempore prædictus axis A S tendit ad easdem partes, inciditque supra lineam S C, tunc necesse est, vt etiam punctum B eiusdem ellipsis antèrius sit progressum versùs D angulo quidem B S D æquali angulo A S C, ac idcirco mobile apparebit in D, cum descripserit curuum iter A D incidens extra ellipsim A B P. Pariter postquam per E, transieritque distantiam minimam per totum ellipsis arcum P G, cum axim longo anteierit intervallo, vique ad situm S F spatio anguli A S F, mobile pariter distans apparebit à puncto G per angulum G S H æqualem angulo A S F, ideoque mobile non apparebit in G, sed in H, & quousque latitudo G H minor est amplitudine ellipsis G B, punctum H cadet intra ellipsim P G A, cum prius extra appareret in D. Denique postquam axis S F percurrerit totum angulum F S X, eodemque tempore stella pertransierit propriæ ellipsis residuum arcum G A redieritque iterum ad maximam distantiam à polo, mobile non erit in A, sed in X, ideoque extra ellipsim A B P; quapropter necesse est, vt prius ellipsim secet, ac primum iter A D in puncto I; ergo patet, &c.

LEMMA OCTAVVM.

SI mobile iter describat ellipticum circa punctum aliquod tanquam polum, eiusque celeritas augeatur eadem ratione, qua decurrantur radij polares, deinde verò imminuatur eadem propotione, qua iidem radij producuntur, absoluatque periodus integer reuolutionis minori tempore, quam sit illud, quo peragitur incrementum, & de-

crementum prædictorum radiorem, mobile in spatio mundano describet lineam quamdam curuam in se ipsam contortam ad instar nodi, sed tamen apparebit translatum per ellipsim, non quidem fixam, sed mobilem, circa eundem polum, ac versùs easdem partes.

Circa punctum S tamquam polum reuoluatur mobile A elliptico motu, incipiens à summa tarditate, ex qua continuè acceleratur illius motus eadem ratione, qua radii polares decurtantur, integerque circuitus huiusmodi mobilis circa centrum S, & respectu mundani situs absoluatür tempore R, periodus verò totius decrementi incipiens ab A S maxima distantia à polo per minimam transiens, deindeque rursus increescens, quouſque redeat ad maximam distantiam à qua discessit, absoluatür tempore maiori V, iam dico, iter descriptum in Vniuersi spatio à mobile A curuum futurum esse, atque contortum, quale est A I B E H X, sed tamen per mobilem ellipsim appariturum, cuius axis à situ A S, percurrat ad situm S X. Quoniam tempus reuolutionis respectu spatij mundani minus est tempore periodico incrementi, & decrementi radiorum, ergo eorum medietas, aliæque partes proportionales erunt pariter inæquales, proindeque cum mobile medietatem reuolutionis pertrāſierit ab A vsque ad P, radiorum polarium incrementum adhuc perdurabit aliquo temporis interuallo vsque ad E, ibique erit minima polaris distantia S E, hæc autem producta in directum secet ellipsim A B P in L, & K; ergo linea à mobile descripta progredietur procul à puncto P, ac extra semiellipsim A B P, punctum verò E cadet intra ellipsim A P K, eo quod S K maior est, quam S P, & quam S E; postea, quia tempus quòd requiritur ad percurrendum circulariter spatium ab infimo situ E vsque ad oppositum F constitutum in eadem recta linea E S F minus est tempore, quo absoluitur periodus omnium incrementorum radiorum, à minimo scilicet S E, vsque ad maximum S X, ergo vt mobile perueniat ad terminum X, alio quoque tempore opuserit, ideoque prædictum punctum X, quatenus
magis

magis remotum ab S, quam sit L S valde recedet à prima ellipfi, atque à linea, quam ab initio descripsit mobile; quapropter necesse erit, vt prius se fecerit in aliquo puncto veluti in I.

Deinde quoniam eadem linea curva A I B E H K describitur cum mobile torquetur reuera circa ellipfin A P translata circa polum S, cum inque mobile semper situm esse debeat in vnico loco, hinc est quod cum nos persuasi simus, quod vbiicumque mobile maximè remouetur à polis ibi reperiatur terminus maioris axis illius ellipsis, quam concipimus à mobile designari, neque obseruemus contortam lineam à mobile proprio itinere in mundano spatio descriptam, meminimus tantum illius primi conceptus, ac idcirco censemus, totam ellipfin e loco ad locum transferri, à situ scilicet A P ad situm E X circa eius polum S; quod, &c.

Pronunciata seu principia philosophica apprimè necessaria ad intelligendas causas eccentricitatum orbium Mediceorum Syderum, figuræque elliptica ab eis descripta, rectique motus in lineam absidum eorumdem. Cap. XI.

CUm iam satis declarauerimus fundamenta structuræ motus elliptici, ac proprietatum eiusmodi motionibus competentium iam super est, vt ad applicationem descendamus, ostendentes, ex his quæ in abstracto pronunciauimus, quomodo fieri possint motus elliptici in ipsis planetis, præsertimque in Mediceis; deducemus autem hæc omnia ex suis phisicis causis, ac denique demonstrabimus non solum esse possibile, sed verosimile, & proprie dixerim necessarium, Naturam ipsam tali pacto operari.

Primum autem quæritur, qua necessitate planetæ nunquam deserant circulos ab ipsis semel descriptos, aut sese remouentes à globo quem circumueiunt percurrentes mundanum spatium per diuersa loca, aut se admoventes, quousque

usque centrali globo vniantur, quem circumeunt, hoc
 autem docemur Naturæ lumine tribus modis posse saluari,
 primò si planetæ aliquo vinculo corporeo alligentur præ-
 dicto centrali corpori, qualis esset v. g. funis seu rota solida,
 quæ soli ipsi alligata nunquam permetteret planetam ab eo
 magis remoueri, quam concedat longitudo prædictæ funis,
 seu rotæ solidæ radij: secundò si cum aliquibus suppona-
 mus ætheream auram habere circa Solem quoddam quasi
 confinium determinatæ consistentiæ, ac raritatis, veluti
 oceani aqua, in cuius ætheris externa superficie planetæ
 corpus innatet veluti naus in aqua nostra; & licet arduum
 videatur, corpus solidum atque densum, vt est planeta, pos-
 se à suprema rarissimæque æthereæ regione sustentari, mul-
 tis tamen modis reddi posset verisimilis eiusmodi effectus;
 primò supponendo, quod virtus quasi magnetica, qua eius-
 modi planeta nititur se ipsum solari corpore ad mouere,
 dum ipse in prædicta innatat superficie augeatur non secun-
 dum grauitatis leges, hoc est, quo magis augmentatur pars
 densa, ac materialis, eo magis talis conatus sese mouendi
 versus Solem pariter augeatur cuius rei, vel ex eo deducere
 possumus argumentum, quod accipientes pilam ferream
 intus cauiam, ac aere plenam conspiciemus ipsam maximo
 impetu, atque energia ad magnetem appropinqua e, quod
 quidem non contingeret pilæ marmoreæ aut aureæ, licet gra-
 uissimæ: secundo impossibile non est virtutem magneti-
 cam per quam planeta conatur Soli sese ad mouere debilio-
 rem esse, ac minoris energie, quam virtus eiusdem supremi
 ætheris, ita vt non ex maiori copia materiæ ipsius planetæ,
 sed ex maiori, & minori facultate magnetica eiusmodi ef-
 fectum prouenire censeatur, ac idcirco impossibile non ef-
 set corpus planetæ in suprema regione ætheris innatare
 veluti in quodam oceano, qui cum possit difformem habe-
 re densitatē, poterunt in diuersis profunditatibus distantijs
 que ab ipso Sole alij, atque alij planetæ innatare, eodemque
 modo in diuersis a Ioue distantijs quatuor Medicei planetæ,
 quod quidem multis exemplis posset confirmari, ac præci-
 pue

puè experimento vasis partim oleo saxi repleti, partim vero spiritu tartari vini, aliisque similibus, in quo immittuntur globuli vitrei aere pleni, ita aptati, ut in qualibet superficie prædictorum liquorum aliquis globulus supernatet, reliqui verò nequaquam.

Supponendum quoque esset vltimum confinium vniuscuiusque ex prædictis oceanis æthereis figuram habere non quidem exactè sphericam, sed gibbam magis ex vna parte, quam ex alia, talique pacto motus planetæ supernatantis posset se se eccentricum exhibere; verum enim verò quoniam ex hisce duobus modis primus observationibus ex sensu ipso petitis iam falsitatis, euincitur, secundus verò multis difficultatibus implicatur, idcirco cogimur eos ambos deserere, & videre an certiori, & faciliiori modo saluari possint eiu'smodi apparentiæ absque absurda illa cælestis, substantiæ soliditate, & prædictis oceanis æthereis, hoc autem consequemur supponentes id, quod videtur non posse negari, quod scilicet planetæ quemdam habeant naturalem appetitum se vniendi cum mundano globo, quem circummeunt, quodque reuera contendunt omni conatu ipsi appropinquare, planetæ videlicet soli, Medicea verò sydera lous. Certum est insuper quod motus circularis mobili impetum tribuit se remouendi à centro eiusmodi reuolutionis, quemadmodum experimur in rotæ, seu fundæ gyro, quo lapis acquirit impetum recedendi à centro suæ reuolutionis; supponamus igitur planetam niti Soli ipsi appropinquare, quoniam interim ob circularem motum impetum acquirit se se amouendi ab eodem centro solari, hinc est, quod dum æquales euadunt vires contrariæ (altera enim ab altera compensatur) neque vicinior, neque remotior fieri potest ab ipso Sole vltra certum, ac determinatum spatium, ideoque planeta libratus apparebit, & supernatans.

Prædicta autem assertio confirmari poterit sequenti experimento: si natur circulus ligneus A B C, cui diameter aptetur pariter linea A B eius verò centro D aptetur axiculus

Fig. 15

ius, seu virga D E plano circuli A B C erecta, ac eidem
 centro D apponatur portio aliqua magnetis F, cuius polus
 meridionalis respiciat punctum A, deinde hæc omnia ita
 composita innatent in aqua Stagni R S, in G autem adsit,
 portio aliqua suberis supra quam sit globulus aliquis fer-
 reus I, possit autem huiusmodi suber simul cum ferreo glo-
 bulo supposito liberè natàre in ipsa aqua, deinde verò suber
 prædictum G admoueat magneti F, quousque incidet in
 sphaeram adiuuitatis eiusdem magnetis, vsque scilicet ad eum
 situm, ex quo ipse ferreus globulus incipit lentè appropin-
 quari ipsi magneti, tunc verò manu Orizentaliter cir-
 cumgiretur extremum punctum E ipsius virgæ, vt nimirum
 à semidiametro A D transferatur suber G simul cum ferreo
 globulo supposito: supponamus autem quòd ferreus glo-
 bulus I innatans moueri possit tempore vnus minuti secun-
 di horarij ex G in H appropinquans magneti F, sed eodem
 tempore feratur prædictus globulus ferreus per arcum H L,
 qui motus circularis adeo velox fieri potest, vt tempore
 vnus secundi minuti impellat mobile innatans I per tan-
 gentem H K, vt exigit natura circularis motus per spatium
 L K, & remotionem efficiat æqualem ipsi G H, ideoque
 eodem tempore 1. m. sec. cum magneti appropinquatio
 G H sit æqualis remotioni L K ortæ ex vertigine circularis
 motus; hinc erit quod distantia, seu radius D K erit æqualis
 semidiametro D G; cum autem ferreus globulus innatans
 I temporibus insequentibus, immo omnibus temporis in-
 stantibus perseueret in eodem conatu, hoc est eodem mo-
 do appropinquet magneti F, sicuti idem circularis motus
 pariter perseuerat in eadem depulsione, hinc sequetur,
 quod per integrum circuitum innatans ferreus globulus I
 æqualiter temper distabit à magnete, & a centro D ideoque
 describet circuli peripheriam absque vlla deuiatione, hoc
 autem sequetur etiam si globulus innatans nulli solido
 corpori alligetur, aut ab externa facultate retineatur, sed
 fluat per medium liquidum, quod nullo pacto impediat
 prædicti corporis appropinquationem ipsi magneti, ac cen-

tro D; sed multò facilius hoc experiri potest absque magnetē, si nimirum virga lignea A B non sit directā, sed inflexa in D, vt nimirum duo radij A D, & D B angulum obtusum efficiant circa infimum punctum D, atque axiculus E D, angulos deinceps acutos E D A, & E D B efformet. Postea excauetur canalis directus, & leuigatus in radio A D, vt in eo pila grauis G descendere possit per canalem inclinatū ab A, ad D. Si postea conuertatur horizontaliter machina A B reuoluto axiculo E D, dum pila G in canaliculo descendit versus D, atque huiusmodi vertiginis velocitas itā moderetur, vt æquali vi expellat pilam G versus A, ac illa niritur naturali pondere descendere per canalem D versus centrum, tunc profectò æquatis viribus contrarijs in tota reuolutione per arcum G K, pila æquē recedere conspicitur à centrō suæ reuolutionis D. Qua propter si eodem modo concipiamus in spatio æthereo planetam I, qui naturalem habeat instinctum appropinquandi Soli D, simulque in orbem feratur circa idem solare centrum tali celeritate, quæ sufficiat ad remouendum planetam præcisè tantum, quantum ipse in vnoquoque instanti Soli appropinquaret dubium profectò non est, quòd hisce duobus motibus contrarijs sese inuicem compensantibus stella I, neque admovebitur, neque remouebitur ab ipso Sole D maiori spatio, quam semidiameter D G, ideoque librata, & innatans apparebit, aut retenta ab aliquo firmo vinculo, quamuis sita sit in æthere fluidissimo nullique rei innitatur, & à nulla sustentetur; hæc autem omnia euenire possent sine intellectualibus, vel angelicis facultatibus, sed viribus Naturæ solummodo; ideoque absque illa difficultate planetæ possent perseueranter Solem ipsum, vel Iouem circum ambulare, neque possent remoueri, vel à semita aberrare, quamuis æther sit fluidissimum.

Secundo loco debemus considerare, qua virtute planetæ circa Solem agantur, vel circa Iouem, hoc est an vis eiusmodi sit ab intrinseco, ac naturali principio, an ab externo, & violento, aut ab ambobus; si autem hoc principium in-

temum est, quæritur an sit animalicum, vt principium motus animalium, an naturale veluti propensio corporum grauium ad descendendum, seu appetitus, quo omnes terro appropinquatur; si verò prædicta virtus externa est, quæritur an pendeat ab intelligentiis, seu mentibus angelicis, an verò sit similis motui projectorum. Multi ad animam intelligentiam sue cōfugiunt, veluti ad sacram anchorā, vt motuum planetarum rationes reddant, qui simplices non sunt, veluti lapidis descentus, sed maximo artificio perficiuntur; concipere enim nequeunt, quomodo planeta per liquidum æther possit constanti lege moueri per circulum eccentricum absque vlla deuiatione, tantisque artificiosis anomalis, quæ in eius circuitu obseruantur, cum contra talem finem facillimè consequamur supponentes, ibi ducem adesse nedum oculatum, verum etiam intelligentem, qui ipsum ducat planetam debito itinere absque vlla transgressione. Verum enim verò licet huiusmodi assertio a plerisque admittatur, tamen nullus prorsus reperitur qui in dubium reuocet, quod, si possibile esset motionum planetarum causas assignare merè naturales, confugiendum non esset ad animam, seu intelligentiam, quemadmodum nemo (vt reor) sibi suadebit, motum, quo grauia tendunt ad ipsam Terram linea omnium breuissima, pendere ab anima, aliaue Intelligentia, quæ propriam sedem habeat in saxis, ac deorsum impellat; possibile enim est, ac minori quidem labore, atque dispendio, vt natura eiusmodi consequatur finem mediante aliqua simplici naturali facultate, quæ grauitas appellatur.

Quoniam verò præcipua ratio ob quam ad intelligentias confugiunt in motibus planetarum ex eo petitur, quia scilicet eorum cursus solertia nimia, & artificio peraguntur, ita vt verisimile non videatur facultate aliqua naturali simplici, ac cæca planetas non solum suspendi absque vlla titubatione in æthere fluido, verum etiam per eccentricum circumuolui, immò (quod magis mirandum est) per ellipsem, aut lineam ellipticæ propriorem eorum Apogea in anteriora

ra progredi, nōdos autem in posteriora firma, ac stabili lege, ac methodo, tandemque in tanta circuitum varietate nunquam vacillare. Si igitur nos ostenderimus hæc omnia effici posse ab vna simplici naturalique virtute, siue interna, siue externa, nihil nobis opus erit confugere ad alias machinas.

Primum autem sensus ipse videtur ostendere, quod in motibus circularibus orbis ex interna, naturalique virtute, aut ab externa, ac violenta illi, qui per maiores circulos peraguntur (eadem tamen motiua vi) semper illis tardiores sunt, qui circa minores circulos reuoluuntur: ita graue ali- quod corpus pendulum proprias efficit oscillationes circa suæ suspensionis centrum; hæ autem procul dubio fiunt ab intrinseco, ac naturali principio, scilicet à grauitate prædicti penduli, quod spontè, ac per se absque alia vi externa impellente proprias efficit vibrationes; hic autem videmus quod dum pendulum prædictum vltro citroque percurrit, si filum, quo suspenditur, producat, statim eius motus tardior euadit; si verò contra decurtetur, statim velocior fit; ergo in circuitibus à vi naturali peractis (necessè est, vt producto gyro mobile circuitum absoluat maiori tempore, & e conuerso; si vero vtamur aliqua virtute externa impellente gyrando scilicet prædictum pendulum per alicuius circuiti peripheriam, videmus, quod si postquam talis impulsus pendulo impressus fuit, filum ipsum producat, & circuitus amplificentur, motus retardatur, si verò decurtetur filum, circuitusque restringantur, acceleratur. Idem contingit in parua libra dentati horologii, in qua solent aptari duo pondera æqualiter remota ab eius axi, pariterque hic videmus, quod eadem virtus eiusdem præmentis ponderis maiori velocitate librulā gyrat, omnesque alias rotas, cum pondera prædicta propinquiora sunt centro propriæ reuolutionis, & e conuerso; quapropter circulares motus, seu propria, seu extranea virtute peracti, quouiscumque circuitus amplificantur, ob semidiametri productionē longiori absoluntur tempore, & e contra. Si igitur supponamus planetæ

corpus vi inrinsca circa Solem torqueri, seu circa Iouem, seu potius circumgyrari ab impulsu solariū radorum, dum ij simul cum solari vertigine circumferuntur, ac idipsum contingat in Ioue, nulla aderit difficultas in retardanda planetæ velocitate; quoriescumque enim remotior erit à Sole describet circulum ampliozem, proindeque retardabitur; contra verò cum Soli vicinior fiet, angustiozem circulum designabit, ac idcirco fiet concitatioz. Quamquam autem alicui videatur satis probata huiusmodi propositio ex prædictis experimentis, hæc tamen non sufficiunt, neque carent fallacis; quapropter necesse est vt subtiliori indagine idipsum perpendamus, ac primùm aio, verum non esse, idem mobile semper ab eadem virtute motiua intrinseca translatum, ac modò percurrentes maiorem circuli peripheriam, modò verò minorem, per minorem circulum concitatiōri motu cieri, quàm per maiorem; progreditur enim eadem velocitate per ambos circulos inæquales, hoc est temporibus æqualibus æqualia spatia pertransit, vt si verbi gratia idem mobile B latum ab intrinseco sui principio semper sibi ipsi vniformi, modò feratur per circuli peripheriam B C, cuius radius A B, modò verò per circumferentiam B E, cuius semidiameter B D, falsum erit, idem mobile æqualibus temporibus maius spatium pertransire per circumferentiam B E, quam pertranseat per circumferentiam B C; hoc autem probatur ratione habente pro fundamento lumen ipsum naturale, atque experientia.

Ac primùm quidem, cum supponamus, moticem facultatem mobilis B. constantem esse, neque vnquam augeri, neque diminui, necessarium profectò est, vt eiusmodi facultas temporibus æqualibus spatia pertranseat æqualia; varia autem directio, seu inclinatio, aut curuitas dictorum motuum nullam alterationem afferunt prædictæ moticæ facultati, neque eius vniformi operationi, idest celeritati; ergo temporibus æqualibus idem mobile B fertur æqualibus velocitatibus, ideoque pertransibit æqualia spatia B C, & B E. Verum quidem est, quod arcus B E maior erit, quam

vt

vt similis sit arcui BC , quod scilicet angulus ad centrum BDE ad angulum BAC eandem reciprocam rationem habebit, quam habent radij prædictorum circulorum, hoc est erit vt AB , ad BD , quoniam facto angulo PDF æquali angulo BAC , arcus BC , & BE erunt similes inter se, cum autem idem arcus BC , & BE sint æquales, habebunt ad comunem arcum BE eandem proportionem; est autem arcus BC ad sibi similem arcum BE , vt radius AB , ad radium BD ; vt verò arcus EB ad arcum FB , ita est angulus EDB ad angulum FDB , seu ad angulum BAC ; igitur angulus EDB , ad angulum BAC habebit eandem rationem, quam radius AB ad radium DB .

Experimentum verò aptissimum ad hanc veritatem comprobendam erit huiusmodi: sumatur funependulum B , centro, seu clauo A suspensum, fiatque distantia BD minor *Fig. 16.* longitudine fili AB ; in D autem alius figatur clauus, fiatque angulus CAB æqualis angulo BDF : deinde pendulum transferatur ad situm AC , eique permittatur descensus versùs situm AB horizonti perpendicularem, dubium profecto non est in tuo casu per arcum BC in situ AB pendulum acquisiuisse certum aliquem velocitatis gradum, quo fertur per circumferentiam descriptam breuiori pendulo BD , experientia constat, quòd arcus transactus BG subten dit angulum ad centrum GDB , qui ad angulum BAC subduplicatam reciprocam proportionem habet ea, quam pendulorum longitudines habent inter se, hoc est facta IB media proportionali inter AB , & BD experientia, inquam, ostendit, quod angulus GDB habebit ad angulum BAC , sinè ad angulum BDF eandem rationem, quam habet IB ad DB . Hoc experimento supposito demonstrari debet velocitatem penduli AB æqualem esse velocitati penduli DB ; quoniam circulorum peripheriæ, seu arcus similes eandem rationem habent, quam semidiametri AB , DB ; ergo arcus BC ad arcum BE , est vt AB , ad DB , arcus verò GB ad arcum FD eandem habebat proportionem, quam IB , ad BD ; ergo arcus CB ad GB , est

vt

ut A B ad I B; deinde verò quoniam tempora oscillationum per arcus C B, & B G subduplam habent rationem eius, quam habent pendulorum lōgitudines inter se (vt ego alibi demonstraui, ac experientia ipsa testatur) ergo spatium C B ad spatium G B eandem habebit rationem, quam habent tempora, quibus prædicti transitus à pendulo peraguntur; sed cum tempora sunt proportionalia spatijs transactis celeritates æquales sunt inter se; ergo celeritas penduli A B æqualis est celeritati penduli B D.

Illi autem qui vim eiusmodi demonstrationis non percipiunt poterunt saltem suaderi ab eiusmodi experimento: Supponatur funependulum A B quadruplum penduli D B, permittaturque prius vt ipsum pendulum circa ambo centra A, & D feratur, hoc est à C per B in G, & à G in C, ac numerentur quatuor oscillationes, quæ fieri supponantur spatio duorum scrupulorum secundorum horæ præcisè, deinde ablato clauo D liber permittatur excursus ipsi pendulo per circumferentiam semidiametri A B, repetitur enim quod in 2. m. sec. horarijs prædictum pendulum peragit tres solummodo oscillationes. Tandem reposito clauo D ipsique alligato filo, ita vt pendulum B D hinc inde feratur per circumferentiam circuli B G, inueniemus quod in 2. m. sec. prædictum pendulum sex oscillationes efficit, sed pendulum A B circa centrum A eodem tempore tres ex illis peragebat; ergo tempore quo pendulum maius vnā efficit oscillationem; pendulum minus duas peragit; ideoque tempore quo maius pendulum semioscillationem efficit per arcum B C, minus pendulum medietatem suæ oscillationis per arcum B G medietate prædicti temporis absoluet; pendulorum ergo natura exigit quacumque celeritate agitentur vt tempus oscillationis penduli A B, duplum sit temporis oscillationis penduli D B, quotiescumque huius longitudo quarta pars fuerit longitudinalis illius. Habemus autem in compositis vibrationibus quatuor semioscillationes C B, & quatuor semioscillationes B G; hoc est habemus duas oscillationes penduli maioris A B, &

duas

duas oscillationes penduli B D, at duæ oscillationes penduli maioris peragantur 1. m. sec., & 20. m. ter., scilicet duobus tertijs temporis 2. m. sec., cum tali tempore ipsum tres fecisset oscillationes, & duæ oscillationes minoris penduli D B peraguntur tertia parte eiusdem temporis, cum ipsum sexies oscillaret; ergo tempus quod insumit in percurrento arcu B G pendulum minus, est præcisè medietas temporis consumpti in percurrento arcu maioris circuli B C proindeque eandem proportionem habebit spatium C B ad spatium G B, quam habet tempus transitus per C B, ad tempus transitus per G B; verum cum tempora sint proportionalia spatijs peractis, celeritates sunt eadem; ergo temporibus æqualibus æqualia spatia pertransibunt. ↓

Hinc deducitur, quod cum virtus motiua intrinseca est cuiuslibet mobilis, semperque perseverat eiusdem roboris, necesse est, ut eius celeritas perpetuò sit uniformis, ideoque temporibus æqualibus æqualia transigat spatia in qualibet linea, & cuiuslibet figuræ, prædictum mobile ferri conetur, proindeque, licet pendulum circuliue semidiameter producat, vel decurteretur, numquam tamen possibile est, ut celeritas ullam subeat alterationem, sed semper temporibus æqualibus æqualia spatia pertransibit. Quoniam igitur nos in planetarum motu à sensu ipso docemur, physicam quamdam inesse, ac realem motus inæqualitatem, quod scilicet reuera temporibus æqualibus non transigunt æqualia spatia ipsius lineæ, aut semitæ per quam feruntur, cogimur aliam rationem dictæ inæqualitatis vestigare; ideoque necesse est, ut concedamus mottricem vim ipsius planetæ non semper eandem perseverare, sed modo augeri, modo autem imminui, aut opus est ut confugiamus ad causam aliquam externam, ob quam uniformis cursus planetæ naturaliter ipsi conveniens acceleretur, ac retardetur.

Quantum autem ad primam, cum videamus, cursum cuiuslibet planetæ nunquam accelerari, nisi cum Soli appropinquet, ac eo magis, quo magis vicinior sit; contra vero cum remotior euadit, progrediatur inuerso ordine (physicè

sicè enim proprium motum retardat ratione excessuum prædictarum remotionum) hoc supposito tanquam rato, atque perspecto dici posset, quod cum Sol sit veluti cor, seu fons vitalis motricis virtutis planetarum, quo magis ipsi planetæ eiusmodi fonti approximantur eo maiorem energiam, ac vim ab ipso suscipiant, ac sortiantur maiorem virtutem motricem, ideoque sint apti ad percurrentia loca Soli propinqua maiori impetu, ac celeritate per proprios orbis, quàm percurrant loca ab ipso Sole magis remota.

Sed antequam ad secundum modum descendamus aliqua præmittenda sunt, & primo loco ostenderetur, quod quælibet vasta machina corporea in medio fluido natans pensilis, & æquilibrata ita ut omnino indifferens sit ad motum lateralem, poterit à quacumque potentia impellente licet pusilla moveri trasversaliter. Supponatur sphaera vasta M, in medio fluido R S natans, ita æquilibrata, ut indifferens sit ad motum lateralem versus R, vel S, tunc quidem si auferantur omnia impedimenta externa, & præcipuè densitas fluidi, in quo sphaera natat, atque superueniat quælibet potentia motiua, ut est atomus P in motu constitutus ab R versus S, ut offendat sphaeram ad partes P, dico quod vasta sphaera M, necessario impelletur versus S. Quoniam sphaera M in quiete constituta supponitur non habere inclinationem, neque repugnantiam ad motum trasversalem versus S, igitur tanta est eius inclinatio ad motum versus S, quanta est eius resistentia; si ergo addatur potentia impellens P, quæ indivisibilis non est, sed quanta; necessario superabit resistentiam, quæ nullius roboris est, & propterea corpus ingens M remouebitur a sua primæua quiete, impelleturque versus S.

At quoniam aliqui recentiores, absque vlla ratione, sed propria auctoritate affirmant non posse corpus magnum M remoueri a sua quiete à corpusculo minimo P, decepti, ut suspicor à vulgari proprietate libræ radiorum æqualium, in qua minus pondus non mouet contrapositum maius pondus, & hinc regulam generalem deducunt, non animad-

uer.

uertens discrimen inter hanc, & illam operationem, demonstranda est falsitas huius asserti hac ratione. Quia corpusculum P supponitur non iners, & stabile, sed in motu constitutum, cumque motus concipi nequeat, quin aliqua velocitate efficiatur, igitur aliqua velocitas tribui debet corpusculo P, sit illa V B, & supponatur, quod inertia corporis M, ad motum acquirendum ad potentiam motiuam corpusculi P eandem proportionem habeat, quam moles corporea M, ad molem P, & fiat velocitas V B ad velocitatem X, vt moles M, ad P, scilicet vt inertia, & resistentia M ad potentiam impulsuam P, tunc si supponatur moles M moueri versus R cum velocitate X, erunt iam duæ potentia, quæ motibus contrarijs se mutuò impellunt, & quia ex mechanicis momentum potentiæ impulsuæ P componitur nedum ex gradu suæ virtutis motiuæ, sed etiam ex velocitate V B, qua mouetur, & impellit mobile M, pariterque momentum ipsius M, componitur ex gradu suæ resistentiæ, & ex velocitate X, qua mouetur contra P, suntque proportionales potentiarum, & velocitatum eadem, & *Fig. 17.* reciprocè, igitur momentum virtutis P cum velocitate V B æquatur præcisè momento resistentiæ M cum velocitate X, & ideò vna alteram non superabit, sed æquatis viribus ambo quiescent; hinc sequitur, si velocitas qua mobile M fertur versus R, minor esset, quam X, tunc quidem potentia P cum velocitate V B necessario superaret resistentiam M, cum velocitate minori quam X, & ideò necessario machina M transferretur versus S; hoc autem euidentius sequitur, si velocitas resistentiæ M supponatur nedum diminuta, sed prorsus indiuisibilis, & nulla, quandoquidem quiescens omnino absque vlla velocitate ponitur; igitur momentum potentiæ corpusculi P, cum velocitate V B multò magis superabit resistentiam machinæ M nulla velocitate contraria affectæ; quapropter necessario machina vasta M, à quocumque corpusculo impellente P remouebitur à sua quiete, & impelleretur versus S.

Ostendere modo debemus, quod quodlibet corpus in

H

motu

motu constitutum, natum est ex sui natura eadem veloci-
 tate ferri. Constat hoc experientia in proiectis, in quibus
 post recessum mouentis derelicto mobili in sua libertate
 perseverat in eadem motus directione, & multò clariùs in
 pendulis corporibus, & natantibus, quibus à quocumque
 impulsu exiguo, & debili agitatio imprimitur perseverans
 in mobili etiam remoto, & ociante corpore impellente.
 Hic tamen queri solet, quid sit, & qua ratione huiusmodi
 impulsus imprimatur, & retineatur; huic instantiæ sic res-
 pondere soleo: supponatur lignum supernatans in quiete
 constitutum, pariterque adsit corpus aliud in motu con-
 stitutum, hoc quidem si dum mouetur offendit lignum su-
 pernatans, & quiescens, quòd indifferens est ad motum la-
 teralem, nemò sanè miratur, si comprehensum, aut aliquo
 instrumèto tractum, aut impulsum à corpore moto transfe-
 ratur, & eadem velocitate moveatur, qua mouens fertur;
 hic iam nihil aliud imprimi in lignum, seu nauculam vide-
 mus præter motum ipsum de nouo superadditum; hic ve-
 rò motus ex sui natura nihil aliud est, quam migratio à lo-
 co ad locum, & vt talis, natus est transferre lignum per
 tantum spatium in tanto tempore; ergo licet vterius non
 inslet, & cum eo societatem non ineat corpus primò mo-
 uens poterit quidem naucula iuxta motus naturam, quam
 iam actu habet, moueri per tantum spatium in tanto tempo-
 re; est enim lex Naturæ, vt motus nil aliud sit, quam mo-
 tus, idest migratio, quæ talis non esset, si per se ex inguere-
 tur abque vlla contraria resistantia; neque hic metaphora
 illa vsurpata à Gassendo (pulera quidem, sed minùs apposi-
 ta) locum habet, quando inquit, nauculam tyrocinio
 quodam assue fieri ad motum exercendum, dum impellitur
 à mouente, quasi lignum doctrinæ, & disciplinæ capax ef-
 set; potiùs ergo dicendum, motum ex sui natura modum
 esse tantummodo facilè acquisibilem, quandoquidem fie-
 ri non potest, vt, quod actu mouetur, dum offendit cor-
 pus indifferens ad motum, id pariter secum non transferat,
 quæ translatio cum eius naturæ sit, vt perpetuò exerceri
 pos-

possit, dummodo impedimentum, vel causa destruens non adueniat, sequitur, quod quilibet motus à quolibet principio pendens eius naturæ sit, vt possit continuari, & exerceri, scilicet vt tempore sequenti possit percurrere æquale spatium tempore æquale priori;

Tertio loco dico, quod motus eiusdem machinæ M, licet principio tardus, & insensibilis sit, poterit tamen augeri quousque eadem pernecitate feratur, quo potentia P impellit, dummodo velocitas impellentis semper eadem sit. Supponatur V B velocitas impellentis P, & in prima temporis particula transferatur machina M, cum parua, & insensibili velocitate C D, seceturque V A æqualis C D, & quia in secunda temporis particula mobile M non contra-
Fig. 17.
 ponitur, nec repugnat velocitati impellentis P, cum fiat ad easdem partes, & propterea potentia P impellet machinam M cum excessu suæ velocitatis supra velocitatem C D, ideò energia composita ex potentia motiua P, & velocitate A B, minor erit ea virtute, qua in prima particula temporis impulit machinam M, & ideò superaddetur velocitas D F aliquantò minor quam C D; & quia præcedens velocitas C D ex sui natura perleuerat in mobile M, igitur in secunda particula temporis mouebitur machina cum integra velocitate C F: rursus secta A E, æquali D F in tertio momento temporis mobile M impelletur nouo velocitatis gradu superaddito F H minori quidem quam D F, vnde totalis velocitas, quæ in tertia particula temporis exercetur à mobile, erit C H, & sic in reliquis sublequentibus temporibus semper velocitas augetur licet non æqualibus incrementis, vnde poterit coaceruari velocitas C L, vt tandem sit prorsus æqualis velocitati V B, quæ competit potentiæ impellenti P; dico iam quod in tali statu velocitas M perpetuò permanebit, neque viterius augebitur; quoniam potentiæ P velocitas V B, æqualis est velocitati C L, ergo tanta pernecitate
Fig. 17.
 machina M fugit, quanta potentia impulsiva P eam insequitur; igitur cessat omnino impulsus, sicuti si quis gladio exempto fugientis iugulum perat, & æquali velocitate ille

fugiat, hic verò scietur, manifestum est, 'nunquam plagam ei infligeturum, itaque velocitas illa summa quæ machinæ M postremò impressa est, erit omnium maxima, nec ulterius augebitur, licet postmodum continuè potentia P subsequatur mobile M, partemque eius posticam continget quidem, non autem percutiet amplius; quare motus ipsius M, si fuerit circularis, poterit repetitis reuolutionibus perpetuò continuari.

Fig. 17. Supposuimus in propositione, corpus impellens P perpetuo eadem velocitate V B vrgeri, & promoueri motum sphaeræ M, quod non videtur fieri posse, nam, licet corpus P, antequàm incidat in M, velocitate maxima V B feratur, tamen, postquam cogitur moueri simul cum tarda machina M, cessabit illa præcedens maxima velocitas; tollenda ergo est huiusmodi difficultas, declarando, qua ratione hypothesis propositionis verificari possit: concipiatur ergo, corpusculum P esse vnum ex ijs innumerabilibus componentibus fluidum, aquam scilicet, vel aerem, vel ignem, & omnes illæ particule simul concipiantur ferri ab R, versus S eadem velocitate V B, veluti contingit in aqua fluente, vel vento; tunc quidem primæ particulæ P incidentes in superficiem globi M, efficientes primum impultum resiliant hinc inde ad latera, postea subsequantur nouæ guttulæ eadem velocitate V B denuò impellentes machinam M, & sic semper vt contingit in rotis moletrinarum, & in alijs similibus machinis, tunc quidem quolibet instanti temporis particule aqueæ, vel aeræ eadem velocitate impellerent, & vrgerent mobile M; & quia omnes particulæ sunt eiusdem virtutis, quæ successiuè altera post alteram in eodem loco machinam impellit, & propterea æquiualentur concipitur, & usurpatur vna potentia P, successiuè impellens machinam M eadem virtute, & eadem velocitate V B.

His declaratis patet, Solem esse centrum systematis planetarij, & circa axem proprium verti, vt ostendunt reuolutiones macularum eius; & in tali vertigine solari radij eius efficacissimi poterunt profecto prænsare, & impellere corpora

pora planetaria : quandoquidem , si lux substantia corporea est diffusa à solari corpore adinstar venti alicuius perpetui , deberet talis substantia radiosa reuolui quoque circulariter , sicuti solare corpus rotatur , & tunc quidem nedum possibile , sed etiam necessario ab iisdem radijs corporeis translatis impelli deberent globi planetarum æquilibrati , & nantes in aura cælesti ætherea ; at licet ab aliquibus hoc non admittatur , ponaturque lux quid incorporeum , dubitandum tamen non est , vim , & energiam aliquam habere motiuam , cum videamus terrena corpora ab iisdem radijs lucidis commoueri , & agitari , dum mouent particulas vegetabilium separando eas , & postmodum subleuando cum reliquis vaporibus , & exhalationibus . Videmus quoque , flores plantarum motu locali cieri ab iisdem radijs solaribus , vt videre est in floribus pratensibus ; talis ergo facultas motiua radiorum solarium quantumuis debilis , & pusilla supponatur , potis erit , ex vi demonstrationis adductæ , impellere , & mouere corpora planetarum , eo quod globi planetarum sunt etiam pensiles , & æquilibrati in æthere fluidissimo , nec inclinationem , aut repugnantiam naturalem habent ad motum transversalem ; ergo à qualibet virtute motiua impellente poterunt moueri ; quare radij solares , quantumuis debiles supponantur , impellere poterunt corpora planetarum ; & licet huiusmodi virtus motiua initio paruum , & insensibilem motum planetis imprimere posse videatur in progressu tamen motus ad insignem celeritatem augeri poterit , & ratio est , quia supponitur , quod quolibet temporis instanti radij solares reuoluti impellunt planetas , parum tamen , & insensibiliter , & talis velocitatis gradus minimus non extinguitur , sed remanet impressus , vt motus natura exigit : huic succedit secundus impulsus debilissimus eorumdem radiorum solarium , qui impetum planetæ duplicem reddit : idipsum tertius impulsus facit : idipsum quartus , ceterique alij insequentes , quibus mediantibus tandem ad maximam illam velocitatem deuenitur , quam imprimere possunt radij solares simul cum Sole in orbem acti . Huius
autem

autem rei innumera, ut ita dixerim, exempla suppeterent, quorum nos breuitatis gratia vnum tantum seligimus: concipiatur vastissima naus in placidissimo mari innarans, dubium non est, quod si ipsa tenuissimo trahatur capillo, aut à debilissima aura venti impellatur, moueri poterit ex vno in alium locum; quamuis autem initio ille motus adeò sit debilis atque tardus, ut nequeat obseruari, nausque proinde ipsa quiescere videatur, patet tamen vnumquemque ex minimis illis impulsibus imprimi in ipsa naui, ibique impressum manere, ac simul cum serie omnium impulsuum insequentium vim tandem producere, quæ denique conspicua fiat, ac manifesta proindeque obseruabilem reddat motum prædictæ naus; si igitur hoc videmus contingere vastissimo corpori, quod ut possit moueri, diuidere debet, & huc illuc agitare partes tantæ molis aquæ, eas ex vno loco transferendo in alium, immò superare repulsus, & affricus aquæ circumlabentis, quanto magis id contingere deberet si naus prædicta innataret non in aqua, quæ corpus satis consistens, ac tenax est, sed in mari liquidissimo, ac fluidissimo, nulliusque tenacitatis, qualis est æther ipse, nemo est, qui non videat, quod à vi motrice incomparabiliter debiliori, quam sit tenacitas muliebris capilli, vel debilissime auri venti, posset proculdubio prædicta naus è loco ad locum moueri. Non igitur perdifficile, ac incomprehensibile existimetur, causam motricem producere posse effectum scilicet maiorem, hoc est debilissimam vim mouere immentam resistantiam posse, cum hoc euicerit præcedens demonstratio; sed absurdus, & paradoxum videri alicui posset, si vis nedum debilis, sed tardissimo motu prædicta imprimeret in mobile ingentem celeritatem centies, ac milles maiorem illa, qua ipsamet impellit, eo prorsus modo, ac si pigra vis limacis, siue testudinis producere posset impetum tulminis; nihilominus ego demonstraui in meo libello de ictus vi, & energia, in aliquo casu nedum possibilem esse, sed necessarium eiusmodi effectum; at præsentis instituto demonstrationes adductæ, satistaciunt vnâ cum enarrato

rato experimento nauis ab exili afflatu impulsæ, quo mediante, vel lumine ipso naturæ suademur, quod radij solares quantumlibet infirmam virtutem habeant, secum tamen rapere potuerunt, atque in orbem trahere planetarum corpora æquilibrata in æthere fluidissimo. Pariter radij motui, quos Iuppiter diffundit, suæque vertigine circa proprium axem in orbem agit, quamuis debilissimæ supponantur facultatis, poterunt tamen secum circulariter rapere quatuor Medicea sydera in æthere fluidissimo.

Nunc superest, vt ostendamus, quomodo, & qua ratione motuæ facultas, quæ in Sole, vel in Ioue reperitur, cum sit perpetuo eiuſdem gradus, & sibi ipsi vniformis, possit tamen modò maiorem, modò minorem celeritatem tribuere eidem planetæ, prout ipse magis, minusue appropinquat, vel remouetur à Sole, vel Ioue; hoc autem facillimo negotio absoluetur ex aliquibus principijs mechanicis, quæ breuiter recensebimus. Primum ergo supponendum est, corpus cuiuslibet planetæ, quamuis indifferens ad quemlibet motum transuersalem, locatumque in fluidissimo æthere, tamen vt ab aliqua potentia possit à quiete remoueri, & gradum aliquem celeritatis adipisci, oportet, vt illa potentia sit quanta, non autem indiuisibilis; hoc autem idcirco euenit, quia quodlibet corpus quiescens aliquo pacto resistit illi potentiæ à qua moueri debet, talis autem resistentia æqualis esse debet potentiæ motrici, immo ea aliquantulum infirmior, hoc autem verum vniuersaliter est, abstrahendo à varijs situationibus, atque distantijs, quas habere potest mobile ipsum, ac potentia à centro reuolutionis, qua propter si concipiamus libram, aut vectem *A B C* vo *Fig. 18.* lubilem circa centrum seu fulcimentum *S*, eademque potentia sit in termino *A*, sed vna, & eadem resistentia modo in *B*, modo in *C* ponatur, ita vt distantia à fulcimento *B S* minor sit, quam *C S*, dubium non est, quin potentia sita in *A* indigeat minori vi, ad librandam, mouendamque resistentiam in *B*, ea, qua indiget, ad librandam mouendamque resistentiam sitam in maiori distantia *C*, quandoquidem

dem resistentia eiusdem mobilis in B, & in C eamdem habet proportionem, quam distantia B S ad C S.

Sumo etiam ex mechanica disciplina, quod, dum alicuius potentiae actionem, motionemue consideramus, supra aliquam resistentiam, non solum respicere oportet potentiae gradum, sed etiam velocitates, quibus potentia, ac resistentia mouentur: sit igitur D velocitas potentiae A, & E sit velocitas resistentiae B, & demum F sit velocitas resistentiae C, certè ex ambobus componitur momentum, siue energia, qua & potentia, & resistentia operantur, ita ut gradus potentiae A debeat simul cum sua celeritate æquare immò aliquantulum excedere gradum resistentiae mobilis B sumptæ pariter cum propria celeritate E, & tunc protectio eorum momenta sese inuicem æquabunt, cum proportio potentiae A ad resistentiam B eadem reciprocè fuerit, ac proportio E celeritatis ipsius B, ad D celeritatem alterius A: pariterque, ut momentum ipsius A, æquetur momento C, oportet, ut potentia A ad resistentiam C eamdem proportionem habeat, quam velocitas F, ad velocitatem D; quoniam igitur momentum mobilis B æquale est momento A, pariterque momentum eiusdem A æquale momento ipsius C, necesse est, ut resistentia B ad potentiam A sit, ut velocitas D ad velocitatem E, atque ut potentia A, ad resistentiam C, ita velocitas F ad velocitatem D; igitur ex æqualitate perturbata, ut resistentia eiusdem mobilis B, ad suam resistentiam in C, ita erit F celeritas ipsius C ad E celeritatem ipsius B; sed resistentia eiusdem mobilis in B, ad resistentiam in C eamdem rationem habet, quam distantia B S ad distantiam C S; ergo celeritas F, qua moueri debet idem mobile in C, ut æquet momentum ipsius A, ad celeritatem E, quam debet habere in B, erit, ut B S, ad C S proindeque mensura velocitatis, quam requirit in C, erit B S, mensura verò eiusdem mobilis in B erit C S.

Hoc supposito concipiatur, solare, vel iouiale corpus A S torqueri circa proprium centrum S, globus verò eiusdem planetæ modò sit propinquum soli in B, modò verò
remo-

remotum in C, quoniam vis, qua Sol operatur, mouetque *Fig. 18.* planetam, à suorum radiorum potentia mensuratur, qui semper iidem, & eiusdem energiae sunt, & à celeritate propriae vertiginis, quae pariter manet inalterata, ac ex ambobus hisce eius momentum componitur, cum debeat hoc momentum æquari duabus resistentiis eiusdem planetæ in B, & in C, necesse est, vt contra minorem planetæ resistentiam in B maiori operetur efficacia, ideoque ipsum maiori celeritate conuertat, ea, qua vititur contra maiorem resistentiam eiusdem planetæ siti in maiori distantia C, quem proinde tardiori motu torquebit ea proportionem, quam reciproce habent resistentiæ, seu distantiae, vt dictum est.

Declarato igitur quomodo planetæ motus in diuersis distantijs collocati à globo mundano, quem circumambit, moueri potest diuersis celeritatibus reciproce proportionalibus eiusdem distantijs, iam superest demonstrandum, quomodo, & qua necessitate planetæ se se admouent, remouentque à globo, quem circumeunt, vt à Sole, & Ioue; hoc autem secundum erit elementum, quo componitur ellipticus planetæ motus. Vt eiusdem appropinquationis, & remotionis causam redderet Keplerus, commentus est vnâ planetæ faciem amicam Soli, oppositam autem inimicam, quemadmodum habet magnes partem, quæ ferrum allicit, aliam verò, quæ propellit; quod quidem commentum, quantumlibet ingeniosum, nequaquam aptari posse videtur planetarum apparentijs, ac idcirco cogimur ipsum deserere, præsertim, cum alijs modis possit Natura eiusmodi effectus operari. Videmus cuncta animalia perpetuam habere pulsationem in corde, hoc est perennem quamdam systolem, ac diastolem, quæ pariter obseruatur in arterijs: simili modo partes omnes animalis quamdam habent motionem peristalticam, qua dilatantur, & constringuntur, ita vt possibile videatur, planetas talem habere agitationem, qua mediante appropinquent, atque discedant à proprio vitali fonte, circa quem cidentur in orbem, proindeque exerceant pulsationem ipsi cordi quodammodo similem.

Verum, si huiusmodi operationes, cum sint animasticæ, alicui non arriserint, suppetunt alia exempla naturalium operationum in quibus conspicimus effectus similes à cæca necessitate productos, talis est funependulorum operatio, qua per horas integras durant in exercendis proprijs huc illuc oscillationibus, perpetuoque durarent, si impedimenta retardantia omnino remouerentur, sed satis erit animaduertere aliam naturalem operationem magis similem operatio-

Fig. 19. ni planetarum: aptetur cylindrus ligneus A B, ita vt perpendiculariter innatet supra aquæ libellam C D in vase R S, ita vt, cum talis cylindrus æquilibratur ipsi aquæ, pars C B demergatur, pars verò A D emergat supra libellam, quo quidem situ cylindrus manebit immobilis: subleuetur deinde idem cylindrus A B, ac transferatur in situm E F, vt pars emergens sit E D, palam est, dictum cylindrum in tali situ eleuatum mansurum non esse, sed descendendo se se in aqua ipsa demersurum; quoniam verò descensus cuiuslibet grauis omnibus instantibus temporis, quo ipsum descendit, affert illi nouos, ac nouos impetus, ac velocitatis gradus, vltra illum, qui suo ponderi conuenit; ergò, cum prædictus cylindrus perueniet ad situm A B, ibi non manebit immobilis, sed deorsum impelletur à celeritatis gradibus in præcedenti descensu acquisitis, perducaturque verbi gratia vsque ad punctum G; quoniam autem aquæ pondus semper eiusmodi descensui maiori proportionem resistit, ac nititur in contrarium, vt lignum scilicet sursum propellat, hinc est quod successiue estinguuntur illi gradus à mobile acquisiti in præcedenti descensu, quousque extinctis omnibus, vis premens aquæ circumfusæ incipit operari, hoc est repellere sursum cylindrum ex G versus libellam aquæ C D; quoniam verò eo tempore, quo ascensus perdurat prædictus cylindrus continuè acquirit nouos celeritatis gradus, ac impetus sursum ascendendi; ergò, cum perueniet ad situm B A, ob gradus celeritatis iam acquisitos ibi non sistet, sed adhuc sursum ascendet, quousque redeat ad situm E F, ex quo deinde iisdem rationibus superius allatis rursus descen-

det

det, ascendetque, quousque post varias sui demersiones, & emersiones maneat immobilis in situ A B sibi connaturali; hic autem notandum est, quod si penitus auferri possent impedimenta causæque accidentales, quæ continuè immi- nuunt, atque debilitant prædictas oscillationes ascensuum atque descensuum, quæ præcipuè pendent ex tenacitate, & corpulentia partium ipsius aquæ, & ex impulsibus eiusdem circumlabentis ipsum cylindrum, proculdubio oscilla- tiones prædictæ non solum ad longum tempus perdurarent, verum etiam perpetuæ forent; videmus enim funependu- lum plumbeum, quod iisdem causis proprios peragit itus reditusque, eos continuare per multas horas in aere, cum contra in aqua paucissimis oscillationibus eius motus extin- guatur; ergo si prædictus cylindrus innataret in fluidissimo æthere, auferretur penitus causa diminutionis illius ascen- suum, atque descensuum, ideoque talis motus deberet es- se perpetuus, dummodo non adessent aliæ causæ ipsum re- tardantes.

Quoniam hoc ad rem, de qua agimus, plurimum con- fert, oportet, ut à proprijs fundamentis declaremus ratio- nem, ac necessitatem talis operationis, ac præterea indice- mus varietates, quæ in prædicta operatione contingere pos- sunt: aptetur ligneus cylindrus homogeneus F G, ut per- pendiculariter innatet supra aquæ libellam A C, sitque *De in- sid. bu- mid.* aque gravitas in specie dupla grauitatis eiusdem cylindri, *lib. 1.* cumquæ ex Archimede tunc quiescat cylindrus G F, cum *prop. 5.* moles aquæ æqualis solido demerso æquè grauitet, ac vni- uerum solidum; igitur tunc quiescet, & fiet æquilibrium, cum pars demersa Y G semissis fuerit totius cylindri G F: postea a terminis G, & F ducantur duæ rectæ lineæ inter se parallelæ A D, & B C secantes aquæ libellam in A, & C, ducanturque ab occurribus A, & C duæ aliæ A B, & C D *Fig. 20.* parallelæ ipsi G F, atque parallelogrammi B D, latus B C secetur in partes equales, in M, N, O, P, ducanturque H M, I N, K O, L P parallelæ G F, secantes aquæ libellam A C, in V, X, Z, & intelligantur interceptæ parallelæ

A B, H M, &c. esse situationes eiusdem cylindri lignei G F, vt nimirum in A B totus emineat supra aquam, & in situ C D totus deprimatur, in locis verò intermedijs magis, ac magis immergatur. Ostendendum est, quod grauitas eiusdem cylindri ab A ad Y successiue minuitur, quousque in Y prorsus extinguatur, & inde vsque ad C præualet vis repulsua, seu leuitas, quæ magis ac magis augetur, quo magis deprimetur cylindrus versus C, eruntque grauitates æquales leuitatibus, quæ æque ab intermedio loco G F distant: ducatur recta linea A F, quæ secet omnes parallelas ipsi A B in punctis Q, R, S, T, E. Quoniam in triangulo A D E recta G F parallela basi D E bifariam secatur in Y à recta A C igitur reliquæ omnes eidem basi parallelæ bifariam ab eadem secantur, proptereaque V H semissis erit H Q, X I semissis I R, & sic reliquæ omnes: abscindantur postea portiones cylindrorum Q M, R N, atque ad dantur portiones O S, P T, C E homogeneæ eidem cylindro G F, manifestum est, cylindrum H Q æquilibrari, & quiescere, quia eius naturæ est ex hypothesi, vt eius specifica grauitas semissis sit aquæ grauitate: eadem ratione equilibrati consistent cylindri R I, S K, T L, & E D. Postea in situ A B grauitas absoluta cylindri est totalis, nec prorsus imminuta; igitur vt eius descensus prohibeatur sustineri debet à vi contraria præcise æquali grauitati eiusdem cylindri A B; secus autem in situ M H, nam eius portio H Q æquilibratur, vt dictum est, cum ipsa aqua; apponitur autem supra consistentem cylindrum H Q alia portio Q M; igitur, ne demergatur, sustineri, atque suspendi debet cylindrica portio Q M à facultate ei æquali. Hac porro ratione simplicem contactum, nullam autem pressionem subiectus cylindrus H Q patietur, sed quanta est vis illa, qua detinetur cylindrus H M, ne demergatur, tanta est eius grauitas; igitur mensura huiusmodi grauitatis erit Q M, minor, quàm A B.

Fig. 20. Pari ratione in situ I N portio cylindri I R æquilibrata consistet, & reposita eminente portione N R, vt prohibeatur demersio totius cylindri I N, sustineri debet à virtute æqua-

li gravitati NR , & hæc erit gravitas eius in tali situ; est verò RN minor, quàm QM , & QM minor, quàm AB ; igitur, dñ cylindrus demergitur successivè, eius gravitas minuitur, quousque omnino extinguatur in situ equilibri FG ; hoc profectò contingit propterea quòd sunt duæ virtutes contrariæ, quæ simul operantur, scilicet gravitas cylindri prementis, quæ semper eiusdem mensuræ est, & repulsus dependens à gravitate ipsius fluidi, qui in situ AB nullus est, cum aqua è suo loco non repellatur; in situ verò HM , portio aquæ VH è suo loco expulsa æquatur ponderi portionis cylindri HQ , ideoque à totali gravitate cylindri HM aufert aqua gravitatem portionis HQ , & ideo residua gravitas QM vi-gebit premerque, & sic in reliquis. Tandem in situ GF , cum vis, & repulsio ipsius aquæ æqualis propemodùm sit totali gravitati ipsius GF , nulla portio residua erit, ac proinde nullam gravitatem cylindrus in tali situ habebit.

Posteà, quia in situ OK cylindrus ultra terminum equilibrii demergitur, patet, quod in tali situ non consistet, & sursum ab aqua repelletur, & siquidem addatur portio cylindrica OS , tunc quidem cylindrus SK quiescet, & æquilibrabitur; cumque ex Archimede cylindrus OK tanta vi *ibidem* sursum feratur, quanta est gravitas cylindri OS in tali situ *prop. 6.* cum retinentis, igitur vis, qua sursum fertur, seu leuitas cylindri KO , æquatur ponderi cylindri OS ; sed quia distantia FN , & FO æquales factæ fuerunt, atque à terminis F , N , O , parallelæ ducuntur, igitur RN æqualis erit OS ; quapropter leuitas cylindri OK æqualis erit gravitati cylindri NI . Postmodum in situ LP eadem ratione ostendetur eius leuitas æqualis cylindro PI , seu gravitati QM ipsius cylindri HM . Tandem in situ CD ubi omnino cylindrus demergitur, leuitas, seu vis, qua sursum impellitur æquatur gravitati superpositi cylindri CE æqualis ipsi AB ; patet igitur, quod à situ intermedio GF , postquam gravitas premens omnino desijt, successivè magis ac magis leuitas, seu vis repellens augetur, & insuper leuitates, atque gravitates æque ab intermedio situ recedentes inter se sunt æquales.

Po-

Postremò animaduertendum est, quod huiusmodi grauitates diminutæ, & leuitates auctæ componuntur ex duobus elementis perperuò operantibus, scilicet ab integra grauitate cylindri G F, quæ semper eiuidem mensuræ est, atque adeò in progressu motus quodāmodò parallelogrammum A B C D gignit; reliquum verò elementum est leuitas, seu

Fig. 20. repulsio aquæ, quæ protectio crescit à termino A successiue, vsque ad basim D E; efficitque triangulum A D E; hoc autem constat, qua moles aquæ æqualis H V æque ponderat, ac cylindrus H Q, & sic in reliquis; quare vis, qua aqua ex suo loco expulsa, repellit cylindrum demersum, æquatur cylindro H Q; igitur ab A vsque ad intermedium situm G F vis repulsiva æquatur ipsis H Q, I R, & G F, quæ sunt differentię inter grauitatem absolutam eiuidem cylindri G F, & grauitates, quæ in hisce locis exercentur; è contra ab intermedio situ G F, vsque ad D C tota vis repulsiva æqualis est aggregato grauitatis eiuidem cylindri G F, & leuitatum O S, P T, C O, quæ ibidem exercentur.

Ex hac immutabili operandi Naturæ lege deducitur, quod quotiescumque idem mobile à duobus contrarijs viribus impellitur, quarum altera A B sit semper sibi ipsi vniformis, analogæ ipsi grauitati cylindri superius expositi, reliqua verò D E continuè decreseat equalibus decrementis, & supponantur eedem vires contrarie nullo tempore otiosi, semperque mobile ab illa impelli, ab hac verò repelli, & insuper in situ, vel tempore G F intermedio harum operationum contrarias vires coequari contingat, tunc quidem ab initio motus A, vsque ad intermedium situm G F vis premeus A B, Q M, R N, successiue imminuetur, quouique in F extinguitur, & inde vsque ad C vis repellens O S, P T, C E successiue augetur, & insuper temporibus equalibus N E, F O æque ab intermedio situ remotis, virtus comprimens æquatur repellenti virtuti O S; si enim compleatur parallelogrammum B D, & triangulum A B E, vt prius, atque æquales rectæ lineæ A F, & F E in innumeras æquales particulas diuidantur, atque ab intersectionibus ducantur paral-

lele

lele abscindentes parallelogrammum, & triangulum, perfectio recte linee parallele ipsi A B component parallelogrammi superficiem, & designabunt eandem vim vniformem deprimentem, & e contra omnes parallele basi triangulum A D E representabunt, atque vires successiue diminitas repellentes. Hinc fit, vt tempore B M post subtractionem repellentis virtutis, quæ designatur ab innumeris parallelis, scilicet à triangulo A H Q, relinquatur vis præmens designata à trapezio A B M Q, pariterque in secundo tempore M N imminutio mensuratur ab innumeris parallelis trapezium H Q R I efficientibus, & tunc residuæ vires, quæ operari possunt, impellendo mobile deorsum, determinabuntur à residuo trapezio Q M N R, & tertio tempore N F residuæ vires præmentes post imminutionem designabuntur ab innumeris parallelis triangulum N R F efficientibus, proindeque in fine tertij temporis in F vis deprimens omnino extinguetur, & exinde preualere incipit vis contraria repulsua. Quarto enim tempore F O vis eleuans, & repellens, mensuratur ab innumeris parallelis trapezium F G K S componentibus; contra verò vis præmens mensuratur à parallelogrammo G O, quod minus est dicto trapezio; igitur triangulum F O S erit excessus, & mensura, qua vis eleuans, seu repellens, excedit vim deprimentem, ideoque dicto tempore mobile fursum repellitur ab S versus F; similiter quinto tempore O P excessus virtutis repulsuæ supra deprimentem erit trapezium S O P T, à quo pariter fursum repellitur mobile. Idem prorsus dicendum de insequentibus temporibus vsque ad sextum P C, quo mobile fursum impellitur ab excessu facultatis repellentis supra comprimentem virtutem, qui mensuratur à trapezio P T E C. Hic autem animaduertendum est, quod trapezia æque remota ab intermedio situ F æqualia sunt inter se, vt sunt Q N, & O T; quapropter vires contrariæ, quæ operantur temporibus æqualibus æquè remotis ab intermedio, hoc est primo, & sexto tempore æquales erunt, & sic de cæteris:

His

His declaratis rēcolendum est id, quod multoties insinuanimus, quod nimirum, quotiescumque mobile aliquod à quacumque virtute motiua impellitur, in ipso motus exercitio necesse est, vt acquirat determinatum celeritatis gradum, qui ita indelebilis remanet in ipso mobili, vt tametsi virtus impellens remoueat, & cesset vltior eius impulsus, attamen ille celeritatis gradus semel acquisitus potest mobile æquabili celeritate tempore infinito mouere per spatium immensum; si igitur concipiamus, virtutem motricem omnibus instantibus temporis insequentis nouos velocitatis gradus mobili superaddere, qui gradus vt dictum iam est, remanent indelebiles, necesse est, vt celeritas ipsius mobilis semper magis, ac magis augeatur, quandoquidem gradibus celeritatis præcedentibus, atque indelebiliter perseverantibus, adduntur semper noui gradus: neque interest, an vis motiua semper sibi ipsi æqualis sit, vel potius imminuatur, dummodò omnibus instantibus temporibus, quo impulsus perseverat, imprimantur noui celeritatis gradus, quorum quilibet sit indelebilis, & quamuis semper additi gradus præcedentibus essent minores, semper tamen velocitas augeri deberet, ac tandem in fine temporis mobile iam habebit celeritatem compositam ex innumeris celeritatis gradibus saltem decreascentibus, à quibus id ipsum transfertur.

Hoc supposito incipiet mobile à termino A descendere impulsus à motiua facultate B Q, hoc est ab excessu facultatis prementis supra repellentem; supponamus autem quod primo tempore minuti tertij vnus horæ B M, ac in exercitio motus ipsius mobilis acquiratur vnus gradus celeritatis F S, quo gradu idem mobile pertranseat spatium A Q. Secundo deinde tempore M N primo æquali à vi impellente M R imprimatur eidem mobili celeritas S s, quæ minor sit celeritate F S propter decrementum sibi allatum à contrario imperu, transibitque mobile spatium Q R. Eodem modo tertio tempore N F acquirat mobile vltimam celeritatem s λ minorem celeritate S s, transeat autem spatium

tium $R F$; ergo in predicto confinio F quamuis prorsus ex-
 tinguat impellens vis, eiusque excessus supra vim repul-
 siuam, mobile tamen non quiescet, quoniam iam conce-
 pit ex præcedenti motu impetum F à se se mouendi ab F
 versus E , qui impetus vigens otiosus esse non potest, ideo-
 que necessario ulterius impellet mobile ab F versus E . Pre-
 terea, quia quarto tempore $F O$ vis contraria repulsiua in-
 cipit operari repellendo mobile sursum, ac eiusmodi vis
 mensuratur à triangulo $F O S$, quæ æqualis est virtuti pre- *Fig. 20.*
 menti $R N F$, necesse erit, vt duobus æqualibus temporibus,
 tertio scilicet, & quarto, operentur duæ vires contrariæ,
 sed tamen æquales inter se, verum æquales facultates tempo-
 ribus æqualibus debent imprimere ipsi mobili æquales gra-
 dus celeritatis; ergo, quantum celeritatis auget suprema
 vis $R N F$, tantum detrahit vis $F O S$; ergo quarto tempo-
 re celeritas detracta erit λe , ac proinde in principio tertij
 temporis, & in fine quarti celeritatis gradus erunt æquales
 hoc est eorum vnusquisque æqualis erit ipsi $F e$: at æquales
 gradus celeritatis ab æqualibus viribus provenientes tem-
 poribus æqualibus debent impellere ipsum mobile per æqua-
 lia spatia; ergo spatia $R F$, & $F S$ equalia erunt inter se. Ea-
 dem ratione ostendetur spatium $S T$ peractum quinto tem-
 pore æquale spatio $Q R$ peracto secundo tempore, ac ita
 de cæteris, si plures exiterint; ergo tandem in sexto tempo-
 re $P C$ idem mobile percurrent spatium $T E$ æquale spatio
 $A Q$ peractum primo tempore $B M$; quapropter spatia $A F$,
 & $F E$ temporibus æqualibus equali celeritate ab æqualibus
 virtutibus motiuis peracta, erunt prorsus æqualia inter se;
 & quoniam tandem spatia peracta imminuuntur, ac perue-
 niunt ad indiuisibile in puncto E , vt à quiete in A motum
 incoharunt, pariterque impetus, & celeritas F à omnino
 extinguitur, quæ tempore $F C$ decrescit ab λ ad F perueniens
 ad indiuisibile; ergo necesse est, vt termino E incipiat se-
 cunda periodus, rursusque incipiant incrementa, celerita-
 tes, spatiaque peracta iisdem rationibus superius adductis,
 repetenturque eadem periodo, percurrento temporibus

æqualibus æqualia spacia; quapropter patet propositum.

Quod verò prædictæ inæquales vires B Q. & M R temporibus æqualibus mobili non imprimant æquales celeritatis gradus, mirum non erit, quoniam tanta profectò est celeritas, quam successiue mobile acquirit, quanta est energia impulsuum superuenientium, qui maiores esse non possunt facultatibus mouentibus, à quibus producuntur: verùm eiusmodi motrices virtutes successiue decrescunt ordinatis imminutionibus, prout impetus contrarij repellentes crescunt; ergo necesse est, vt gradus celeritatis, qui imprimuntur in ipso mobili, eodem ordine decrescant. Hic autem animaduertendum est, prædictam imminutionem fieri quoad additos gradus, non verò quoad totalem celeritatem mobili impressam, quæ cum ex gradibus præcedentibus componatur, manentibus indelebiliter in ipso mobili, simul cum nouis gradibus imminutis, hinc resultat totalis gradus celeritatis successiue increscens, quamuis eiusmodi augmentum non sit vniforme, hoc est non procedat æqualibus incrementis, sed semper minoribus, ac minoribus.

De necessitate figura elliptica Orbium plantarum.

Cap. XII.

De motu animal. Meritò mihi videntur melioris notæ philosophi laudare præclarum illud Aristotelis efflarum, dum perpenderet quanta solertia, & sapientia animalium munia efficerentur, veluti ciborum digestio, chyli, sanguinis, spirituumque elaboratio; horum distributio per debita loca, propagatio speciei, quæ omnia fiunt ob certos fines summo, & arcano quidem artificio, & ratiocinio, dixit philosophus, necessarium non esse, vranimalistica facultas intelligens, & architectonica, ministeria exequatur in qualibet animalis parte, verùm sufficere, vt eo pacto proprias edat operationes, quo fiunt in benè, ac sapienter ordinata republica, in qua opus non est, vt princeps supremusque legislator, magistratusque, ac iudices omnibus in locis ministrent, ac operentur;

rentur ea omnia, quę ab eis præscripta sunt, sed sufficit, ut
 disponant ubique, media, ac instrumenta tanto ordine, ac
 prudentia, ut per se possint operari, ac inceptum seruare
 ordinem; nos igitur simile quidpiam dicemus de admirabili
 ordine, quo Cęlorum machina mouetur, & dirigitur.
 Dubium profectò non est, quin hęc summum admirandum-
 que artificium detegatur in planetarum motu, cum sit hęc
 pars præcipua mundanę reipublicę miro ordine disposita,
 ac elaborata ab infinita sapientia diuina architecti, non ta-
 men necessarium videtur, ut intelligentiarum mentes suę
 animę ubique eas edant motiones, quas ipse præscripsit, ac,
 ut ita dicam, manu circumferant stellarum globos, cum
 contra potuerit diuinus artifex res omnes tam miro artifi-
 cio ordinare, ac disponere, ut deinde mediante generali
 concursu parerent diuinis legibus, absque vlla titubatione,
 atque deuiatione; id autem mihi videtur profectò dignius
 infinita sapientia; maius enim artificium, & ingenium re-
 quiritur in constructione machinę se mouentis, quam iner-
 tis, veluti si duo essent architecti, quorum alter machinam
 disposuisset varijs rotis impulsis à vi ponderis prementis ta-
 li artificio, ut tempora designaret, cursum Solis, Lunęque
 ostenderet, organisque musicis varias efficeret symphonias,
 aliaque similia; alterius verò machina eadem prorsus præ-
 staret non sponte, sed opera, & labore ministrorum, qui
 omnibus momentis proprijs manibus horas designarent
 cursumque Solis, & Lunę promouerent, sono, & voce
 canerent, nemo profectò erit, qui artificium primi archite-
 cti sapientia, & soletia præcellere non fateatur, & si nos
 certò sciremus, architectum reuera esse sapientissimum, &
 perspicacissimum, iniuria profectò ipsum afficeremus, re-
 putantes illius machinam adeo inertem, ut continua mini-
 strorum indigeret assistentia, & impulsu, neque posset per
 se operari; eodem igitur pacto, cum supponamus, hoc
 pulcherrimum Mundi opificium ab optimo, maximo, sa-
 pientissimoque fabrefactum fuisse artifice, ac aliunde con-
 fect, tali industria, & artificio planetarum, motus disponi

76
 potuisse, vt per se ipsi operarentur, vt horologium, incre-
 dibile prorsus videtur, & absurdum, diuinum architectum
 operari voluisse minus artificiose, videlicet construendo
 planetas pedagogo indigentes omnino inertes, qui mini-
 strorum manibus torqueri circa proprios orbes deberent.
 Verum si eiusmodi ratiocinium doctioribus non arriserit,
 non is sum, qui mordicus meam sententiam sustinere ve-
 lim, sed satis mihi erit indicasse (intra limites ratiocinii na-
 turalis persistendo) facilem, ac possibilem modum ordinan-
 di planetarum vertigines cum omnibus artificijs qui in ipsis
 obseruantur.

Fig. 21. Concipiatur itaque solaris globus in S, qui conuertatur
 circa proprium axim ab Occasu in Ortum, deinde verò cot-
 pus vnius planetæ in A, qui naturali instinctu conetur dire-
 cto motu appropinquare ipsi Soli, quemadmodum vide-
 mus, omnia graua naturalem habere instinctum appropin-
 quandi Telluri nostræ, impulsæ scilicet à vi grauitatis sibi
 connaturalis, & quemadmodum quoque videmus, ferrum
 directè moueri versùs magnetem, ideoque non erit impos-
 sibile, vt corpus planetæ habeat facultatem quamdam simi-
 lem magneticæ facultati, qua mediante admoûeatur ipsi
 solari globo, ac reuera, cum videamus planetam nunquam
 deserere, neque remoueri à confinio Solis ultra spatium
 quoddam determinatum, id satis superque videtur osten-
 dere, ipsum à simili magnetica virtute detineri, quæ postea
 percipi non potest, nisi pariter concipiamus, planetam na-
 turalem quemdam instinctum habere, se se vniendi, & ad-
 mouendi ipsi Soli, hoc autem primum erit elementum, ex
 quo componi debet reuolutio eccentrica planetarum.

Secundo loco supponamus, prædictum planetam à ver-
 tigine solarium radiorum in orbem ferri circa Solem per
 circulorū peripherias ab Occasu ad Ortum; & quoniam vt
 dictum est motus circularis naturaliter quemdam impri-
 mit impetum ipsi mobili, quo mediante à centro remoue-
 tur, atque expellitur, veluti in funda ac rota obseruare licet
 ergo, dum prædictus planeta circulariter rotatur, remoue-
 bitur

bitur à centro Solis S. Præterea talis repulsio maiori vel *Fig. 21.*
 minori efficeretur impetu, prout planeta circumductio erit
 magis, vel minus velox; verum hæc tanto velocior est, vt
 superius insinuauimus, quantò magis planeta Soli propin-
 quor efficitur; ergo, cum ille deget in altissimo, ac remotis-
 simo loco A, infirmissima erit eiusmodi vis impetusue, sese
 à Sole remouendi; at, postquam idem planeta Soli appro-
 pinquauerit in puncto B, cum eius circularis reuolutio ve-
 locior sit, maiori impetu repelletur à Sole versus A: eadem
 ratione, postquam peruenerit ad punctum C, maiori vi
 remouebitur à Sole, & maiori iterum in puncto D, maxi-
 ma autem in puncto E, proindeque hic aderunt duo mo-
 tus directi inter se contrarij, alter perpetuus, ac vniformis,
 quo planeta A impulsus à propria magnetica virtute sibi
 connaturali sese successiue admouet solari corpori, alter
 verò difformis, & continuè decrescens, quo planeta à pun-
 cto E expellitur à Sole vi motus circularis præcipue in E,
 mediocriter in C, & insensibiliter in A; ergo, vt hætenus
 demonstrauimus, ex compositione dictorum motuum ef-
 ficitur vis quædam, & impetus compositus, ex quo pendet
 periodus celeritatis acquisitæ à planeta, quæ a remotissimo
 termino A vsque ad propinquissimum B augetur ea pro-
 portione, qua distantia decrescunt. Supponamus modò,
 vim appropinquandi Soli æqualem esse virtuti, qua à Sole
 remouetur, quod quidem continget in intermedio puncto
 C; si igitur conciperemus, Naturæ auctorem ab initio col-
 locasse planetam in puncto C, ibi profectò motiua virtus
 premens, qua Soli appropinquat ipse planeta, fuisset præ-
 cisè æqualis repulsivæ virtuti, qua à Sole remouetur, quæ-
 que oritur ex vertigine circulari C G L, ergo planeta in ta-
 li situ perpetuò maneret, ferreturque per circumferentiam
 circuli C G L N circa centrum solare S; talis autem motus
 vniformis esset, temporibus scilicet æqualibus arcus sui
 circuli æquales pertransiret; hoc autem necessarium esset,
 quia virtus planetæ premens non posset superare virtutem
 contrariam repellentem, neque ab ipsa vinci posset; has
 enim

enim virtutes æquales iam supposuimus, proindeque, licet planeta C situs sit in æthere fluidissimo, ac nullam habente resistentiam, nunquam tamen titubare posset, neque amoueri à circuli peripheria C G L N, sed ea constantia in tali motu perseueraret, ac si orbi solido inniteretur, siuè in sphærico oceano innataret, quoniam verò virtutes omnes motrices perpetuò operari supponuntur, eodemque modo, nulla adest ratio, ob quam eiusmodi reuolutio languescat, siuè ab incepto cursu desistat, ideoque necesse esset, vt perpetuò proprios absolueret circuitus circa Solem.

Fig. 22. Supponamus deinde, diuinam sapientiam ob eius altissimos, & incrutabiles fines decreuisse, motum planetarum circa Solem eccentricum efficere, ac figuræ non circularis, sed ellipticæ, tunc nihil aliud necessarium fuisset, qua summo compendio ab initio creare locareque planetam non in puncto C, sed in remotissimo puncto A, hoc enim ratione sponte sua subsequitur reuolutio eccentrica, & elliptica eiusdem planetæ circa Solem, quoniam, vt dictum est, virtus motiua planetæ in A componitur ex circulari impulsu, & gradu virtutis prementis vniformis, & ex gradu virtuti repellentis infirmissimæ; ergo ob excessum prementis virtutis supra repellentem debet Soli appropinquari, ideoque omnibus insequentis temporis instantibus prædictus planeta in sua circulari vertigine semper magis, ac magis se Soli admovebit; ergo impossibile est, planetæ corpus per determinatum tempus exempli gratia A B moueri per eandem circularem peripheriam A R, sed oportet, ipsum transire ex vno maiori circulo ad minorem, quousque perueniat in F. Eadem ratione in circulo B F sequenti tempore B C vis premens continuè præualens, licet minori excessu, virtuti repellenti planetam ad Solem continuè appellet, idcoque in F suum motum non poterit continuare per circumulum F X, verum opus erit ipsum transferri per alios circulos

Fig. 22. minores, & minores, donec perueniat ad terminum G circuli C G mediocriter remoti ab ipso Sole; quoniam autem, vt dictum est, in descensu A C planeta acquirit novos,

ac novos celeritatis gradus, qui in ipso indelebiter remanent, quamvis virtus premens penitus evanuerit, & ad nihilum redacta sit, proindeque operari nequeat, tamen celeritatis gradus in descensu acquisiti virtutem repellentem excedent, ideoque planeta in G non sistetur, sed continuo progressu ad Solem magis appropinquabitur; quapropter non movebitur per circumferentiam G T, sed per alias minores, ita ut in fine temporis C D planeta perveniat in H, indeque, cum adhuc vigeat pars aliqua impressæ virtutis acquisitæ in descensu A C; se se lento tamen progressu magis Soli admovebit, ideoque non percurreret peripheriam H V, sed alias ipsa minores, minoresque, quousque penitus extincto omni impetu, ideoque omni appropinquatione, planeta perveniat ad Perihelium P, hic autem ob ingentem celeritatem planetæ per minimum circulum vis maxima repellens operari incipiat, ideoque tempore E D planeta rursus progrediatur per alios circulos maiores, atque maiores, ita ut iterum perveniat in N, deinde ad O, ac redeat tandem ad supremum terminum A. Hic autem ex demonstratis palam est, ne dum angulos H S P, & P S M æquales esse debere, verum etiam remotiones S H, & S M pariter æquales inter se, idemque prorsus continget in G, & N, & F, & O.

Ostendendum modò est, iter planetæ A F G H P circum- *Fig. 23.*
lum non esse, sed ellipsum: reponatur orbis ellipticus E O K planetis à Bullialdo tributus, in cuius foco N ponitur Sol, circa verò reliquum polum M supponit motum æqualitatis perfici, ut nimirum circuli omnes æquantes, per quos fertur planeta describantur circa coni axim eductum per focum M, & tunc quidem semidiametri eorundem inæqualium circulorū sunt omnino æquales radijs polaribus M E, M Y, M O, M R; & quia planetæ velocitas augetur iisdem incrementis, quibus circumferentiæ æquantium circulorum crescunt, hæ verò proportionales sunt prædictis radijs polaribus, igitur à summa tarditate planetæ aphelia in E successivè acceleratur planetæ motus iisdem incrementis, quibus

bus prædicti radij polares elongantur?

Nos autem ostendimus, eundem planetam reuolui circa Solem S in eius orbe $A G P$, non circa vanum, & fictitium punctum æqualitatis L , sed circa corpus Solis S , ostendimusque à summa tarditate planetæ aphelia in A continuo processu accelerari, prout magis radij polares $S F$, $S G$, &c. decurtantur, veluti exigunt vectis leges ex causis phisicis pendentes, scilicet ex approximatione planetæ ad Solem, & ex repulsu à vertigine radiorum solarium pendente, vt nimirum planetæ velocitates reciproce proportionales sint peripherijs circulorum, quos pertransit, seu radijs circulorum eorundem, quæ sunt distantie polares à Sole successiuè decrescientes: insuper in vtraque positione

Cap. X. incrementa radiorum polarium $M E$, $M Y$, $M O$ in Bullialdi sententia, vel decrementsa radiorum $S A$, $S F$, $S G$ in nostra positione proportionalia sunt sinibus versis angulorum, quos planetæ motus subtendit in suo orbe. Præterea in vtraque positione eiusdem planetæ eccentricitatem $N X$, & $S V$ eadem omnino est, ideoque minima distantia polaris $M E$ in Bullialdi sententia æqualis erit planetæ distantie periheliæ $N K$, scilicet nostræ periheliæ $S P$; cumque maxima polaris distantia $M K$ æqualis sit distantie apheliæ $N E$, igitur $M K$ erit æqualis $S A$, quandoquidem idem planeta eandem apheliam distantiam habet, eandemque periheliam. Insuper summa tarditas eiusdem planetæ aphelia in E , & A , vna & eadem prorsus erit in vtraque positione, similiterque perihelia maxima velocitas vna, & eadem erit; Postremò vno eodemque determinato temporis instanti idem planeta in Bullialdi positione reperitur in Y , in nostra verò in F , igitur tunc distantie à Sole $N Y$, & $S F$ æquales erunt pariterque æquales remotiones punctorum Y , & F ab Aphelio E , vel A . Idem dicendum est, quando planeta in alio instanti temporis subsequenti constituitur in O , & G , & sic de reliquis, & quia in Ellipsi $E O K$ iisdem incrementis augentur radij polares $M E$, $M Y$, $M O$, ac decrescunt radij solares $N E$, $N Y$, $N O$, his verò æquales sunt radij so-

lares

lates $S A, S F, S G$; ergo iisdem incrementis augentur Bullialdi radij polares $M E, M Y, M O$, & iisdem temporibus, ac minuuntur radij solares $S A, S F, S G$; quapropter efficiuntur duo motus, circa duo centra M , & S , qui ab eodem tarditatis gradu in Aphelijs E , & A initium sumunt, & in *Lēma* utroque motu temporibus æqualibus acquiruntur æquales 4. gradus velocitatum, nimirum in Y , & F , nec non in O , & *Cap. X.* G , atque in primo motu velocitates crescunt eadem proportionē, qua polares radij elongatur, in secundo verò eā proportionē, qua radij polares minuuntur, suntque maxim radij $M K$, & $S A$ æquales, pariterque minimi $M E, S P$ inter se æquales; igitur itinera $E O K$, & $A G P$ omnino *Lēma* æqualia, & similia inter se erunt; cumque primum $E O K$ 6. *enfs.* ellipticum præostensum à Bullialdo fuerit, erit quoque via *dē Cap.* eiusdem planetæ $A G P$, quoque ellipsis æqualis, & similis $E O K$; quapropter &c.

Opus est ergo iter à planeta descriptum eccentricum esse Soli, nec circulare, sed ellipticum; hoc autem sequitur, dummodo recti linea periodus ex A in E absoluitur eodem *Fig: 22* tempore, quo absoluitur medietas reuolutionis $A G P$: ut autem id assequamur, nil aliud necesse est, nisi, ut supponamus prædictum motum rectilineum pendere à magnetica impellente virtute ex A versus E , & motum circularem planetæ circa Solem; & quoniam peracta vnica reuolutione rursus incipiunt præualere eadem causæ, cum stabiles, ac perpetuæ sint, necessario renouabitur periodus secundæ Ellipsis, ac ita perpetuò, ideoque motus planetæ repetitis circuitibus perennabit.

De causa motus absidis, & Aphelij Orbis planetarij.

Cap. XIII.

Postquam causas exposuimus, ob quas planetæ cieri debent per eccentricos orbes non exactè circulares, sed ellipticos, iam superest declarandum, cur eiusmodi ellipses stabiles non permaneant in eodem situ mundani spatij, sed

lentissimo reuoluantur motu secundum signorum ordinem. Quoniam ostendimus, prædictum ellipticum motum ex duobus elementis componi, ex motu scilicet rectilineo, quo planeta appropinquatur centro proprii circuitus, & ex circulari reuolutione, quæ dum planetam circumducit, eum simul amouet atque repellit à centro sui orbis, hinc sequitur motus directus appropinquationis, ac remotionis planetæ à Sole vna cum vertigine, qua reuoluitur circa proprium orbem; quotiescumque igitur circularis reuolutionis periodus $A G P A$ eodem præcisè absoluitur tempore, quo perficitur rectilineus cursus à summa distantia

Fig. 24. A ad infimam E , quousque redeat ad eundem supremum situm A , tunc quidem, vt iam ostendimus, ab

Fig. 22. hisce duobus motibus simul vnitis describetur perfecta Ellipsis $A G P H A$, prætereaque linea absidum $P A$ fixè perseuerabit in eodem vniuersi situ, hoc est sub puncto X stellæ

Lēma 8. latæ orbis; verum, si concipiamus, periodum appropinquationis, ac remotionis ab A , ad E , ad A tardiores esse, ab-

Cap. X. soluique prolixiori tempore, quàm integra peragatur reuolutio $A G P A$, tunc quidem necesse est, periodicum motum ellipticum non esse, lineamque absidis $P A$ immobilem non manere sub eadem fixa X ; quoniam vt ostendimus, cum periodus integræ reuolutionis breuiori absolua-
Cap. 12. tur tempore, quàm periodus totius productionis, decurtationisque polarium radiorum, profectò mobile describet in ipso mundano spatio curuam quamdam lineam in se ipsam contortam ad instar nodi, sed tamen prædictus motus nobis se se ellipticum exhibebit, cuius axis sit progres-

sus versùs easdem partes periodici motus; quoniam autem demonstrauimus, periodum decrementi, & incrementi radiorum polarium eundem esse, ac periodus rectilinea appropinquationis, & remotionis à polo prædictæ Ellipsis; ergo necessariò axis eiusdem Ellipsis apparentis moueri debet secundum signorum ordinem, vt patet ex appposito schemate. Si supponamus circularem reuolutionem $A G P$ breuiori tempore absolui, quàm motus rectus à summa distantia
 stan-

stantia A, usque ad minimam E. Itaque quidem, cum planeta peruenierit in P, postquam transijt præcisè semicirculum, ac in eadem linea absidum P S A X situs est, nondum pro- *Fig. 25.*
ductus erit planeta ad infimum situm O, hoc est non adhuc vicinissimus Soli S factus erit; ergo ibidem perueniet aliquantò post, quo tempore planeta perseuerans in circulari reuolutione, arcum aliquem, vt P D, pertransibit; igitur ultra absidis lineam A S P, scilicet in puncto D efficietur maximè propinquus Soli S. Simili modo, quoniam insequense circularis semiperiodus breuiori tempore absoluitur, quàm solarium radiorum incrementum, hoc est totius remotionis planetæ ex E ad A; ergo cum planeta à puncto D progressus fuerit per integrum semicirculum D H I, nondum attinget summam altitudinem A, verùm ad eam perueniet posterius, quo tempore planeta circumferetur per aliquam sui circuli partem usque ad F, proindeque, cum absoluetur periodus appropinquationis, & remotionis ab A in E, usque ad A, erit absidis linea F S K (hoc est imaginarius axis Ellipsis à planeta descriptæ) sub fixa Z translata, ideoque progressa erit per totum spatium X Z; quapropter *Fig. 26.*
vt satisfiat motui absidis planetæ, nihil aliud opus est, quàm supponere periodum accessus, & recessus rectilinei à Sole paululùm tardiorẽ periodo suæ circularis reuolutionis.

Multis autem modis tardior fieri potest accessus, & recessus periodus prædicta circulari vertigine, quorum aliquos declarabimus simpliciores, & faciliores, qui, vt exactè percipiantur, supponamus primò duos circulos B C, & E F inæquales inter se, primum autem secundo minorem, ac per eorum peripherias ferri concipiantur duo mobilia æqualibus celeritatibus, quæ sint verbi causa R, & S, proculdubio *Fig. 26.*
duo mobilia æqualibus velocitatibus circumducta temporibus æqualibus æqualia percurrent spatia, & quoniam primus circulus, cuius centrum A minor est secundo, cuius centrum D, erit integra illius peripheria minor huius circumferentia, ac propterea, si in minori circulo sumamus

peripheriam æqualem integram circumferentiæ maioris circuli, necesse erit, vt integræ B C B alius addatur arcus, qui sit exempli gratia B L; ergo tempore, quo alterum mobile celeritate S percurreret circumferentiam E F E, alterum celeritate R, equali celeritati S præter integram peripheriam B C B pertransibit quoque arcum B L. Deinde, quoniam vis, & energia motus circularis repellendi, remouendique mobile à centro, pendet non ex maiori minoriue circuli peripheria, per quam per agitur eiusmodi reuolutio, sed ex celeritate, qua mobile per eam circumfertur, & quia velocitates R, & S supponuntur æquales, ergo appropinquationes, & remotiones ipsius mobilis à centri A, & D temporibus æqualibus peractæ inter se æquales erunt; Præterea si concipiamus in iisdem mobilibus duas alias virtutes prementes versùs centra A, & D, quæ prorsus æquales sint virtutibus expellentibus iam dictis, euenient profectò oscillationes temporibus æqualibus peractæ, seu appropinquationes, remotionesque à centris æquales inter se; sint igitur mensuræ eiusmodi oscillationum equalium G H, & I K, ac postremò supponamus, eodem tempore absolui circularem periodum circa centrum D, ac etiam perfici periodum directum oscillationis ex I in K, ad I, & quoniam eodem tempore absoluitur oscillationis periodus à G in H, ad G, ergo eodem tempore absoluitur oscillatio rectilinea G H G, ac reuolutio circularis E F E: verùm tempore huius circularis reuolutionis aliud mobile circa centrum A, præter integram peripheriam, percurrit etiam arcum B L; ergo periodus directæ à G per H ad G, tardior est, quàm circulus periodicus A C B.

Fig: 27. Secundus verò modus talis esset: supponamus circulos B C, & E F æquales inter se, sed celeritatem R vertiginis per circumferentiam B C maiorem esse celeritate S, qua mobile fertur per peripheriam E F; & quoniam, vt dictum est, quò celeritas R maior est impetu S, eò vehementius circularis vertigo B C repeller mobile; ergo temporibus æqualibus repulsiones B G, & E I erunt proportionales celeritati-
bus

bus R, & S suppositis etiam duabus prementibus vtribus *Fig. 27.*
 proportionalibus R, & S fient oscillationum periodi G H
 G, & I K in planis temporibus aequalibus; nequeunt enim
 peracta spacia proportionalia esse celeritatibus; nisi cum
 tempora alicui motuum aequalia sunt inter se; si igitur
 periodus directa I K I peragatur eodem tempore, quo ab-
 soluitur reuolutio E F E, periodus quoque rectilinea G H
 G eodem tempore fiet, quo peragitur reuolutio E F E: ve-
 rum circuitus per B C B breviori absoluitur tempore;
 quam circuitus B F E (cum enim spacia peracta aequalia
 sunt, tempora predictorum transituum sunt reciproce pro-
 portionalia celeritatibus) ergo tempus reuolutionis per
 B C B ad tempus reuolutionis per E F E; seu ad tempus di-
 recti transitus G H G erit, vt celeritas S, ad celeritatem R;
 proindeque periodus rectilinea G H G tardior erit, quam
 periodus circularis B C B.

Tertius modus talis esset: supponatur, idem mobile
 eadem velocitate R percurrere orbem B C B, eodemque *Fig. 28.*
 tempore quo absoluitur periodus rectilinea G H G ex ve-
 locitate repellente R, & ex alia premente ei aequali resul-
 tans; tunc, si concipiatur mobile ab initio non in G situm,
 sed superius in N, fiatque O H aequalis G N, proculdubio
 tempus oscillationis à G in H, & ab H in G breuius erit tem-
 pore oscillationis N O N; verum circularis periodus B C B
 iam peracta supponebatur eodem tempore, quo directa
 oscillatio G H G absoluebatur; ergo breviori tempore per-
 ficitur circularis periodus B C B, quam periodus rectilinea
 N O N.

En igitur tres modos, quibus periodus vertiginis circularis
 circa centrum Solis, seu poli ellipsis celerior effici potest,
 quam periodus oscillationis directæ appropinquationis (sci-
 licet, ac remotionis ab eodem polo.

Supponamus modò, Diuinum Architectum decreuisse *Fig. 29*
 ellipsi cuiuslibet planetæ A G P eiusque axi A P tribuere
 vertiginem quamdam circa polum solarem S, secundum
 ordinem signorum, intelligatur esse C G circulus interme-
 dius

dius constitutus huiusmodi Ellipsis, primò poterat angustiorum reddere circulum CG , ac ipsi relinquere eandem celeritatem, quam habebat ante eius restrictionem, indeque describeret dictam ellipsim. Secundò absque vlla diminutione circuli medioeris CG , aut incremento eius celeritatis compendiosius satis erat, planetam in principio collocare paululum à Sole remotius, faciendo videlicet Aphelium non in A , sed in M ; tunc enim periodus circularis velocior fieret, breuiorique tempore absolueretur, quam periodus directus oscillationis MNM , & per consequens linea absi-

Fig. 29. dis PSA summa facilitate transferri posset secundum signorum ordinem ab X ad Z ; cum verò constanter maneant eadem causæ, debet talis periodus motus absidis perpetuò perseverare; patet igitur quomodo absque ambagibus facilissimis medijs possibile erat, planetis tribuere motum nedum eccentricum, sed figuræ etiam ellipticæ, tandemque efficere, ut absidis linea uniformi, & continuo cursu torqueretur in orbem secundum signorum ordinem, quod erat, &c.

Id autem, quod generaliter dictum est de planetarum eccentricitate locum profectò habere debet in planetis etiam Mediceis, de quibus agimus, quorum vnusquisque non præcise circa Iouem agitur, sed eccentrica revolutione, & elliptica, lineaque Absidis reuoluitur ab Occasu ad Ortum, ut observatur in alijs planetis, ac propterea, necesse est, ut eorum celeritates ex Ioue observatæ, nedum inæquales appareant, hoc est opticam anomaliam sortiantur, sed reuera sint inæquales, hoc est circa Perijouium habeant quamdam physicam, ac realem celeritatem; contra verò circa Apojouium veram, & physicam tarditatem.

*Medicea sydera, dum Solem circumagunt nouam acquirere
anomaliam. Cap. XIV.*

Hucusque satis declarauimus, quam inæqualitatem for-
tiri debeant Medicea sydera, dum periodicè reuolu-
uuntur, hoc est circa Iouem, easque ostendimus cieri debe-
re per eccentricos, & ellipticos orbes celeritatibus reuera
inæqualibus, tardioribus scilicet in Apojouijs, velociori-
bus in Perijouijs, tandemque lineam eorum absidum trans-
fert debere secundum signorum ordinem; hæ autem mo-
tiones omnes naturales, & propriæ censeri dedit, ac perio-
dicè ipsorum syderum ioualium, superest modò, vt motum
consideremus, quo eadem stellæ circa Solem aguntur, &
quam anomaliam eiusmodi periodus synodica eisdem su-
peraddat.

Et primò, quia Medicei planetæ nunquam Iouem relin-
quunt, sed circa ipsum aguntur, ipse verò duodecim an-
norum spatio propriam periodum circa Solem absoluit,
eiusdem temporis spatio coguntur circa solare corpus ro-
tari à Ioue rapti. Præterea notandum est, Mediceos plane-
tas non ferri circa Solem fixè alligatos in Iouis atmosphæra,
quasi ferruminati clauisque firmati essent in quadam solida
rota, sed liberè, ac solutè percurrere æthera fluidissimum,
neque ab alio circulo detineri, præterquàm à virtute ma-
gneticæ analoga; cum igitur soluti, ac liberi pensilesque fi-
ti sint in fluidissimo æthere, profectò impossibile videtur,
eamdem illam solarem virtutem, quæ tanti roboris, & ener-
giæ est, vt ingentes globos Iouis reliquorumque planeta-
rum mouere valeat, inertem inutilemque esse debere, ac
nullius roboris in pusillis globulis Mediceis, si enim vide-
mus, quod, quantò magis Iuppiter, alijque primarij plane-
tæ Soli admoventur, tantò maiori reali celeritate à solari
virtute rotantur, quis credet Mediceos globulos, qui pari-
ter soluti, ac pensiles fiti sunt in æthere fluido, non commo-
ueri, & impelli ad instar aliorum planetarum maiori cele-
ritate

ritate cum Soli appropinquant? Sine enim hoc contingat ex eo, quod Sol proximus roborat, augetque motricem planetarum virtutem, vel quod radij solares eius vertigine circumducti, vectis ratione, vt dictum est, maiorem planetis afferunt velocitatem, certè non poterunt Medicea sydera non subijci vniuersali Naturæ legi, qua planeta omnes Soli proinqui maiorem virtutem motricem adipiscuntur, seu concitatiore cursu à solari vertigine torquentur, quapropter, cum Medicea sydera circa Iouem agantur, & circa Solem, necesse est, vt duabus viribus motricibus moueantur, quarum altera efficit proprios circuitus circa Iouem, altera verò vertiginem circa Solem temperat. Si autem eiusmodi motrices virtutes pendent, vt verosimile est, à vertigine Iouis, & Solis circa proprios axes, necesse profectò erit, vt in diuersis à Sole distantijs, veluti contingit in vecte, & in libra, motus Mediceorum syderum illas subeant velocitatis alterationes, quas cæteris omnibus planetis tribuere potest maior, seu minor distantia ab ipso Sole.

Lemmata necessaria, ad intelligendam synodicam Mediceorum syderum anomaliam. Cap. XV.

LEMMA PRIMVM.

SI motus aliquis retardatus fuerit eadem proportionem, qua ipse continuatur, fiet motus similis primo licet tardior.

Idem mobile percurrat spatia A B, B C, C D, & D E temporibus æqualibus ipsi T; sitque eius celeritas V: po-
Fig. 30. steà, dum progreditur per spatium A B, superueniat retardatio F, ita vt mobile solummodò pertranseat spatium K L; simili modo dum percurrit spatium C B, retardatus à G, percurrat spatium L M, & à mora H in motu per C D pro-
 ueniat transitus N M, ac ità de cæteris: sit deinde mora F ad G, vt A B, ad B C, & mora G ad H, vt B C ad C D, & sic de cæteris; aio, motum K L O quamuis tardiozem, tamen

in

in omnibus suis partibus similem futurum motui per ABE. Quoniam motus per AB, & BC fiunt eodem tempore T, & ambo retardantur ab F, & G, eadem proportionem quam habet AB, ad BC; ergo quod subtrahitur à spatij AB, BC eodem tempore T, erit ut AB, ad BC, quare spatium KL, ad LM residuum scilicet ipsius AB post retardationem ad alterius BC residuum eandem habebit rationem quam AB ad BC, seu ut mora F ad moram G, fiunt autem tales motus per KL, & LM, eisdem celeritatibus ac tempore T; ergo motus per KLM similis omnino erit motui per ABC, eodemque modo ostendetur motum per KO similem futurum motui per AE, quod erat, &c.

Hinc elicitur, quod si primus motus per A E vniformis, & æquabilis esset, pariter motus retardatus esset vniformis, & æqualis, si ille acceleratus, iste quoque eadem ratione acceleratus; si ille difformis, primò scilicet acceleratus, deinde verò retardatus, talis etiam erit iste, cum semper eadem ratione fiant, quam celeritates habuerint.

LEMMA SECVNDVM.

SI in circuli, seu ellipsis quadrante ducantur quælibet rectæ lineæ uni axium æquidistantes, secantesque reliquum axim, efficient duo quadrilatera, quorum axi propinquius ad magis remotum, maiorem habebit proportionem, quam basis illius ad huius basim in reliquo axi sumptis.

Sit quadrans circuli, siue ellipsis AFL comprehensus à *Fig. 31.*
 curua AF , & à duobus axibus AL , & FL , in quoducan-
 tur duæ rectæ lineæ BM , & CN parallelæ axi AL , quæ
 secant reliquum axim in M , & N ; dico, quadrilaterum
 $ABML$ ad quadrilaterum $BCNM$ maiorem pro-
 portionem habere, quàm basis LM , ad basim MN .
 Ducatur à puncto C recta CH parallela FL secans BM , &
 AL in R , & H , & à puncto B ad H extendatur curua BH
 tali lege, ut scilicet quælibet linea recta DEO parallela basi
 M GH ,

GH, secans figuram B C H, diuidatur à B R, in E, eadem
 ratione, quam habent bases scilicet E O ad E D, siuè H R ad
 Fig. 31. R C, erit (ex geometria indiuisibilium) totum triangulum
 H B R ad triangulum B C R, vt basis R H ad R C, seu vt
 L M, ad M N. Præterea manifestum est, curuam B O H
 cadere intra quadrilaterum B A H R, quoniam in triangu-
 lo curuilineo B C R desinente in acumen B, recta D E mi-
 nor est, quàm C R; est autem C R; ad R H, vt D E ad E O;
 ergo etiam E O minor erit, quàm R H, ac idcirco minor,
 quàm E G, quæ equalis est ipsi R H in parallelogrammo
 R G; quapropter punctum O cadit intra quadrilaterum
 A B R H; ac idem dicetur de quolibet alio puncto curuæ
 B O H; ergo tota cadit intra quadrilaterum A B R H, proin-
 deque triangulum B R H minus erit quadrilatero A B R H,
 pariterque totum quadrilaterum A B M L maius erit qua-
 drilatero H B M L. Deinde, quoniam parallelogrammum
 R L ad parallelogrammum R N eiusdem altitudinis est, vt
 basis L M, ad M N, vt etiam est triangulum H B R ad trian-
 gulum B C R; ergo totum quadrilaterum B H L M, ad to-
 tum quadrilaterum B C N M, eandem habebit proportio-
 nem, quam basis L M, ad basim M N, &c. verum quadri-
 laterum maius A B M L ad idem quadrilaterum B C N M
 maiorem rationem habet, quàm quadrilaterum minus
 H B M L; ergo quadrilaterum A B M L ad quadrilaterum
 B C N M maiorem rationem habebit, quàm basis L M, ad
 M N.

Si verò proportio ipsius L M ad M N erit maioris inæ-
 qualitatis, & sint tales particulæ satis paruæ, dubium non est
 quin excessus proportionis quadrilaterorum supra propor-
 tionem basium minimus erit, ideoque si iisdem quadrilate-
 ris inæqualibus addemus equales partes, successiuè immi-
 nuemus eorum proportionem, ideoque non erit impossi-
 bile, vt quadrilaterum A B M L simul cum partibus additis
 ad quadrilaterum B C M N simul cum iisdem partibus, ha-
 beat eandem proportionem, quam basis L M, ad M N,
 hoc autem contingere poterit quoad sensum in toto qua-
 dran.

drantis progressu, ubi differentia eiusmodi proportionum perceptibilis non erit.

LEMMA TERTIVM.

SI idem mobile inæqualibus celeritatibus duas pertranseat æquales rectas lineas comprehensas à rectis lineis equidistantibus inter se, ad quas diuersimodè inclinentur, & per directiones rectarum intervalla parallellarum determinantium mobile retardetur secundum proportionem eorundem intervallorum, modificati motus similes erunt inalteratis motionibus.

Idem mobile per rectas lineas AB , & BC inter se æquales, & comprehendentibus parallelis AE , BD , KC , diuersimodè inclinatæ transferatur inæqualibus velocitatibus, scilicet spatium AB peragatur maiori tempore T , at spatium BC percurratur tempore minori R : retardentur po- Fig. 32.
ste à dicti motus à repulsibus factis per directionem EDC , scilicet dum mobile fertur ab A ad B , & à B ad C , frænatur eius motus à tardiori motu rectæ lineæ AE , quæ semper sibi ipsi equidistanter incedat per directionem EDC ; mora verò EF , quæ infertur motui per AB , ad moram DI , quæ afficitur motus per BC , eandem proportionem habeat, quàm ED , ad DC , ducanturque FG , IH parallele AE , BD ; cumque retardati motus per AB , & BC prolixioribus temporibus perfici debeant, supponatur, tempore V maiori, quàm T , perfici modificatum transitum per AB , pariterque tempore Z maiori, quàm R , compleatur transitus modificatus per BC , ostendendum est, tempus V ad Z eandem proportionem habere, quàm tempus T ad R ; sic enim modificati motus similes erunt prioribus in alteratis motionibus. Quoniam motus per AB , & BC inter parallelas AE , BD , KC interceptiuntur, licet sint diuersimodè inclinati ad eandem directionem EDC , tamen referri, & considerari possunt in eadem recta linea EDC , quandoquidem eadem recta linea AE , semper sibi ipsi

M ad *aqui*

æquidistanter translata, simul cum mobile, dum percurrit lineam AB , designat quoque eodem cursum lineam ED tempore T , pariterque, dum fertur simul cum mobile per BC , designat lineam DC tempore R ; & quia EF est mora, quæ infertur motui per AB , nec non DI est mora motus per BC , erunt FD nec non CI residui motus post moræ subtractionem: erat autem mora EF ad moram DI , vt transitus ED ad DC ; igitur motus FD residuus, ad residuum

Fig. 32. motum IC erit, vt mora ad moram, & permutando motus FD ad ED erit, vt motus IC , ad CD ; verum, vt FD ad DE , ita est GB ad BA ; (cum sit rectæ lineæ à tribus parallelis AE , GF , BD , dissectæ) ergo G Berit spatium peractum ab eodem mobili retardato tempore T , propterea quod tunc solummodò celeritates sunt spatijs proportionales, cum transitus æqualibus temporibus fiunt: simili modo, vt IC ad CD , ita erit HC , ad CB , proptereaque spatium HC retardatum peractum erit tempore R : sunt verò proportionēs HC , ad CB , & GB ad BA eadem inter se, cum similes sint iisdem proportionibus FD ad DE , atque IC , ad CD : suntque antecedentes AB , & BC æquales inter se; igitur spatia BG , & HC equalia inter se erunt; quapropter ab iisdem velocitatibus refrenatis æqualia spatia percurrentur BG tempore T , HC verò tempore R , sed, cum integrum spatium AB petcurrendum est eadem in modificata velocitate, necesse est, vt spatium GB ad AB sit, vt tempus T ad V , scilicet vt HC , ad CB , seu (eadem ratione) vt tempus R ad Z ; igitur tempus T ad V eandem proportionem habebit, quam tempus R ad Z , & permutando, vt tempus T , ad R , ita erit tempus V quo percurritur spatium AB velocitate modificata ad tempus Z , quo perficitur spatium BC modificata pariter velocitate; quapropter modificati motus per AB , & BC ab inæqualibus moris, seu impedimentis proportionalibus ipsis ED , & DC efficiuntur temporibus V , & Z proportionalibus temporibus T , & R , quibus inalterati motus efficiebantur, ideoque modificati motus, & refrenati similes omnino erunt prioribus inalteratis motionibus, quod erat, &c.

LEM.

LEMMA QVARTVM.

SI mobile reuoluatur per circumferentiam circuli, seu ellipsis A F circa centrum L, ac simul centrum L, cum suo circulo feratur in orbem circa centrum S, ac talis motus *Fig 32.* circa S tarditatem conferat motui per A B F, secundum proportionem distantiarum A S, B S, C S, R S, &c. quousque in mediocri distantia S F mora penitus extinguatur; aio, motum mora affectum per A B F similem, & vniformem esse priori motui absque vlllo sensibili errore.

Secentur arcus minimi quoad sensum A B, B C, C D D E, & E F, æquales inter se, ac extendantur rectæ lineæ B M, C N, D O, & ceteræ parallele axi A L, quæ secant reliquum axim L F in punctis M, N, O, P, & quoniam moræ, quæ retardant motum ipsius mobilis per arcum A F, supponebantur proportionales omnibus distantijs à centro S, vsque ad peripheriam A B E, si nos concipiamus distancias omnes, licet ductas à centro S vsque ad circumferentiam A F, vt parallelas inter se, & ipsi A L, sumptis illis omnibus, quæ incidunt in arcum A B, quadrilaterum efficiemus comprehensum à duabus parallelis A L, & B M vsque ad S elongatum; quoniam autem ostensum est, quadrila- *Lem. 2.* terum A B M L productum vsque ad S ad quadrilaterum B C N M, paritet vsque ad S elongatum eandem rationem habere posse, quam habet basis L M ad M N, absque sensibili errore, cum ob exiguitatem arcuum A B, B C, C D, &c. tales moræ paruæ sint; ac talia quadrilatera producta sint aggregata distantiarum omnium ab S vsque ad A F, quæ quidem mensurant omnes gradus retardationum decrescētium; ergo summa morarum, seu retardationum omnium ipsius mobilis, dum percurrit arcum A B, ad summam morarum omnium eiusdem, dum percurrit arcum B C, eandem rationem habebit, quoad sensum, quam habet L M, ad M N; & quoniam, vt dictum est, eiusmodi moræ non fiunt respectu centri L, sed respectu centri S, attamen exercentur per cir-

circumferentiam $A B F$, quam nunquam mobile derelinquit; ergo per talem circumferentiam $A B F$ mobile retardatur respectu centri S , hoc est repulsæ, & retardationes sunt per directionem $F L$, & secundum proportionem rectæ $L M$, ad $N M$; sed licet arcus $A B$, & $B C$ sint æquales inter se, diuersimodè tamen sunt inclinati respectu centri ipsius S , & respectu parallelarum $A L$, $B M$, $C N$; ergo licet arcus $C B$ sit æquales arcui $B A$, & mora ipsius $M N$ minor sit mora $L M$, tamen ex præcedenti lemmate eiusmodi retardatio $M N$ distributa per totum arcum $B C$ oblique dispositum efficiet modificatum motum per $B C$ omnino similem quoad sensum ei, qui à maiori mora $L M$, applicata tamen arcui $B A$ directè opposito, producit, ac proinde vitima retardatio $P F$, quamvis minima respectu centri S , sufficit tamen ad moram, & modum motui mobilis inferendum per arcum $E F$, tantum ad vnguem, quantum modificatus fuerat per arcum $A B$; & quoniam maxima obliquitas arcus $E F$ est in causa, ut possit subtendi à sinu verso $P F$ (arcus enim $E F$ respectu centri S non occupat maiorem spatium, quàm $P F$) ac ideò parua illa mora eundem producere debet effectum in $E F$, quem mora $L M$ producit in $A B$; ergo mobile per arcum $A B F$ uniformiter modificabitur ab inæqualibus moris $L M$, & $M N$ decrescenibus respectu centri S , hoc est motus per $A B F$ per omnes suas partes eadem proportionem modificabitur, moraque afficietur illa scilicet vniformitate, quæ propria erat mobilis antequam retardaretur, quod erat, &c.

Fig. 33.

*De Mediceorum synodica anomalia, cum eorum absidum
linea perpendicularis fuerit ad lineam synodum.*

Cap. XVI.

Satis superius insinuatum est, synodum lineam, seu solarem, quæ per centra Iouis, & Solis transit, vndique circumferri secando Mediceorum ellipses, dum Iuppiter suum

suum annum (nobis duodecennem) complet; His positis facile constat, diuersis temporibus ellipticum orbem cuiuslibet Medicei varias constitutiones habere posse respectu lineæ synodicæ, cumque motus Iouis, ideoque translatio iam dictæ lineæ synodicæ tarda valdè sit, compleaturque anno Iouiali; & è contra motus proprius anomalie Mediceorum velocissimus sit, quandoquidem omnium pigerimus diebus 16. horis 16. circiter completur, absque sensibili errore supponi poterit, lineam synodicam cuiuslibet Medicei in vna eius reuolutione in eodem situ stabilem permanere, ita vt aliquando iam dicta synodica linea, & ellipsis Medicei maior axis sibi mutuò congruant, scilicet Nouimedicea, & Plenimedicea fiant in Apojouio, & Perijouio; atque huiusmodi constitutio vocetur absidis synodalis. Altera constitutio fiet tunc, cum iam dicta linea synodica perpendicularis est ad maiorem axim ellipsis Medicei, scilicet cum in distantijs medijs ab Apojouio fiunt Nouimedicea, & Plenimedicea; & talis constitutio absidis dicotomæ appelletur. Tertia tandem constitutio intermedia dicetur, eritque illa, in quâ synodica linea inter Apojouium, & longitudinem mediam incidit in qualibet ex hisce constitutionibus. Videndum modò est, quanta, & qualis sit synodica anomalia, & quo ordine procedat; Quoniam verò doctrinæ ordo exigit, vt à simplicioribus, & facilioribus inchoemus, primò de absidis dicotomæ constitutione agemus, ostendemusque, eius anomaliam synodicam ne minimum quidem perturbare, & alterare ordinem, dispositionemque anomalie propriæ Medicei, sed effici tardiori quidem motu, tanta tamen regula, & methodo, ac si Medicei motus proprius careret superaddita synodica anomalia.

Esto igitur orbis ellipticus alicuius Medicei $A Q P N$ cuius axis maior sit $A P$, minor verò $K O$, centrum globi Iouis sit in eius polo G , extensoque axi minore $K O$ vsque ad Solem S , sicuti etiam $Q G N S$ æquidistans $K O$, erit proinde $S N Q$ linea synodica, quoniam existente Mediceo
in Q

in Q fiet Plenimediceum, in N verò Nouimediceum. At in Apojouio A, & Perijouio P fient maxime digressiones, *Fig. 34.* & respectu ad maximam Medicei celeritatem, in suo orbe, fit, ut in vno integro synodico cursu linea solaris S N Q permanere censeatur in eadem dispositione, & directione cum recta Q N, quoad sensum, inquam, licet aliquantis per ab eadem coincidentia remouearur. In tali igitur constitutione, ut clarius me explicem, fingamus, Iouis globum G cum ellipsi Medicei A K P minime circa Solem S reuolui, sed in vno determinato spatij mundani loco immobiliter commorari, tunc quidem à rotatis radijs polaribus G A, G B, &c. à vertigine iouialis globi circa centrum G, necessario stella Medicea reuolueretur circa eius ellipsim, inæquali tamen velocitate, iuxta anomalie ellipticæ exigentiam. Postmodum fingamus, Mediceum minime reuolui circa Iouis globum, sed tantummodò transferri simul cum Ioue circa Solem per circumferentiã A G P; tunc quidem constituta stella in Plenimediceo K, quia duo globi Iouis scilicet G, & Medicei K pensiles, & æquilibrati in æthere fluidissimo ponuntur, necesse est, ut à radijs solaribus ambo globi circa solem rotentur, ut vectis natura exigit, scilicet, quia radius S K longior est radio S G, tardius mouebitur stella K, quàm globus iouialis G, & propterea illa non assequetur omnino excursum iouialis globi, sed aliquantis per repedabit à K vsque ad M; è contra si Medicea stella sita intelligatur in Nouimediceo O, quia radius S O minor est radio S G, necessario stellula O celerius mouebitur, quàm iouialis globus G, ideoque aliquantis per promouebitur ab O vsque ad L, scilicet secundum ordinem signorum ab Occasu ad Ortum, sicuti econtra in supremo situ K stella retrocesserat contra ordinem signorum à K, ad M, hoc, inquam, necessario sequitur propter causas allatas. Modò componantur dicti duo motus, ut reuera ambos exequitur Natura, scilicet fiat motus anomalie stellæ in orbe elliptico A K P circa Iouis globum, pariterque Iuppiter cum adiuncta ellipsi Medicei circa Solem reuoluatur,

tur, quia hę duę causę permanentes, & immutabiles sunt, quęlibet suum effectum producit, scilicet periodus anomalie circa Iouem dependens ab immutabili serie radiorum polarium $GA, GB, \&c.$ perpetuò anomalie periodum eodem tenore perficiet, similiterque reliqua causa, scilicet reuolutio Iouis, & stellę circę Solem perseuerans, eadem varietatē producet, in Plenimediceo nimirum in K , fiet semper retrocessio KM , & in Nouimediceo O fiet promotio antius OL ; hoc, inquam, sequetur necessario, quia Mediceus non est affixus, vt clauus in peripheria rotę AKP , sed est pensilis, & omnino solutus, liberęque in æthere fluidissimo fertur, ne dum circę Iouem G , sed etiam circę Solem S , proindeque impossibile prorsus videtur, vt vn̄uersali Naturę legi nō subiciatur, quę precipit, vt omnes planetę in æthere fluido penduli, quò magis à Sole recedunt tardius itinera sua peragant; quare fatendum est, Medicei motum AKP , retardari in Apojouio K , accelerari verò in Perijouio O . Si igitur hoc verum est, scilicet si duo effectus semper ab iisdem perseuerantibus causis pendentes consequantur; igitur duo motus, anomalie scilicet, & retardationis simul perpetuò in motu mediocri reperiri debent commixti, & implicati, nimirum periodicus motus anomalie versùs Plenimediceum K exercebitur quidem sed mora, & tarditate affectus, retrocessione scilicet KM , & è contrā cursus periodicus in Nouimediceo O modificabitur fanè à pusilla promotione stellę ab O versùs L ; His positis supponamus, Mediceum suę anomalie periodum incipere ab Apojouio A per K vique ad P ; & quia in tota hac semiperiodo distantia Medicei à Sole maior est mediocri distantia SG , quandoquidem semiellipsis AKP recedit à Sole ultra axim PA , & quò magis distantia Medicei à Sole augetur, eò magis realis eius velocitas circa Solem minuitur, *Fig 34.* vt demonstratum est; quare in tota semiellipsis AKP Mediceus tantò tardius cietur supra mediocritatem, quantò distantia SK superat mediocrem distantiam SG . Recordemur postea, Medicei motum secundum ordinem signorum

N
fieri

fieri ab A versùs K P, pariterque motus circa Solem, si n ul cum Ioue secundùm signorum ordinem peragi, in hoc, inquam, motu Mediceus aliquantulùm retardatur, vt dictum est, scilicet transitus stellæ ab A versùs K remoram patitur, eique obstititur, ac retrorsùm repellitur, sed interim Mediceus non auellitur separaturque ab eius ellipsi A K P; nam in ea retinetur à virtute magneti analoga; igitur huiusmodi retardatio, & retractio versùs Occasum obstat motui Medicei versùs Ortum in suo proprio orbe; supponamus iam, quod in motu per quadrantem A K retrocesserit Mediceus per arcum K M, ita vt si fuerit exempli gratia quartus Mediceus, qui si solummodo circa Iouem, non autem circa Solem reuolueretur, percurreret quadrantem A K diebus 4. H. 3. m. 30. sed superueniente impedimento retardante per arcum K M, vt dictum est, vt perficiat extremam particulam ab M ad K, requireretur tempus aliquod, ponamus, requiri H. 1. m. 17., igitur compositus motus retardatus atque modificatus ab A ad K efficeretur diebus 4. H. 4. m. 47. Et hic precipuè animaduertendum est, quod, licet in A distantia à Sole sit mediocris, in puncto verò K maxima, non inde sequitur, vt propè terminum A retardatio sit nulla, & continuis incrementis augeatur vsque ad supremam distantiam K, quia, vt in lemmate quarto ostensum est, Medicei

Cap. 15. motus vniformiter retardatur, & modificatur propè terminum A, ac in K, nec varietas intercedit animaduersione digna; si igitur motus proprius circa Iouem per A K vniformi repulsu, seu remora modificatur, habebit talis motus eandem inæqualitatem seu anomaliā, quæ Eccentrico aut ellipsi A K P competit, hoc solum discrimine intercedente, quod huiusmodi nimirum compositus motus aliquantò tardior est, longiorique tempore completur, quam Mediceo ellipsim proprio motu percurrente, cōperat, si circa Solem minimè ageretur. Hic iam notandum est, motum, & periodum anomalie modificatæ Medicei ex duobus elementis componi ex motu nempe proprio in ellipsi, prout solummodo circa Iouem fertur, atque ex retardatio-

ne à motu annuo iouiali dependente; & quia numquam contingit, vt vnus motus solitarius absque alterius miscella obseruetur, cum numquam Iuppiter cesset à reuolutione circa Solem, propterea nos tali præiudicio tenemur, ac persuademur, huiusmodi motum modificatum proprium sibi-que connaturalem esse, ac Mediceo competere, neque vñ *Fig. 34.* quam præiudicium conuinci posset, nisi vna ex his causis seu elementis, modificatum motum componentibus, tolleretur, & à reliqua segregaretur; attamen nouæ non sunt huiusmodi mixturæ motuum in Natura; sæpè enim sæpius, nedum duæ, sed etiam tres, & plures causæ diuersimodè mouentes simul operantur in eodem subiecto, quæ, si latuerint, reputabitur ille motus vnicus, ac simplex, licet summo perè compositus fuerit.

Sed vterius procedendo, dico, quod continuato Medicei motu à K, ad P efficietur modificatio tanta præcisè, quanta in quadrante A K; quia ducta qualibet recta linea B D parallela maiori axi A P, quæ ellipsim in duobus punctis B, & D intersecet, duæ distantie à Sole S B, & S D reputari possunt inter se parallelæ, eruntque æquales inter se, & ideò tarditates, inde fluentes, motumque periodicum frangentes, erunt inter se æquales, & cum non possit assignari distantia à Sole in quadrante A K, quin alia ei æqualis in reliquo quadrante K P reperiat; hinc sequitur, vt omnes distantie à Sole, quæ in arcu A K assignari possunt simul sumptæ sint æquales omnibus remotionibus à Sole, quæ in arcu K P reperiri possint: sed quot, & quales sunt remotiones, tot pariter, & tales sunt gradus tarditatis in ambobus quadrantibus resultantes; igitur moræ omnes, quæ in quadrante A K effici possunt, æquales sunt ijs tarditatibus, quæ in reliquo quadrante K P fiunt; æquè igitur præcisè, & eadem periodo motus Medicei modificabitur in quadrante A K, ac in quadrante K P: verum tamen est, quod arcus A Q, vsque ad Plenimediceum maior est arcu Q P, ideòque moræ in eo factæ diutius perseuerabunt, quàm in isto, sed neutre præcipuum, & proprium Medicei periodum alterant,

vt in præcedentibus lemmatibus ostensum est; quapropter habebimus periodum compositam, seu modificatam tardam versùs Apojouium A, velocem versùs Perijouium P, quia factis angulis B C A, & D C P equalibus inter se in centro ellipsis habemus duas prosthaphæreses in ipso Ioue G, vnâ physicę, & realis tarditatis versùs Apojouium, alteram opticę, & apparentis; contra in Perijouio, cum angulus D G P maior sit angulo D C P excessu prosthaphæresis C D G. Patet igitur ex dictis, motum anomalie vniformiter retardari, & eodem ordine ac periodo absolui, quo efficeretur solitarius motus Mediceus, si solummodò circa Iouem, non autem circa Solem ageretur.

Accedamus iam ad inferiores arcus, scilicet Soli viciniore, vt est P O; aio, periodum motus retardati, seu modificati per arcum P O esse præcisè similem, æquatam, eodemque tempore transgressam, & eadem periodo velocitatis, ac est illa, qui in arcu K P præcessit, quoniam recta K O bifariam in C secatur, distantia à Sole S O equè deficiet à mediocri S C, ac maior distantia S K eandem superat; igitur ex superius dictis, quantò Mediceus in K tardior est, tantò in O erit celerior mediocri motu, qui distantie S C competit; igitur Mediceus, dum integrum arcum P O motu retrogrado transigit à P, versùs O, repellatur circa Solem motu accelerato, & directo ab Occasu ad Ortum, ob minorem distantiam à Sole, præcisè, quantum motus directus à K ad P retardatus fuerat; nam vtroque motus erunt inter se æquales, scilicet in superiori parte K proprio Mediceo motui ab Occasu, ad Ortum à K ad P facto obstabat contrario nisl retardatio à P versùs K, cum maior à Sole distantia S K ratione vectis tardiozem eum efficiebat, quàm mediocri motus exigebat, at in inferiori arcu P O à P versùs O, scilicet ab Ortum ad Occasum retunditur, frenaturque à motu contrario ab O versùs P directo, superanteque mediocrè celeritate circa Solem, ob vectem diminutam S O; quapropter, si in retrogrado transitu P O repulsus velocitatis maioris circa Solem fuerit O L, necessario Mediceus pertransibit solum;

mo-

modò arcum $P L$; vt verò arcum $P O$ perficiat, requiritur tempus prorsus æquale ei, quod in arcu $K P$ insumptum est; quapropter motus retardati, atque modificati $K P$, & $P O$ temporibus planè æqualibus perficientur: ducta postmodum qualibet recta linea $D I$ parallela axi minori $K O$, quæ ellipsum secet in punctis D , & I , atque maiorem axim in E , erit $D E$ æqualis $E I$, proindeque excessus distantie à Sole $S D$ æqualis erit defectui minoris distantie $S I$ ab eadem mediocri distantia $S E$; quapropter retardatio circa Solem (ratione vectis maioris $S D$) æqualis præcisè erit accelerationi (ratione minoris vectis $S I$) supra mediocrem velocitatem: cumque hoc verificetur in reliquis omnibus punctis oppositis ellipsis; ergo gradus omnes retardationis *Fig. 34.* supra mediocritatem, per arcum $K P$ facti, æquales erunt gradibus omnibus velocitatis supra eandem mediocrem, qui efficientur per arcum $P O$, eò quod omnes maiores distantie simul sumptæ, $S K$, $S Q$, $S D$ mediocres distantias tantum superant, quantum omnes distantie $S O$, $S N$, $S I$ ab iisdem mediocribus deficiunt; igitur gradus omnes retardationis, qui fiunt per arcum $K P$, exercentur quoque per arcum $P O$; quapropter in duobus arcubus $K P$, & $P O$ gradus æquales retardationum exercentur eodem ordine, frequentia, & tempore, hi verò repulsus applicantur proprijs motibus Medicei in arcubus ellipsis $K P$, & $P O$ æqualibus, & similibus inter se, & æqualibus temporibus transgressis, suntque uniformiter dispositi respectu Solis, scilicet eadem obliquitate eum respiciunt; igitur periodus modificata per arcum $K P$, omnino æqualis, similis, & æquali tempore fiet, ac motus modificatus per arcum $P O$ absoluitur.

Tandem modificatus motus in arcu $O A$ iisdem de causis similis planè, & æqualis erit motui modificato per arcum $A K$, proindeque in inferiori semiellipsi $P O A$, motus uniformiter retardatus primariam periodum Medicei respectu Iouis omnino non alterat, & initio sumpto à maxima velocitate in P perueniet ad mediocrem velocitatem in N , & tandem maximam tarditatem in A effequetur; atque hæc

ex physica inæqualitate, & optica composita, erit planè eadem, quæ in semiellipsi superiore; & quoniam duo transitus per semiellipses $A k P$, $P O A$, licèt sint retardati, & modificati æqualibus tamen temporibus, & velocitatum incrementis, aut decrementis, atque in similibus dispositionibus, & distantijs à Ioue fiunt, certè censerì debet, periodum modificaram, vniformiter, & regulariter procedere, non autem perturbatè, licèt ex duobus elementis componatur, vt dictum est, nempe ex motu anomalix, stellæ competenti, prout circa Iouem circumducitur, & ex retardatione, quæ ex motu circa Solem originem ducit.

Fig. 35. Ex dictis facilè colligitur, quod si Sol non versùs N , sed versùs oppositam partem Q constitueretur, vt nimirum Nouimediceum esset in Q , & Plenimediceum in N , eadem periodus, & ordo retardationis vniformis, & æqualis fieri deberet, scilicet superiores per semiellipsim $P N A$ essent pares, æquales, eodem ordine, & periodo, ac fiunt retardationes per infimam semiellipsim $A Q P$, propterea quod distantix à Sole eadem planè essent, eodemque modo dispositæ, cum hoc vnico discrimine, quòd priùs incipiebant ab Apojouio A , modò à Perijouio P initium sumunt; antea in primo, & quarto quadrante ellipsis motus tardus fuerat, at in secundo, & tertio quadrante modificatus motus velox, modò in primo, & quarto quadrante velox efficitur, in reliquis tardus, at cum semper cursus veloces inter se comparati, atque tardi inter se sint æquales, existentibus nimirum distantijs à Sole ijsdem perpetuò, situationibus, ac dispositionibus ijsdem, necessario in vtroque casu periodus modificata eadem omnino erit.

*De Medicearum synodica anomalia, cum absidum, atque
synodum lineæ sibi mutuè congruunt.*

Cap. XVII.

PRO absidis synodalis constitutione intelligatur idem or-
bis ellipticus Medicei A M P O, atque linea solaris
S P A, seu synodorum, cum maiori ellipsis axi A P conue-
niant, ita ut Apojouium, & Plenimediceum in A conue-
niant, pariterque Perijouium, & Nouimediceum in P coin- Fig. 36.
cidant. Ostendendum est, tunc temporis motum Me-
dicei modificatum, non ut antea simplicem, & inaltera-
tum, sed tardissimum esse in Apojouio, celerrimum in
Perijouio multò magis, quam in præcedenti constitutione
absidis dicotomæ apparebat, ut nimirum tum physica, tum
optica prosthaphæresis valdè augeatur, at periodus integra
eodem fermè tempore complebitur, ac præcedens. Secentur
in maiori axi rectæ G Q, & G N æquales semiaxi minori eius-
dē ellipsis, proindeque distantia G A à Ioue, poloque ellipsis,
ad Apojouium, tantò maior est mediocri distantia G Q, vel
G N, quantò distantia G P eadem mediocri minor est; ma-
nifestum est etiam, quod distantia à Sole S A superat medio-
crem distantiam S G eodem excessu, quo minima distantia
S P, ab eadem mediocri S G deficit; cumque Mediceus
quatenus in æthere fluido circa Solem voluitur, subiciatur
tarditatibus, atque celeritatibus, quas maior, vel minor di-
stantia à Sole efficit, necessariò in Apojouio A Medicei tar-
ditas mensurabitur ab excessu distantie S A, atque in Perijo-
uio P velocitas eius mensurabitur à defectu distantie S P ab
eadem mediocri S G. Atque hic notandum est, quod in
quadrante superiori A M tarditas, qua Mediceus afficitur
in proluxa illa distantia à Sole, tantò maior erit tarditate, quæ
in præcedenti constitutione absidis dicotomæ habebat,
quando Aphelion in Q erat, quantò distantia S A maior est
distantia S Q, & econuersò Medicei velocitas in P minor
erit velocitate, qua in distantia S N præcedentis constitutio-

nis

nis afficiebatur, quandoquidem existente GP minore quàm GQ , seu GN , erit distantia SP maior distantia SN ; igitur in hoc casu stella in P , magis à Sole recedit quàm in puncto N coniunctionis alterius casus dicotomæ. His positis, supponamus, Mediceum ab Apojouio A cursum inchoare ubi Soli opponitur, & primò moueatur eo elemento velocitatis, quæ ei competit, quatenus solummodo circa Iouem fertur, manifestum est, huiusmodi motum dupliciter modificari posse, primò mediocri retardatione, ut inde oriatur imperus modificatus, qui sit verbi gratia E , & competat distantie SQ constitutionis absidis dicotomæ; cum hac inquam mediocri tarditate tempore T percurrat spatium AM . Secundo modo modificari potest, iam dictum primum periodici motus elementum maiori retardatione iuxta exigentiam maximæ distantie SA constitutionis synodice, unde resultabit velocitas modificata R , minor quàm E , cum qua stella idem spatium AM , tempore X percurrat; proculdubio modificata velocitas R tantò languidior, & tardior erit modificata velocitate E , quantò illa mora hanc retardationē superat; nempe quantò distantia SA maior est distantia SQ ; quando verò duabus inæqualibus velocitatibus R , & E idem spatium AM transigitur, oportet, ut velocitates reciproce proportionales sint temporibus, quibus transitus fiunt, siquidem ambo motus per AM uniformiter crescentes à summa tarditate in A supponantur; igitur ut velocitas R , ad velocitatem E , ita erit tempus T , ad tempus X , ac proinde tempus X maior erit tempore T , & in prædicto maiori tempore Medicea stella percurrit arcum AM : at in præcedenti dicotoma constitutione cum pertransibat minori tempore T ; ergo in synodica constitutione motus per arcum AM tantò tardius erit motu constitutionis dicotomæ, quantò tempus X superat tempus T .

Postea, quia motus per inferiorem arcum MP respectu
Fig. 36. Solis retrogradus est ab M ad P , ab Ortus scilicet ad Occasum, sed interim Mediceus fertur circa Solem ab Occasu, ad Ortum, scilicet à P versùs M ; & quia distantia SP minor est
 di.

distantia $S G$, necesse est, ut stella in P ob breviorē vectem $S P$ velocius feratur, quā exigit vectis maior $S G$, & ideo huiusmodi velocitas à P , versus M opponitur & obstat retrogrado motui ab M versus P ; at quia distantia à Sole $S P$ maior est distantia $S N$, oportet, ut velocitas stellæ in P versus D circa Solem ratione vectis minor sit velocitate eiusdem stellæ in N constitutæ, ut nimirum in hac synodica constitutione repulsus eiusdem stellæ debiliores sint, & minus efficaces eis, qui in constitutione dicotoma N efficiebantur; cum igitur repulsus, & contranitentia, seu refrenatio motus stellæ ab M ad P torpidior sit, atque languidior, necesse est ut motus modificatus, qui remanet, & quo mouetur per $M P$, velocior sit tarditate moderata, qua in dicotoma constitutione idem Mediceus ferebatur. Fig. 3. 6

His declaratis noto, quod motus per arcum $M P$, vsque ad Perijouium potest pariter duplici ratione modificari, primò adhibita mediocri mora, & renitentia, ut exigit vectis distantia $S N$, postea minori, & languidiori repulsu, & obstaculo, ut exigit vectis distantia $S P$ maior, quā $S N$, qui repulsus inæquales inter se, si exerceantur contra naturalem propriam velocitatem, qua Mediceus circa Iouem moueri deberet, resultabit modificata velocitas E constitutioni dicotomæ competens, minor velocitate modificata Y , quæ synodice constitutioni conueniat; supponatur modò, stellam in dicotoma constitutione percurrere arcum $M P$ velocitate E , atque tempore V , sed in synodica constitutione idem ellipsis spatium $M P$ percurratur velocitate Y , tempore Z ; igitur idem spatium $M P$ transigitur ab eodem Mediceo in dicotoma constitutione modificata velocitate E , & tempore V , atque in synodica constitutione eum percurrit velocitate modificata Y , tempore Z ; proindeque erunt omnino velocitates proportionales temporibus reciproce, quandoquidem transitus sunt uniformiter crescentes; quapropter sicuti velocitas modificata Y maior est modificata velocitate E , ita tempus V maior erit tempore Z ; patet igitur, quod eadem stella percurrit in constitutione

O

syno.

synodica idem spatium $M P$ maiori velocitate modificata, & minori tempore, quam in constitutione dicotoma: attamen prius arcus $A M$ transigebatur minori velocitate R , quam E , & tempore X maiori, quam T , quod in dicotoma constitutione requirebatur; ergo in constitutione synodica arcus $A M$ percurritur minima velocitate R , & prolixo tempore X , at arcus $M P$ peragitur maxima velocitate Y , & minimo tempore Z ; quapropter periodus anomaliae in hac constitutione synodica erit multo magis difformis, & irregularis, quam anomalia constitutionis dicotomae, quae, ob sui simplicitatem, & ordinem, Medicei propria & naturalis existimabatur, leu potius ei tribuebatur; attamen altera anomalia synodica, quae enormi difformitate afficitur, ut noua, & superaddita anomalia concipitur, & usurpatur, quae maiori prosthaphaese physica, & optica mensuratur.

Fig. 36. Si postmodum animaduertamus, excessum temporis X supra tempus T æqualem ferè esse excessui temporis V supra tempus Z , eoque mensurantur à retardationibus stellæ, & quanto distantia $S A$ superat distantiam $S Q$, tanto retardatio synodica suprema superat supremam retardationem dicotomam, pariterque quanto distantia $S P$ superat distantiam $S N$, tanto retardatio infima synodica deficit ab infima retardatione dicotomae; estque excessus $S A$ supra $S Q$, equalis excessui $S P$, supra $S N$, qui excessus, & defectus comparati ad maximam distantiam Iouis à Sole pusilli, & insensibiles sunt; igitur excessus temporis X supra tempus T proxime æqualis est excessui temporis V supra tempus Z ; quapropter duo extrema tempora X , & Z simul sumpta ferè æqualia erunt duobus temporibus intermedijs T , & V : sed tempore $T V$ transferebatur Mediceus ab Apojouio A , ad Perijouium P in dicotoma constitutione; igitur æquali tempore $X Z$ in hac synodica constitutione Mediceus pertransibit semiellipsim $A M P$; quapropter, hæc anomalia synodica sit valde difformis, nihilominus integer transitus equali ferè tempore perficietur ei quo dicotomae

con;

constitutionis periodus transigebatur.

Facile postmodum percipitur ob easdem rationes, quod in transitu Medicei per semiellipsim $P H A$ denuo repetat eandem inaequalem anomaliam, quam in precedenti semiellipsi exercuerat; ducta enim qualibet recta linea $B H$ parallela axi minori, conjunctisque solaribus radijs $B S$, & $H S$, erunt hi æquales inter se, & ideo retardationes, & velocitates modificare, quæ in hisce locis exercentur, erunt plane æquales inter se, habiles nimirum ad percurrenda spacia equalia temporibus equalibus per arcus ellipsis uniformiter ad Solem inclinatos, & propterea necesse est, ut in tota semiellipsi $P H A$, motus omnino similis, equalis, & eodem tempore fiat, ac in semiellipsi $A B P$; different tamen in hoc, quod in semiellipsi $A B P$ a termino summae tarditatis peruenitur ad maximam velocitatem in P , at in semiellipsi $P H A$ contrario ordine proceditur, a maxima enim velocitate in P , decrecendo, peruenitur ad summam tarditatem in A , proindeque in prima semiellipsi physica, & optica prostaphæresis semper subtrahi debet à mediocri imaginario illo motu constitutionis dicotomæ; at in secunda semiellipsi eadem prostaphæresis motui medio imaginario addenda est.

Vocatur quoque axis synodica constitutio, quoties *Pe- Fig. 37* Perijouum P in Plenimediceo constituitur, atque Apojouum A in Nouimediceo incidit. In hac pariter constitutione anomalia erit omnino similis, & eadem inequalitate affecta, iisdem temporibus peracta, ac in altera synodica constitutione hætenus explicata contingebat, quando Pleni mediceum, & Apojouum coincidebant; hoc autem facile ostendi potest, quia distantia Medicei P a Sole, scilicet $S P$, modo minor erit distantia $S N$ constitutionis dicotomæ, & ideo tellus in P minus retardabitur respectu Solis, quam in N , proindeque motus velox proprius Medicei respectu Iovis per arcum $P O$ minus retardabitur, quam in dicotoma constitutione in N : & quotiescumque idem motus minus retardatur, tunc modificatus velocior remanet;

igitur motus per arcum $P O$ velocior erit eo, qui in constitutione dicotoma efficiebatur, & propterea breviori tempore propter causas superius expositas, scilicet iuxta differentiam distantiarum $S P$, & $S N$; & quoniam perinde est, si proprius motus per $P O$ retardetur in Plenimediceo, ac in Nouimediceo, dummodo repulsus, & tarditates aequales sint inter se; igitur cum Plenimediceum efficeretur in P , erit modificatus motus per $P O$ equalis, & vniformis eodemque tempore peractus, ac competit eidem arcui $P O$, cum Nouimediceum celebratur in P ; differunt solummodò in hoc, quod in præsenti constitutione motus proprius stellæ à P ad O est directus ab Occasu ad Ortum, repulsus verò, & retardatio contrario ordine efficitur ab Ortum ad Occasum, at priùs, quando P constituebatur in Nouimediceo, motus stellæ per arcum $P O$ retrogradus erat, retardabaturque non à mora, sed à directa velocitate aucta circa Solem ab Occasu ad Ortum; itaque in vtroque casu eque retardatur, quia semper ea mora, quæ à Sole pendet, sibi ipsi equalis est, semperque exaduerso motui proprio Mediceo contranitur, proindeque eadem planè modificatione, & tarditate eum afficiet.

Procedendo postmodum ad infimum arcum $O A$, hic pariter minima distantia $S A$, ratione vectis circa Solem, affert velocitatem tantò maiorem mediocri, quanto distantia à Sole $S A$ minor $S G$, & ideo velocissimè circumferetur Mediceus circa Solem ab Occasu ad Ortum, scilicet ab A versus O , & hoc grandi impetu contraponitur mediocri motui retrogrado stellulæ per arcum $O A$, à quo nunquam discedit, igitur in tali casu motus modificatus per arcum $O A$ valdè retardabitur; cumque talis retardatio mensuretur à defectu distantie $S A$ à distantia mediocri $S G$, & priùs, quando Plenimediceum in A celebrabatur, retardatio ab excessu distantie $S A$ supra mediocrem distantiam $S G$ mensurabatur, cum ille defectus equalis sit huic excessui, necessariò repulsus, & retardationes equalis erunt inter se, quæ applicatæ eidem motui per arcum $O A$, qui eidem Mediceo
circa

circa Iouem competit, sequitur, vt in viroque casu motus modificatus sit præcisè equalis vniformi anomalie, & eodem tempore transactus, proptereaquod semper excessus, atque defectus distantiarum à Sole in respectu ad mediocres distantias dicotomas sunt eadem, & ideo incrementa, & decrementa graduum tarditatis erunt omnino inter se æqualia in omnibus locis correspondentibus; quapropter dubitandum non est, quin in qualibet positione duarum constitutionum Absidis synodice, siuè Plenimediceum, aut Nouimediceum in Apojouio constituantur, semper motus modificatione affectus Medicei eodem modo, eadem prosthaphæresi eodemque tempore efficiatur. Tandem, quia nedum in constitutione Absidis dicotomæ, sed etiam in illa Absidis synodice primum elementum motus proprii Medicei in ellipsi retardatur, nec vniquam tali retardatione denudatum à nobis reperiri potest, cum numquam Iuppiter cesserit ab eius motu circa Solem, persuasi erimus, motum simpliciore, & minus alteratum, minusque irregularem inter omnes, qui in ipsis Mediceis apparent, esse proprium, & connaturalem earundem stellarum in sua ellipsi, cumque is in constitutione dicotoma contingat, facile persuademur, anomaliam illam modificatam simplicissimam, & propriam, atque naturalem esse eiusdem Medicei, cumque postmodum videamus, in synodica constitutione motum illum insigni affectum alteratione, putamus nouum quid inesse, & superadditum primæ illi simplici anomalie constitutionis dicotomæ; & hæc omnia declarari debuerant.

De Mediceorum synodica Anomalia, quæ in intermedia Absidis constitutione contingit. Cap. XVIII.

Postquam duæ præcipuæ constitutiones synodice Absidis atque dicotomæ expositæ fuerint, facile inde percipientur varietates in constitutionibus intermedijs subsequituræ; hæc autem quadruplicem varietatem admittunt, prout

prout Medicee ellipsis eiusque axis maior diuersimodè fi-
 tuatur, quæ ut clariùs percipiantur, supponatur Sol in S,
 Iuppiter verò in G, quem Medicee ellipsis ambiat A M P R,
 huius Apojouium fit A, Perijouium P; cum quo linea so-
 laris S G inter axim maiorem A P, & diapolum M R inter-
 cipitur, tunc vel Plenimediceum B in primo ellipsis qua-
 drante A M cõstituitur, ut in prima figura; Nouimediceum
 verò D in tertio quadrante P R, & hæc erit prima constitu-
 tio intermedia. E contra, permanente adhuc solari linea
 in eodem situ S G, potest, inquam, Sol in parte aduersa B
 collocari, tuncque in puncto B Nouimediceum efficietur,
 in D verò Plenimediceum, atque hæc erit secunda consti-
 tutio intermedia. Postmodum linea solaris S G, secet secun-
 dum quadrantem M P, & quartum A R in F, & E; siquidem
 Nouimediceum fiat in F in secundo quadrante, & Plenime-
 diceum in quarto quadrante E, erit hæc tertia constitutio in-
 termedia; Sed transposito Sole versùs E, ut nimirum ibidem
 Nouimediceum celebretur, atque Plenimediceum in F, habe-
 bimus quartam intermediam constitutionem, & in hisce
 omnibus constitutionibus semper Apojouium synodicum
 erit punctum B, vel E, quod propinquius est Apojouio el-
 lipsis A, atque omnes habebunt duas inæqualitates, primam
 illam nimirum propriam Medicee, quatenus reuoluitur cir-
 ca Iouem, alteram retardationis, quæ à motu annuo Iouia-
 li dependet; quæ semper in Plenimediceo, vel Nouimedi-
 ceo B vel E, quod Apojouio proximus est, initium sumit;
 verumtamen huiusmodi superueniens retardatio, seu mo-
 dificatio semper minor est ea, quæ constitutioni absidis sy-
 nodicæ conuenit, maior verò illa, quæ constitutionis Absi-
 dis dicotomæ, propria est. Hæc omnia in primo casu tan-
 tum modò ostendimus, ex quo reliqua patebunt; fiat ergo
 distantia G a æqualis G A, & distantia G m, æqualis G M,
 pariterque distantia G p æqualis G P, & tandem distantia
 G r æqualis G R; manifestum est, quod distantia à Sole S a
 æqualis erit distantia Apheliæ cõstitutionis synodicæ S G A,
 & distantia S m erit æqualis distantia Apheliæ cõstitutionis
 1111

nis dicotomæ $S G M$, & e contra distantia S præqualis erit
distantiæ Periheliæ constitutionis synodica, & denique di-
stantia S æqualis erit distantia Periheliæ constitutionis di-
cotomæ; hinc facile percipitur quod distantia $S B$ minor est
distantia $S a$, maior verò distantia $S m$ (propterea quod, in
ellipsi, $G A$ maior est, quàm $G B$, at $G M$ minor est eadem
 $G B$) proindeque retardatio, quam motui Mediceo in arcu
 $B F$ confert distantia $S B$, tantò minor est tarditate à distan-
tia $S a$ constitutionis synodicae dependente, quantum $S B$ *Fig. 38.*
minor est $S a$, pariterque retardatio dependens à longitudi-
ne vectis $S B$, tantò maior est tarditate producta à distantia
 $S m$ constitutionis dicotomæ, quantum $S B$ maior est $S m$;
cum igitur mora, & repulsio in B minor sit retardatione
constitutionis synodicae, & maior illa, quæ dicotomæ
constitutioni convenit, deducitur, quod motus tardita-
re moderatus à B usque ad F velocior sit, quàm in syno-
dica constitutione, sed tardior quàm in constitutione dico-
toma. Idem prorsus intelligi debet in reliquis quadrantibus,
ut nimirum motus modificatus per totam hanc men-
struam Mediceam constitutionem minori inæqualitatis af-
ficiatur anomalia, quàm in constitutione synodica, maiori
verò, quàm in dicotoma constitutione alteratus fuerat; at-
tamen quia anomalia constitutionis dicotomæ, utpotè sim-
plicior, minùsque alterata, censetur veluti propria, & pe-
riodica Mediceo planetæ, propter id in hac intermedia con-
stitutione facile persuademur, illam inæqualitatem, dico-
tomæ periodo superadditam, esse novam anomaliam.
Ad notandum quoque est situs ellipsis in quo huiusmodi no-
va prostaphereus synodica applicatur; nam in primo qua-
drante $B F$ prostaphæresis semper est ablativa, retardat-
que motum Mediceo, sed, cum applicetur arcui $M F$, in
quo ex sui natura motus Mediceo velox est, scilicet à medio-
ritate crescens, inde fit, ut tarditas collata minuat propriam
celeritatem, arcui $M F$ competentem. Pari modo in ter-
tio quadrante $D E$ anomalia menstrua Mediceo celeritatem
affert aliquam motui per arcum $R E$, tardo ex sui natura.

Idem

Idem contingit in reliquis omnibus quadrantibus aliarum constitutionum, quę non indigent prolixiori expositione, cum satis superque pateant; quamobrem ab eisdem causis in quatuor omnibus constitutionibus alterari debet cursus modificatus cuiuslibet Medicei, minùs, quàm in synodica constitutione, & magis, quàm in dicotoma; verum tamen est, quod temporum spatia à Plenimediceis ad Nouimedicea non erunt prorsùs inter se æqualia; quotiescumque enim in tràsitu ab vna ad aliam synodum intercipitur Apojouium maiori tempore absoluetur v. g. in primo casu tempus à Plenimediceo B, ad Nouimediceum D breuius erit spatio temporis à Nouimediceo D ad Plenimediceum B, proptereaquòd arcus ellipsis B F D minor est, quàm arcus D A B, & in illo motus proprios Medicei velox est propè Perijouium P, sed tardius circa Apojouium A; quapropter ab his duabus causis primum temporis interuallum breuius redditur secundo. Idem esto iudicium in reliquis alijs casibus.

*De synodica Anomalia perpetua Mediceorum, seu de nuncupata
Varietate. Cap. XIX.*

CUm præter anomaliā menstruam temporariam, subiiciantur Medicei menstruę quoque anomalię perpetuę, cui nomen varietatis tribui solet, perquirendę pariter sunt physicę causę huius inæqualitatis, quę eius naturę est, vt in omnibus menstruis reuolutionibus, absque vlla exceptione semper Medicei cursum alteret, atque perturbet; in superiori enim semicirculo versùs Plenimediceum stellę cursus acceleratur à prima quadratura vsque ad Plenimediceum, & inde retardatur vsque ad secundam quadraturam, à qua denuò celerior fit quousque ad Nouimediceum perueniat, & tandem rursùs retardatur, quousque primam quadraturam attingat, redditurque conspicua huiusmodi inæqualitas in locis intermedijs inter quadraturas, & synodos. Modo vt causa huius effectus, percipiatur denuò

denuò ad penduli & vectis proprietates redeundum est; sic igitur libra A B horizontaliter conuertibilis circa centrum S, & in equalibus à centro distantijs duo equalia pondera G N, & H O suspendantur, experiētia magistra in horologijs *Fig. 40.* ex rotis dentatis compositis in quibus apponi solet huiusmodi libra horizontaliter conuertibilis, videmus, quod virtus motiua prementis alicuius ponderis perpetuis oscillationibus horizontalibus hinc inde circa centrum S vertit libram A B, fiuntque huiusmodi oscillationes iisdem semper temporibus: si postea in duabus pariter equalibus distantijs S A, & S B maioribus duo pondera equalia N, & O suspendantur, efficientur conuersiones eiusdem libræ tardiores, licet virtus motiua libram circumagrans sit semper eadem, hoc, inquam, accedit, quia centrum grauitatis duorum ponderum G, & A incidit in puncto C intermedio inter G, & A, & proinde ambo suspensa censerī debent ex puncto C, remota scilicet à centro S, magis quam pondus G N suspensum fuerat, non secus duo pondera H, & B suspenduntur ex eorum centro grauitatis D, quod magis à centro S recedit, quam pondus H O, quapropter equalia pondera suspenduntur in distantijs æqualibus S C, & S D, & quælibet earum maior est vecte S G, vel S H, eadem verò virtus motiua longiori vecte tantò tardius mouet, quam breuiori vecte, quantum reciproce distantia S G minor est distantia S C. Transpositis postea ponderibus A, & B in punctis E, & F cētro vicinioribus quam G, & H, & equè remotis à centro S, resultabunt vertigines eiusmodi librę velociores, quam in precedenti casu, quia centrorum grauitatum earum I, & L distantia à centro S erunt minores, quam distantia S C, & S D; proptereaque eadem virtus motiua vectem minorem S I maiori efficacia circumaget, quam maiorem vectem S C prout distantia S C maior est distantia S I. His declaratis intelligatur rota A E P B, in cuius centro sit corpus graue aliquod G, quod reuoluatur cum annexa rota per circumferentiam circuli B G E circa centrum S, sitque motus centri G à B versùs E, ponaturque postea in circumferentia rotæ nauicula,

cula, seu vas aliquod R V plenum aqua, in qua natet pila lignea A, sitque primò vas in loco remotissimo rotæ à centro S, in eadem recta linea S G A; supponaturque rota, & vas R V prorsus omni pondere carere, quod fiet, si machina vniuersa super aquam stagnantem innatet; supponatur pariter vectis, seu libra S G A reuoluta ab eadem virtute motiua, & primò ablata pila lignea A è nauicula & reposita in G, iam dicta virtus motiua impellet graue G A vecte S G per circumferentiã B E certa, & determinata quadã velocitate; at postmodum translato graui A è loco G ad vas V R, in quo innatat suspenditurque in extremo vectis S G A, tunc quidem centrum comunis grauitatis corporum G, & A cadet in H inter G, & A interceptum, eritque tale punctum suspensionis amborum corporum G, & A, (neque enim vasis V R vlla ratio habenda est, cum nullius grauitatis suppositum fuerit) ambo igitur modò suspendentur in maiori distantia S H, quàm priùs in G suspensa fuerant; sed eadem virtus motiua maiori vecte S H, tardiùs impellit graua A, & G, quàm minori vecte S G pro mensura defectus distantie S G, à distantia S H; igitur quando in extremitate vectis reponitur graue A, translatio corporis G tardior efficitur: at quotiescumque translatio corporis G à B versus E retardatur, necesse est, vt eius sistematis, seu rotæ cui affigitur retardetur quoque motus circa centrum S; proindeque vasi R V rotæ affixo tarditas aliqua inferetur, à qua primèua eius velocitas moram aliquam patietur: at tamen in eodem instanti, in quo motus vasis retardatur, non poterit imminui velocitas contenti fluidi, & natantis corporis A, quia non affiguntur ipsi rotæ; necesse est igitur, dum motus corporis G, & vasis R V retardatur, vt corpus A solutum, & natans retineat suam, quam priùs conceperat, velocitatem, eamque exerceat, & propterea antrorsum aliquantulum excurret ab A versus R, vt proinde fiat quadam anticipatio corporis A respectu centri rotæ G. Postmodum si vas V R roteretur quoque circa G per semicirculum B A E, & intereà centrum G feratur per circumferentiã B E,

B E, tunc motus corporis G retardatur successiue incipiendo à termino B, prout magis vas à termino B recedit, & prout magis distantia S A augetur vnà cum vecte S H. Hinc fit, vt post discessum corporis A à termino B aliqua eius anticipatio fiat versùs K, & prout magis recedit à centro S, semper magis, ac magis anticipatio illa crescet, quousque maxima efficiatur, quando ad extremitatem rectæ S G A peruenerit, & hinc excurrendo vsque ad E denuò successiue decurtatur vectis S H, proindeque motus centri G vna cum rota, & vase circa S successiue accelerabitur, prout centrum grauitatis H magis centro S appropinquatur, sed quando motus corporis G cum rota, & vase acceleratur, non poterit eodem instanti noua illa velocitas conferri soluto, & natanti corpori K, in quo præcedens tarditas ei impressa adhuc viget; igitur aliquantisper retrorsum remanebit, nec poterit pari passu, & æquali cursu, vasis, & rotæ velocitatem maiorem adæquare, atque hoc de causa corpus natans K versùs R retrocedet, vt nimirum cum vas ad E peruenerit, corpus natans denuò restituatur in A, vbi ab initio constitutus fuerat.

Remoto deinceps vase ab extremo situ rotæ A, repositoque in locum propinquissimum centro S, in quo denuò mobile P supernatet, proculdubio centrum communis grauitatis corporum G, & P in locum intermedium I, inter G, & P incidet; atque in I suspensa intelligi debent duo grauia G, & P; modo cum vectis S I minor sit quàm S H, necesse est, vt eadem motiua virtus, quæ vertiginem rotæ circa centrum S efficiebat, celerius eam impellat, prout H S maior est quàm S I, ac proinde reuolutio corporis G cum affixa rota velocior, quàm antea, erit à B versùs E: proindeque vas R V maiori velocitate repelletur ab M versùs F, at huiusmodi velocitas retrorsum non subito, sed pedetentim fluendo, & natanti corpori P imprimitur; igitur corpus P ob velocitatem priùs impellam, quàm retinet, recurret contra motum vasis, scilicet versùs V, & propterea à P versùs L transferetur, & propterea respectu centri G apparebit ve-

locior eius motus retrogradus ab F versus M, & propter easdem causas superius expositas velocitas illa initium sumet à termino E, & maxima efficietur in loco P, & postmodum decresecendo omnino extinguetur in termino B.

Fig. 41. His declaratis intelligatur globus Iouis esse G, qui circa Solem S per circulum B E feratur à B versus E, impellaturque à vi radiorum solarium longitudine vectis S G: adest postea circa Iouem rota imaginaria B A E P, per quam fertur vnus Mediceorum directè in superiori semicirculo B A E, retrogradè per inferiorem E P B: ratum quoque est, Iouis satellitem in Plenimediceum A constitutum moueri circa Solem S vna cum Ioue, & quia eadem virtus solaris mouet vtrumque planetam, Iouem scilicet, & Mediceum, suntque ambo penduli in æthere fluidissimo; igitur erunt vni suspensi in puncto H vectis intermedio, quod centro comunis grauitatis correspondet, & propterea eadem vis solaris impellet ambos globos planetarios ea velocitate, quæ longitudini vectis S H competit; quapropter Iouis corpus G in hac constitutione tantò tardius mouebitur, quam antea, quantum longitudo vectis S G minor est vecte S H; sed quoties retardatur motus Iouis non poterit eodem instanti corpus Medicei A in æthere natantis retardari, propterea, quod non affigitur veluti clauus in sua rota circa Iouem, proptereaque vigente adhuc pristina eius velocitate periodica circa Iouis globum excurret antè us aliquantisper ab A ad K, eo quia huiusmodi excursus secundum ordinem signorum efficitur ab A versus D, igitur respectu Iouis G Mediceus A nouam velocitatem acquireret in supremo eius Plenimediceo, & propter rationes paulò ante expositas, hæc velocitas incipere debet à termino B quadraturæ, per duceturque ad summam velocitatem ad Plenimediceum A, & inde denuò retardabitur, quousque ad secundam quadraturam E omnino pereat eiusmodi acquisita velocitas.

Existente postea iouiali satellite in Nouimediceo P, centrum communis grauitatis eius & Iouis erit in puncto I, inter

ter G, & P intercepto, idest Soli vicinius efficietur, quàm G, & ideo eadem solaris virtus, quæ ambos planetas circumducit, tale centrum grauitatis transferet à B. versùs E vnà cum Ioue maiori tamen velocitate, quàm antea, prout vectis G S, & H S maiores vecte S I; attamen Mediceus in P pendulus in æthere fluidissimo non cogitur nouam celeritatem obsecundare, sed à tarditatis gradu proprio, & periodico, quo priùs afficiebatur, aliquantisper retrorsum remanebit versùs L, hæc autem retrocessio motum retrogradum auget ab E, versùs M, & proinde respectù Iouis verè Mediceæ velocitas aucta erit sensibili incremento per spatium P L. ab hac, inquam, necessitate stellula in Nouimediceo celerius quàm antea mouebitur, & insuper talis celeritas incipiet à secunda quadratura E, & maximum incrementum suscipiet in Nouimediceo P, & finem sortietur in prima quadratura B.

Sed obiciet fortasse quispiam, me repugnantia protulisse, cum causæ physicæ varietatis, seu synodicæ anomalix perpetuæ Mediceorum minimè coherere videantur cum rationibus adductis cap. 16. & 17. pro synodica temporaria anomalia; ibi enim ostendimus Iouis asseclam in Plenimediceo propè Apojouium ratione vectis prolixioris, non assequi præcisè motum iouialis globi, seu centri sui sistematis, & ideo repedare, & reali quadam tarditate affici, hic verò contra deduximus, in eisdem Plenimediceis eamdem stellam in suo epicyclo non repelli, sed antèriùs promoueri, celerius què ferri, quàm idem met globus iouialis progreditur, quæ quidem motiones videntur omninò contrariæ, & sibi mutuò repugnantes; vt autem huiusmodi scrupulus tollatur considerandum est, nouum non esse in astronomia simul componere motus inter se contrarios à diuersis causis pendentes; qui saluari solent comminiscendo varios circulos, qui motum planetæ regulent, & moderentur, & licet motus resultans ex varijs circuituum hypothesibus sit valde commixtus, & inuolutus, vnicus tamen, & simplex apparet, & iudicatur; & nihilominùs astronomica solertia, ac dexte-

dexteritate solent singuli motus ab alijs seiungi, & perscrutari vnà cum suis periodis, atque mensuris. Sic in nostra Luna cum plenilunium propè eius Apogeeum celebratur, tunc quidem vera, & reali tarditate Luna mouetur in superiori semicirculo sui orbis, & nihilominus verum est, vt Thyco obseruauit, quod eadem Luna in eodem supremo semicirculo vera, & reali celeritate fertur: hìc iam sunt duo effectus omninò inter se contrarij, vtpotè vera retardatio, & vera eiusdem Lunæ acceleratio, scilicet repeditio, & promotio simul & semel in Luna verificantur, ex quibus porrò sublequitur motus apparens lunaris globi in tali constitutione, non tardus, vt anomalia menstrua temporaria exigit, neque velox, vt perpetua anomalia postulat, sed ex vtrisque commixtus, & contemperatus; hoc, inquam, non impedit, quin solertia astronomica possint huiusmodi contrarij effectus distingui, atque causæ contrariæ eos producentes assignari. Sic pariter in casu nostro, licèt Iouis æsclea in superiori orbis semicirculo reali tarditate afficiatur, vt exigit synodica temporaria anomalia, pariterque eius motus promotionem, & celeritatem aliquam fortietur, iuxta leges anomalix varietatis, nihilominus apparens motus erit ex his contrarijs commixtus, si, inquam, contrarij motus apparentem planetæ progressionem constituentes sunt veri, & reales effectus inter se contrarij, mirum alicui videri non debet, quod à causis physicis contrarijs pendeant, ac proindè si prolixitas radij solatis in Plenimediceo ratione vectis tardius impellit Mediceum, quàm Iouis globum, necessariò vera tarditate afficeretur Mediceus, & quia aliunde motus ipsiusmet globi iouialis circa Solem aliquantulum retardatur, vt in postremo hoc capite ostensum est, necessariò systema, seu rota annexa epicicli stellæ Medicæ retardabitur quoque, tunc verò Mediceus in æthere fluido pensilis, & non affixus veluti clauus in tali rota, seu systemate, non poterit omnino obsecundare, & obedire moræ, ac retardationi ipsius globi iouialis, & ideo antèrius aliquantulum promouebitur. Quare licet duo effectus con-

trarij

erarij tarditatis, ac celeritatis in eodem Mediceo simul commisceantur, nihilominus verè producantur à duabus causis diuersis, quarum vna alterius existentiam non tollit, & propterea simul & semel agendo possunt denique commixtum, atque contemperatum motum Mediceum efficere, non secus, ac nostræ Lunæ motus cōmixtus ex vera celeritate, ac tarditate producitur à diuersis causis, seu hypotesibus; quapropter vitio quispiam non vertet, in Mediceis huiusmodi effectus contrarios à diuersis causis physicis produci posse.

*De causis inclinationum orbium Mediceorum supra planum
eclipticæ iouialis. Cap. XX.*

Postquam omnes causas inæqualitatum, quæ in reuolutionibus longitudinis Mediceorum intunt satis apertè (ni fallor) exposuimus, remanent modò admirabiles operationes Naturæ in eorum latitudinibus. Indicabimus itaque primo loco necessitatem qua globi Mediceorum non in eodem plano eclipticæ iouialis, sed inclinati supra ipsum circumferri debeant; & facilis intelligentiæ gratia, supponatur *Fig. 40.* Iouis globus in G, Sol in S, atque per S, & G ducantur rectæ lineæ R Z, & B D perpendiculares ad lineam solarem S G, sintque hæ omnes in vno plano constitutæ, quod perpendiculare sit ad eclipticæ iouialis planum E O F per S G ductum. Manifestum est, quod virtus radiorum solarium, quæ globum Iouis circa Solem circumducet, cum non impellit per superficiem aliquam conicam, aut aliam curuam, sed per simplicissimam planam superficiem per centrum Solis extentam. Hocque necessitate quadam accidit si consideretur, quod vis, & energia motus circularis circa axem aliquem, expellere nititur mobile rotatum à centro versùs peripheriam per omnium breuissimum interuallum eorum, qui assignari possunt, hinc fit, vt si ab initio mobile per circulum aliquem minorem circumductus fuisset ab eo magis ac magis recederet, quousque ad maximum circulum per-

perueniret; qui tandem in vno plano existit.

Hoc supposito repeto id quod multoties inculcatum est, quod nimirum Medicei præter reuolutionem circa globum Iouis, patiuntur quoque vertiginem circa solare corpus, complentque reuolutionem, seu annum iouialem simul cum Ioue; si, inquam, hoc verum est, nedum probabile, sed necessarium videtur, vt effectus communis, atque vniuersalis ab vna, & eadem causa pendeat; proindeque vt ratum perspectumque assumi potest, quod eadem illa virtus, quæ globum Iouis impellit, & circumagat in plano eclipticæ iouialis, vim quoque interat transferatque planetas Mediceos circa Solem, licet interea particulares earum reuolutiones perficiant circa Iouem. Quapropter eiusmodi vertigines circa axem R Z efficientur, cuius poli sint R, & Z sed illa eadem virtus, quæ impellit Mediceos, ac reuoluit circa axem R Z, cogat quoque, necesse est, ad efficiendas particulares eorum reuolutiones in eodem plano, scilicet circa axem B D parallelum ipsi R Z; igitur ab eadem communi virtute motiua Medicei circa polos B D circumterri debent, ac proinde reuolutiones, seu circumductiones Medicearum circa Iouem, quarum vna sit H K, parallelæ erunt plano eclipticæ iouialis E O S. Supponatur modo vna ex Mediceis stellis in H, nimirum extra planum eclipticæ iouialis S O E, supponaturque pariter (vt alibi dictum est, stellam hanc nullam aliam inclinationem naturalem habere, nec impetum alium præter illum vnicum, se nimirum mouendi directè versùs centrum Iouis G, qui, inquam, motus directus per lineam H G perpetuò ab ea exerceatur: postea quia vertigo circa axem B D stellæ H circularem motum confert, qui, inquam, nedum expellendi, & remouendi stellam H à centro facultatum habet, sed etiam nititur eam remouere à plano minoris circuli H K, quem descripturus fuerat, atque versùs maximum circuli E F impellit; quod autem ex suppositis causis huiusmodi effectus subsequi debeant, à nemine in dubium reuocatur, quod sciam, atque à multis sensatis experimentis confirmatur, si enim in pun-

æto intermedio E alicuius axis B D alligetur filum P E, cuius extremo P connectatur pila aliqua grauis; hoc, inquam, licet sit inclinatum obliquè ad axim B D, vt nimirum angulus P E B sit acutus, & digitis postea axis B D circumuertatur, describet primò pila P circulum minorem P N, sed ibi non quiescet, semperque per maiores circulos circumducta, tandem in plano circuli maximi A C consistet; similiter si globus aliquis A B C D madidus vndique sit, agatur postea vertigine circa polos B D, videbimus aquæ guttulas ex P excurrere spiraliter, quousque ad circulum maximum A C pertingant, ibique persistent, non secus Medicea stella H circa axim B D rotata successiuè magis, ac magis ad punctum E maximi circuli reuolutionis appropinquabitur; cumque translatio ab H ad E facta sit ab impetu, & veloci-

Fig. 44.

tate circularis motus, quo fertur stella H per circulum H K, posito quòd transitus dictus ab H ad E fiat eodem tēpore, quo quarta pars reuolutionis stellæ H in suo orbe perficitur, manifestum est, quod eo tempore, quo stella quadrantem sui circuli H P pertransit ob transuersalem motum genitum ab impulsu vertiginis, non quidem in P, nec in E, sed potius in O translata erit, in eodem nimirum plano eclipticæ iouialis, exister tamen in extremitate rectæ G O, quæ quidem perpendiculariter eleuata est ad rectam H G, nec non perpendicularis erit ad planum per rectas H G, B D, & E S ductum, proindeque ex tali transuersali motu ab H ad E in quadrante periodi stellæ perueniet illa ad Nodum, seu sectionem O, arcus nimirum H O ab ea descripti, & plani iouialis eclipticæ E O F.

Præterea aduertendum est id quòd multoties insinuauimus, impossibile nimirum esse, vt inferatur motus alicui naturali corpori, quin simul impetus, & velocitas ei non imprimatur, hæc autem eius naturæ est, vt in eodem moto corpore impressa remaneat, à qua post nodum vltèriùs promoueri illud potest; & quia ex hypothesi stella H nullam aliam naturalem inclinationem habet nisi appropinquandi centro iouis G; igitur ex sui natura indifferens erit ad mo-

Q

tum

tum transuersalem ab H versùs E, carebitque nimirum
 qualibet inclinatione, vel repugnantia: huic indifferentiæ
 noua motiua virtus superuenit, quæ eam impellit ab H ver-
 sùs E, pendens nimirum à circulari vertigine circa axim
 B D; cumque huiusmodi transuersalis impulsio in omni-
 bus instantibus sequentis temporis vigeat, & operetur, &
 aliunde quolibet temporis instanti, quo vigeat motus tran-
 suersalis, imprimitur stellæ H gradus aliquis nouæ velocita-
 tis, & impetus, qui ex sui natura perseverans est; igitur
 quando stella transuersali motu ab H ad E peruenit, tot
 Fig. 42. gradus impetus acquisisse reperietur, quot præcesserunt
 impulsiones omnibus instantibus temporis, quo præcedens
 motus perdurauit; at stella in E retinens supradictum impe-
 tum impressum sese mouendi versùs M, videtur impossi-
 bile, vt iners, & otiosa ibi remaneat, ac proinde impelletur
 vltèriùs versùs M, vt pendulo contingit: at quia transgrès-
 so termino E vertigo circularis circa axim B D incipit con-
 trario nisu retardare, atque impedire excursus stellæ ab E
 in M, eo quòd huiusmodi vertigo vim habet repellendi
 stellam retrorsum versùs maximum circulum E O F; ade-
 runt igitur iam duæ contrariæ virtutes, prima quidem in-
 gnis impressa à motu præcedenti H E, secunda verò ei con-
 traria, quæ repellit stellam versùs maximum circulum E O
 F; ab hac, inquam, continuata repulsione, & contraniten-
 tia, successiuè primus ille maximus impetus præconceptus,
 mouendi se ab E versùs M, magis, ac magis debilitatur, vn-
 de fit, vt eodem ordine, & tempore velocitas illa ab E ver-
 sùs M debilitetur, quo antea in transitu ab H ad E incre-
 mentum sumpserat: sed æquali fermè tempore stella in suo
 orbe transigit secundum quadrantem sui epicycli; igitur in
 fine dicti temporis stella in L perueniet remota ab F spatio
 æquali E M, vel potius H E, proindeque stella perueniet ad
 terminum extremum L, diametri H G L, sui orbis; prop-
 tereaque motus inde resultans factus erit in semicirculo
 maximo H N L, cuius diameter est H G L. Constituta post-
 modum stella in L, propter easdem rationes superius ex-
 posi-

positas, denuò circularis vèrtigo eam impellet versùs maximum circulum $E O F$, & dum talis motus celebratur in quolibet instanti temporis noui, & noui gradus velocitatis stellæ imprimuntur, (sic enim exigit motus natura) qui, inquam, gradus impressi indelebiles, postquàm stella ad F peruenit, motum eius continuare possunt versùs K ; cumque talis impetus successiue minuatur, & debilitetur à vi circularis motus, repellentis stellam versùs maximum circulum $F O E$, minuetur quidem decrementis, equalibus antea actis augmentis, quousque stella in K perducta equè remota ab F , quàm L , seu spatio equali $H E$, atque in tali tempore, & transitu percurrat stella subsequenter semicirculum, reductaque tandem erit in H , completa nimirum periodo circuli maximi $H O L H$, cuius diameter est $H G L$; cumque aliunde huiusmodi causæ perpetuò perseuerent, necesse est, vt inclinatio plani epicycli $H O L$ supra iouialis cælipticæ planum $E O F$ semper permaneat, scilicet angulus $H G E$ maximæ inclinationis huius orbis sit perpetuò eiusdem mensuræ; nulla enim ratio adest, qua talis inclinatio varietur, proindeque remanebit eiusdem mensuræ, & insuper Nodus O , pariterque limes borealis H stabilis permanebit sub eisdem stellis fixis.

Supposuimus facilitatis gratia periodum circula rem stellæ in suo epicyclo eodem tempore præcisè completam fuisse. *Fig. 42:* se, quo periodus transversalis ab H ad M , & inde ad H perficeretur; modò supponatur, periodum transversalem compleri minori tempore, quàm perficiatur circularis periodus, & tunc sanè summa euidèntia, & facilitate satis fit motui retrogrado Nodorum, & Limitum. Quoniam tempore quo stella spatium $H E$ percurrit vsque ad maximum circulum, nondum præcisè primum quadrantem sui orbis perfecisse, supponitur, sed deficit adhuc particula aliqua veluti $O N$; igitur, antequàm quadrantem absoluat, stella circulum maximum $E N F$ attinget, proindeque, postquàm stella integrum quadrantem $H O$ transiit, necessariò prætergressa erit terminum E , promotaque aliquantulum versùs M ,

scilicet vltra sectionem N sui orbis H N L cum maximo circulo E N F; quare in fine dicti temporis post transitum quadrantis H O, Nodus vel interseccio N dictorum planorum retrorsum relinquetur spatio nimirum O N; ideoque existimabimus, Nodum N verè retrorsum excurrisse ab O ad N, scilicet ab Ortum ad Occasum. Idem prorsus in subsequentibus quadrantibus continget; quapropter in fine periodi stella non amplius in maxima digressionem H existet, sed particulam secundi periodi transversalis pertransibit, eritque constituta intermedio loco inter H, & E, scilicet multò prius Limitem borealissimum H reliquisse, apparebit, transisseque in V, & propterea Limes retrocessisse videbitur spatio V H, sed æquè Nodi retrocedunt, ac Limites, igitur æquali spatio Nodi retrocessisse videntur; insuper quia transversalis periodus H E M H perseveranter efficitur iisdem temporibus, minoribus tamen iis, quibus circulares periodi perficiuntur; igitur necesse est, ut inclinatio orbis H O supra planum E O S eclipticæ iouialis inuariabilis perduret, scilicet angulus H G E semper idem erit, nec umquam crescet, vel minuetur, & hinc habemus modum facillimum evidentissimumque saluandi, nedum inclinationem constantem plani orbis Medicei supra iouialem eclipticam, sed etiam motus retrogrados suorum Nodorum, & Limitum. Hæc omnia, inquam, deducta sunt ex duobus principiis facillimis, & evidentissimis, qui non videntur in dubium reuocari posse, à virtute nimirum qua stella ad Iovem nititur accedere, & natura motus circularis expellendi planetam versùs circulum maximum suæ reuolutionis.

Postremo loco animaduertendum est quod si in principio creationis mundi Medicea stella H constituta fuisset in puncto E eiusdem plani eclipticæ iouialis nullo pacto posuisset in posterum ab eodem plano iouialis eclipticæ discedere, sed ibidem perpetuò absque vlla latitudine circumducta fuisset. E contra si suprema, ac diuina sapientia architectonica decreuisset, situm eclipticæ iouialis inclinatum

præ-

prædictæ stellæ tribuere, ut nimirum modò ad Austrum in L, modò ad Boream in H digrederetur, nulla alia machina adhibita potuisset quidem facillimè hoc efficere, si tantummodò ab initio posuisset Mediceum in H in aliqua, inquam, distantia à plano iouialis eclipticæ E N S, ac demùm ut Nodi orbis dicti Medicei motu retrogrado conuerterentur, ita ut progressu temporis latitudines variam situm acquirerent respectu spatij mundani, seu cæli stellati, poterat inquam hoc effici, si Mediceum posuisset in debito situ, & distantia à Ioue, atque ab eius ecliptica, in qua periodus approximationis, atque remotiois per H E M, & vicissim ab M ad H breuiori tempore abtolueretur, quàm reuolutio eiusdem Medicei in suo orbe circa Iouem completur. Et hac ratione facillime, & absque ambagibus huiusmodi motus atque varietates Mediceorum effici potuissent.

Motus hic Nodorum retrogradus Mediceorum quolibet tempore, & situ respectu Iouis, & Solis verificatur, & hac de causa vocatur motus latitudinis periodicus, cuius præcisa mensura obseruabilis quidem esset ex centro Iouis, at conspecta ex Sole, vel ex nostra Terra subiicitur omnibus illis varietatibus, & prostaphæresibus opticis, quæ alibi expositæ sunt, nec debent hic denuò repeti.

De Varietatibus synodicis Latitudinum

Mediceorum. Cap. XXI.

PRæter periodicam reuolutionem Latitudinis iam expositam, patiuntur Medicei nouam varietatem in cursu Latitudinis eorum, quæ de nouo aduenit, atque euanescit in qualibet synodo, seu cursu menstruo à Plenimediceo scilicet primo ad subsequentem, subiiciturque eiusmodi legibus: in Nouimediceis ac Plenimediceis nullam varietatem patiuntur Latitudinis, sed eadem inalteratæ remanent, quæ ex cursu periodico Latitudinis pendent; discedente verò Mediceo à linea solari, nempe à Nouimediceis, & Plenimediceis, statim ei superadditur noua Latitudinis

varietas synodica, quæ conspicua, & maxima redditur in quadraturis à Sole, nec tamen hæc régula vniuersalis est, quandoquidem in aliquibus synodicis periodis nil prorsus latitudines alterantur, atque hoc euenit, quando Nodi in quadraturas incidunt, & Limites in Nouimediceis, ac Plenimediceis collocantur; si verò Nodi in ipsa linea solari incidunt, tunc Latitudines in tota periodo synodica valdè augentur.

- Et quoad primam constitutionem intelligatur Iuppiter in G, & orbis alicuius Medicei D E B F, cuius Limites E, & F in linea solari constituentur, scilicet in Plenimediceis, & Nouimediceis A, & C, tunc quidem Nodi B, & D existente in quadraturis. Ostendendum est, maximam borealem latitudinem A E, vel Australem C F nil prorsus excrecere supra eam, quæ periodico cursui competit, nec pariter alterari Latitudines in tota menstrua reuolutione. Et primo recolenda sunt ea, quæ attulimus circa variationem perpetuam longitudinis, quod nimirum dum Mediceus per semicirculum supremum D E B eius epicycli fertur, motus globi Iouis verè retardetur, proindeque Mediceus novum realis velocitatis incrementum acquirit, quod maximum erit in Plenimediceo E, & extinguitur in quadratura B. His positis, dico, Medicei Latitudinem in semicirculo superiori D E B minimam esse, scilicet angulum A G E non excedere inclinationem propriam, & naturalem plani orbis Medicei supra planum eclipticæ iouialis; quoniam in tali situ motus Medicei ex duobus elementis componitur, ab impulsu scilicet transuersali, quem vertigo circa Solem, & Iouem efficit, quatenus nititur propellere stellam Mediceam, versùs planum maximi circuli D A B C in ecliptica iouiali existentis, & insuper ex motu eiusdem stellæ, per innumerabiles circulos eclipticæ iouialis parallelos; igitur quò celerius stella rotatur circa Iouem, & Solem, eò vehementius versùs eclipticam iouialem transuersali motu impelletur: at quanto vehementius impellitur, eo magis plano eclipticæ iouialis approximatur;
- igi-

igitur quia in semicirculo supremo D E B quo magis stella ad Plenimediceum E accedit, eò celerius rotatur circa Iouem, vt dictum est, proculdubio ibidem maiori vi Medicee stella impelletur versùs iouialis eclipticę planum D A B, proindeque Latitudo maxima A E valdè imminuta erit in tali situ. Eadem lege in reliquis locis collateralibus semicirculi D E B, Latitudo proportionaliter decrescet; quapropter integer semicirculus D E B, magis, quàm quolibet aliò tempore, plano eclipticę D A B proximus efficietur, idemque de inferiori semicirculo B F D planè affirmandum est.

In secunda verò constitutione, cum scilicet Nodi in linea solari C A existunt, atque Limites H, & I in quadraturis B, & D transferuntur, ostendendum est, maximas Latitudines B I, & D H, & inclinationem orbis supra iouialem eclipticam insigni incremento auctam esse magis quàm in præcedenti constitutione; quoniam in integro semicirculo A I C, & præcipuè in quadratura I, reuolutio Medicee circa Iouem retardatur, prout exigit anomalia varietatis, seu synodica perpetua, sed quò tardius stella rotatur circa Iouis globum, eo languidiùs impellitur stella transversali motu versùs maximum circulum A B C in plano iouialis eclipticę constitutum; verùm quò magis lentè, ac torpidè planeta impellitur versùs iouialem eclipticam, tantò minùs ad eam appropinquatur, proindeque maiori distantia ab eodem remouebitur; quapropter huiusmodi remotio, seu maxima Latitudo B I, maior efficietur maxima Latitudine A E, quam habuit stella in Plenimediceo primæ constitutionis, ideoque inclinatio orbis supra planum iouialis eclipticę, scilicet angulus I G B superabit angulum A G E eiusdem primæ constitutionis, non secùs in tota periodo Latitudo Medicee manifestum incrementum suscipiet; & quoniam in tota periodo Latitudinis primæ constitutionis valdè imminutę sunt digressiones seu Latitudines, fit vt præiudicio quodam tribuatur huiusmodi Latitudo imminuta periodicę planetę reuolutioni, & proinde censentus, in illa constitutione, quando Nodi in quadraturis existunt, tunc

tunc Latitudines prorsus inalteratas permanere. Ab eodem præiudicio subsequitur, ut in secunda constitutione, cum Nodi in Nouimediceis, ac Plenimediceis collocantur, noua, & super abundans dilatatio inclinationi B G I, supra inclinationem prioris constitutionis A G E censeatur noua variatio latitudinis synodica. Præterea notandum est in secunda constitutione latitudinem maximam, atque orbis inclinationem supra eclipticæ iouialis planum, verè, & realiter augeri, & dilatari adeò ut B G I maior sit angulo C G F; quapropter planum orbis stellæ Mediceæ libratione quadam magis, ac miuus inclinabitur, atque flectetur supra planum iouialis eclipticæ.

Postremò sumatur tertia constitutio intermedia inter duas expositas, in qua nimirum Nodi K, & L inter solarem lineam A C, & quadraturas B D incidant, tunc profectò patet, inclinationem M G O, & latitudines ampliores fore, & magis alteratas, quàm in prima constitutione, minùs verò, quàm in secunda, prout magis vel minùs ab extremis superius enarratis receditur.

Hæ profectò sunt causæ, nedum inæqualitatum motus Mediceorum, quoad longitudinem, sed etiam illæ, quæ ad Latitudinem pertinent, tam periodicæ, quàm temporariæ, seu synodicæ, quæ omnes desumptæ sunt ex principiis facillimis, & obuijs, nedum possibilibus, quæ ab insignioribus astronomis, & philosphis admittuntur; quapropter concludere licet, non omnino improbabile esse, ut Natura ijsdem causis, ac medijs superenarratos effectus producat; non ausim tamen affirmare, hoc ita se habere; sciò enim in exhaustum esse Naturæ thesaurum, eamque non carere artificijs arcanis reconditisque, quibus huiusmodi effectus absolui possunt, sed si eius institutum inspexerimus, dum semper medijs facillimis simplicissimis, & obuijs operatur, temerarium fortasse non erit suspicari, à causis superius enarratis produci potuisse anomalias Mediceorum, atque hæc retineri præter rationem non erit, quousque à sublimiori aliquo ingenio, & feliciori veritas propaleatur, vel nugæ, & fallaciæ meæ detegantur. DE

MEDICEORVM ORGANICA, ET PRACTICA ASTRONOMIA LIBER SECVNDVS.

*Motus medios periodicos planetarum Mediceorum prius investi-
gari debere. Cap. I.*



Quoniam varietates Mediceorum in præcedenti libro considerauimus iuxta analogiam, quam habent cum reliquis vulgaris planetis, atque ut exigunt causæ, & necessitates physicæ, debent modò ad praxim reduci, & reperi in cælo ipso, ut constet Naturæ cum theoricis consensus; hoc autem exigit, ut prius declarantur modi atque industriæ, quibus inæqualitates Mediceorum in cælo reperi valeant.

Et primò quia finis astronomi est cognoscere motus, & reuolutiones cælestium corporum eorumque constitutiones, & situs præteritos, atque futuros prænosce, cumque hæc omnia minimè haberi possint absque inuestigatione motuum mediorum, hinc est, quod maiores nostri initium astronomicæ inquisitionis sumpserunt ab iisdem motibus medijs; igitur hi pariter in Mediceis à nobis primo loco inquirendi sunt.

Habent planetæ Medicei, ut dictum est, quatuor proprias periodos, primam restitutionis sub eisdem stellis fixis Zodiaci, secundam anomaliam in suo orbe elliptico, tertiam latitudinis, & quartam synodicam respectiue ad Solem, quæ menstrua Medicea nuncupari potest, ad instar menstruæ lunaris.

Inter omnes periodos menstrua euidentior est, & magis

R

no-

nostris sensibus exposita, & idē primo loco quæsitā fuit à Galileo primo inuentore earundem stellarum, & sicuti antiqui astronomi Chaldei ab initio mensuram cursum Lunæ satis ruditer, & imperfectè reperierunt, & postmodum successu temporis magis, ac magis eos excoluerunt, sic pariter periodi mensuræ Mediceorum adhuc ad perfectionem optatam redactæ non sunt, neque hoc mirum alicui videri debet, si meminerit, periodos lunares post tot sæcula adhuc ad necessariam præcisionē non peruenisse, licet in ea insudarint quam plurimī magni viri, atque cursus lunares facilius decernantur, & conspicui sint, quàm inæqualitates Mediceorū. Huiusmodi itaque mentes Mediceorum non sunt æquales inter se, sed sicuti ætas, vel mensis lunaris aliquando diebus fere 30. completur, aliquando diebus 29. cum quadrante, non secūs Medicei aliquando citius, aliquando serius suam mensuram periodum absoluunt; hinc patet necessitas decernendi mediocrem cursum inter excedentes, & deficientes menses, vel quia, vt antiqui censebant, naturales, & proprii motus planetarum æquabiles, & medij sunt, vel tales finguntur, & supponuntur, vt adhibitis prostaphereis physicis, aut opticeis veros motus, id est eos, qui in cælo ipso apparent, elicere possimus; eadem de causa in periodo restitutionis, & anomaliam medij motus inter excedentes, & diminutos reperiri debent.

Enarrantur difficultates, & ambages, quibus periodi mensuræ Mediceorum implicantur. Cap. I L.

QUoniam, vt dictum est, planetæ Medicei nedum circa Iouem, sed etiam circa Solem feruntur ab ipso met Ioue rapti, utpote à centro eorumdem orbium, ideo necesse est, vt periodus Mediceorum constet ex vna integra reuolutione Medicei in suo orbe, & ex illo arcu, quem interim per ambulat linea solaris, quæ per centrum Iouis extenditur, & efficit Aphelium synodicum; modo si prædicti Iuo-
mo-

motus Medicei in suo orbe, & illius, qui à Ioue interim
 percurritur, semper essent vniformes, scilicet fierent eadem
 æquabili velocitate, essent profectò omnes menses Medi-
 cei æquales inter se; & omnes equalibus temporibus absol-
 uerentur; at quia tum periodus stellæ Mediceæ in suo orbe,
 cum translatio Iouis in suo eccentrico fiunt velocitatibus
 inæqualibus, (modò enim tardè, modò celeriter excur-
 runt) hinc fit, vt duabus de causis Medicei menses inæqua-
 les reddantur, & diffòrmes; nam quando centrum Iouis G
 lento cursu mouetur in Aphelio sui eccentrici per arcum
 G g, certè eo tempore, quo stella Medicea percurrit inte-
 grum suum orbem A B P A, parùm promouebitur Aphe-*Fig. 48.*
 lium, scilicet ab A ad D, ob tarditatem motus Iouis, &
 ideò citò stella Medicea Aphelium D assequetur, & hæc est
 prima causa, quare mensis Mediceus breuis efficitur. Econ-
 tra quando Iuppiter est perihelius, idest reperitur in infi na
 abside sui eccentrici F, tunc velocissimè mouetur per ar-
 cum F f, qui maior est, quàm G g, & ideò eodem tempore,
 quo Medicea integrum orbem H I H complet, multò remo-
 tius transferetur Aphelium, excurretque totum arcum ab
 H ad K; igitur tardiùs, & maiori tempore Mediceus eum
 assequetur, & ideò in hac constitutione mensis Mediceus
 prolixior erit. Si postea consideretur motus Medicei in suo
 eccentrico, is sanè tardiùs mouetur circa Apojouium A, quàm
 ad partes Perijouij P; igitur si Plenimediceū fieri debet pro-
 pè Apojouium in A, postquàm Mediceus pertransit integrū
 orbem A B P A, non assequetur Aphelium, seu punctū Ple-
 nimedicei, quod interim traslatum est vsque ad D, nisi post-
 quàm ipse motu tardo, quo in suo Apojouio mouetur, ibidè
 feratur, & ideò mensis Mediceus in tali casu prolixus erit. Ex
 opposito si mensis initium sumat in Perijouio P postquàm
 Mediceus integrum suum orbem P C A P pertransit, asse-
 quetur locum Plenimedicei interim vsque ad E translatus
 ciliuinè, scilicet cum ea velocitate, qua Mediceus in tali situ
 sui orbis mouetur, quare talis mēis Mediceus breuis efficie-
 tur. Modo si hæc duę causę simul coniungantur, idest, si Iuppi-

ter in Perihelio F, & Mediceus in Apojouio I sui orbis fuerint, resultabit mensis Mediceus maxime omnium prolixus, & exaduersò constituto Ioue in Aphelio G, & Mediceo in Perijouio P, tunc mensis Mediceus omnium brevissimus efficietur. Adest postmodum tertia causa, quæ variat periodum menstruum eorundem Mediceorum, quæ profectò pendet ex prosthaphæresiorbis annui, quia scilicet ex motu annuo Solis varias configurationes Tellus nostra

Fig. 49. sortitur respectuè ad Solem, & Iouem, ac proinde respectu Telluris diuersimodè dispositæ efficitur alius mensis Mediceus apparens ad differentiam veri mensis ad Solem relati; modò intelligatur Terra in F, ubi efficitur configuratio secundæ quadraturæ Iouis ad Solem, postmodum (ad vitandam figuræ confusionem) intelligatur locus Terræ esse X, ut nimirum representetur constitutio primæ quadraturæ Iouis, & Solis, confurget in secundâ quadratura Plenimediceum apparens in M, in quo radius visualis è Terra ductus per Iouem pertingit, pariterque Plenimediceum apparens in prima quadratura erit in N, igitur ab illa ad hanc constitutionem Plenimediceum apparens percurreret arcum

Fig. 50. M A N graduum 22, & propterea quotidie antèrius promouetur; quare postquam Mediceus integrum orbem M B P M percurrit, non adhuc menslem apparentem perficiet, quia interim apparens Plenimediceum transfertur ab

Fig. 49. M ad Q, & ideò expectandum est, quousque pertranseat arcum M Q, ut assequatur Plenimediceum antèrius transpositum in Q, quapropter ex hac tertia causa tempus menstruum prolixius erit; & econtra à prima Iouis, & Solis quadratura, cum Terra concipitur esse, X ad secundam

Fig. 50. quadraturam, quando caractere T Terram designamus, orbis prosthaphæresis motu retrogrado transfert Plenimediceum apparens ab N, ad M, & ideò tunc temporis Mediceus antequàm integrum orbem perficiat, assequetur apparens Plenimediceum Y, quod interim retrocessit ab N ad Y, qua de causa menstruum tempus breuius efficietur; cumque hæc tertia causa periodum menstruum alterans, facile

legte-

segregari possit, quia nouimus ex theórica Iouis quanta sit eius prosthaphæresis, remanet tantummodò inquirenda periodus menstrua vera in respectu ad Solem, & ab hac rursus faciliè segregari potest inæqualitas, quæ à maiori vel à minori velocitate Iouis pender; itaque, si cognita esset periodus anomalix Mediceorum, facili negotio reperiretur cursus synodicus medius, seu mensis Mediceus medius inter maiores, & minores; sed licet cognitio periodi anomalix non præsupponatur, poterit nihilominus præterpropter assequi periodus menstrua media eorundem, si scilicet obseruentur plures periodi menstruæ ijs temporibus, quando Iuppiter stationarius est, quando scilicet mensis Mediceus non alteratur à motu Iouis, vel à prosthaphæresi orbis, in reliquis verò temporibus non est difficile duas illas inæqualitates motus Iouis, & prosthaphæresis orbis distinguere, & segregare ab ipsis mensibus Mediceis, vnde ex observationibus colligerentur Medicei menses prolixi, & breues, inter quos mediocres secerni possent, & cum ijs tabulæ Mediceorum motuum synodicorum effici possent; sed quia difficillimè (vt postea dicemus) huiusmodi observationes præcisè, & absque errore haberi possunt, propterea alia ratione negotium peragendum est.

De Eclipsium Mediceorum varietate.

Capitulum I. I.

SI collocati essemus in globo Iouis, vt intra orbem Lunę positi sumus, quoties Medicei in eorum vmbre iouialis incidunt, eclipses earum conspiceremus, econtrà quotiescumque interponerentur inter oculos obseruatorum, & Solem, eundem, vel eius partem obtenebrarent non secus, ac facit nostra Luna, sed cum hoc discrimine, quod obcuratio solis esset ferè momentanea, cum Medicei sint exiles cōparati ad vastitatem globi iouialis, quæ exilitas si minima esset quod non videretur credibile, apex coni vmbrosi cuiuslibet Mediceorum Iouis su perficiem non attingeret, sed tantum

tum eius penumbra, quæ maculam in facie Iouis amplior-
rem ipso disco Medicei efficere posset, transcurrerent ta-
men prædictæ umbellæ discum integrum Iouis: insuper
moræ, seu tempora transituum Mediceorum in cono um-
bræ, vel umbellæ in disco Iouis modò prolixiora, modò
breuiora essent, quatenus transitus ob variam Latitudinem
Mediceorum fieret vel per centrum, aut per axim con-
i umbrosi, vel lateraliter excurrerent; variareturque postea mora
pro varia velocitate Mediceorum, in his eclipsibus hæc, in-
quam, conspici possent ex globo Iouis; at ex nostra Terra,
quæ non intra, sed extra orbem Mediceorum in magna di-
stantia ponitur præter duo genera eclipsium iam exposita-
rum ad sunt duæ aliæ diuersæ occultationes, vna quando in
suprema, & postica Iouis facie constituti ab opacitate corpo-
ris iouialis occultantur visui nostro; altera verò fit non ab
opacitate, sed a splendidis radijs iouialibus, quando nimi-
rum Medicei interponuntur inter Iouem, & oculo nostro,
& tunc a fulgentissimis radijs iouialibus pariter inuisibiles
redduntur; vocabimus autem distinctionis gratia hanc occul-
tationem anteriore siue anticam, illam verò posticam. Singu-
lare hoc habent Medicei, quod in qualibet menstrua reuo-
lutione quatuor hisce eclipsibus subiiciuntur, ab hac tamen
lege eximitur quartus Mediceus remotissimus, qui aliquan-
do ob suam maximam Latitudinem nullo pacto eclipsatur.
Vtile tamen erit exactè declarare proprietates dictarum
eclipseum cum omnibus varietatibus earum, & quibus
modis obseruari queant, & quænam commoda ex eis ob-
tineri possint, pro inquisitione mediarum periodorum
earumdem stellarum.

Et vt clariùs me explicem, sit globus Iouis G, Sol verò in
Fig. 51. S, cuius radijs S A, S B, ob maximam Iouis à Sole distan-
tiam reputari possunt paralleli inter se; & quia corpus Io-
uis opacus est, necessariò in parte eius postica creabitur co-
nus umbrosus A C D B: postea quia orbem Mediceorum pa-
rùm ab ecliptica iouiali S G declinant, estque globus Iouis
insignis vastitatis in respectu ad Mediceos, qui illi maximè
pro-

propinqui sunt, ideo necesse est, vt in omnibus Plenimediceis stellæ prædictæ incidant in conum vmbre iouialis, excepta quarta aliquando, vt dictum est, quæ ob insignem Latitudinem efficit Plenimediceum non eclipticum; dico iam, quod respectuè ad Terram nostram tales eclipses, non semper apparent, neque vniformes, neque vniuersales sunt; quia quando Terra T ponitur in eadem directione lineæ solaris S G, quod accidit in coniunctionibus, & oppositionibus Iouis, & Solis, tunc radius visualis T G in eadem directione constituitur cum radio solari S G, & sicuti Sol conum vmbre iouialis A C D B non videt; ita quoque oculis nostris occultatur; quapropter tunc temporis videri non poterant Medicei eclipsati in vmbtam iouialem: at quoties linea solaris S G ponitur ad dextram, vel leuam nostræ Telluris G T tunc profectò conspicuum erit latus B D coni vmbrosi, & ideo visibiles erunt, vel ingressus, vel exitus tantummodo Mediceorum à dicto cono vmbroso. Insuper quando angulus T G S prosthaphæresis orbis non est valdè acutus tunc tertius, & quartus Mediceus efficient ingressum in vmbtam pariterque exitum visibiles in locis I K, & C D, sed primus, & secundus Mediceus solummodò ingressum *Fig. 52.* in vmbtam, vel tantummodò exitum habebunt in locis F, & H; ratio huius discriminis est, quia portiones E 1. & P 2. nobis occultantur in postica parte Iouis, nec conspici possunt a terricolis. Insignem hanc proprietatem habent huiusmodi eclipses, quod incidentiæ, vel emerfiones Mediceorum ab vmbra Iouis sunt ferè momentaneæ, quandoquidem paruitas earumdē stellarum, & velocitas motuum earum facit, vt ferè in momento dispareant; essent igitur hoc nomine prædictæ eclipses vtilissimæ, & aptissimæ pro inquisitione motuum periodicorum earumdem stellarum; quia vt dictum est primi, & secundi Medicei videri non possunt ingressus in vmbtam, & immediatè post exitus, ideo determinari non potest tempus, in quo axem coni vmbrosi pertingunt. Præterea non est facile nosse velocitates quibus Medicei conum vmbrosum percurrunt, quia fere semper

per Latitudinem aliquam habent, & ideo non per axem conum umbrosum intersecant, unde spatia transacta in ipsis eclipsibus erunt inæqualia, prout transitus magis, vel minus recedunt ab axe conu umbrosi, præterquam quod certè sciri non potest quantitas arcus $D C$ comprehensi in cono umbroso, nisi præcedat exacta cognitio distantie $C A$ dicti arcus à centro Iouis; hoc autem supponit certam cognitionem semidiametri orbis Medicei, & mensuram eccentricitatis eius, quarum secunda prorsus ignoratur, prima verò incerta est; quare transitus per arcum $C D$ tempore eclipsis non ducet nos in certam cognitionem cursus periodici, nisi adhibeantur circumstantiæ inferius exponen-

Fig. 53. dæ.

Pro intelligentia eclipsium secundi generis intelligantur Medicei interpositi inter Solem S , & Iouem G , certè radij solares $S G$ incidentes in Mediceos D, K, H, F efficient umbellas veras, vel saltem penumbras in eadem directione dispositas radiorum solarium, & ideo conu umbrosi Mediceorum $D M, K N, H O$, &c. erunt paralleli inter se, & radij solaribus, quapropter in transitu Medicei à C ad D creatur umbra, vel penumbra in lucida facie Iouis, quæ mouebitur à B ad Q, P, O, N , &c. percurrento vel arcum circuli maximi $B O A$, vel minoris circuli, quando Latitudinem aliquam habet; his positis, si oculi nostri cum terra T ponuntur in eadem linea solari $S G$, tunc umbra Medicei conspicua non erit, quia radij visuales, & luminosi, & consequenter directio umbræ cuiuslibet Mediceorum collocantur in eadem directione, & propterea umbella in facie Iouis occultabitur ab eadem stella Medicea, quæ umbram efficit. Intelligatur postea Terra remota à linea solari $S G$, vel quia Latitudo ipsiusmet Iouis (vt in hoc altera figura conspici-
tur) est in causa vt radij visuales, & radij solares angulum efficiant in centro Iouis, & tunc umbræ Mediceorum visibiles erunt in facie Iouiali, quia Terra T , & Sol S in eodem plano eclipticæ existunt, at Iuppiter G ob eius Latitudinem subleuatur ab eodem plano eclipticæ solaris, &
ideo

ideò radius visualis TG , & solaris SG efficient angulum *Fig. 54.*
 TGS , & siquidem Mediceus in M ponatur, procreatur
 eius umbra in C , & radius visualis TM productus in D , se-
 cabit radium solarem SM , & cum eo angulum efficiet, &
 propterea videbimus stellam M eleuatam supra eius um-
 bram C , & quando ob acutiem anguli DMC duo circelli
 D , & C se se mutuò secant, si tamen valdè exigui non sunt,
 conspiceretur umbra C non circularis, sed falcata.

Aliter continget in reliquis temporibus exceptis Iouis
 acronichijs; si enim intelligatur linea solaris SG ad de-
 xtram, vel sinistram Telluris T , scilicet quando efficitur ali-
 quis angulus TGS prostaphæresis orbis, tunc radij lumi *Fig. 55.*
 nosi Iouem tangentes sint SB , & SA , at radij visuales tan-
 gentes eundem globum sint TV , & TM , & arcus BV , &
 AM æquales erunt arcui subtento ab angulo TGS , sup-
 ponamus modò, Mediceum in R , apparebit ille ex Terra in
 V , & ideò stringet discum Iouis, nec deinde videri poterit
 in splendida facie Iouis, & sic perseverabit dum percurrit
 arcum RE , & cum primum ad E peruenerit, repentè crea-
 bitur, seu potius conspicietur eius umbra in B in interiore
 parte disci iouialis, remota à confinio V , postea talis um-
 bella percurrat loca Q, P, O, N, M , & hic quidem disparebit
 in confinio disci iouialis, licet reuera perseveret transitus
 eiusdem umbræ per arcum MA , qui ex Terra T non est vi-
 sibilis. Hinc colligitur, quod licet Mediceus percurrat ar-
 cum E i sui orbis vniformi velocitate, nihilominus eius
 umbra conspicietur ex Terra T percurrentes arcum $BPOM$
 velocitate tamen difformi; nam in primo arcu BQ , qui obli-
 quus est ad Solem S , sed directus, seu minùs obliquus ad
 Terram T , apparebit eius motus velocissimus, sed tardior
 in sequenti arcu OP , & multò tardior in altero arcu PO ,
 & tandem in postremis circumferentijs ON , & NM cursus
 erunt omnium tardissimi, & stationarij; igitur si quis ex cur-
 su umbræ in disco iouiali deducere vellet velocitatem mo-
 tus Medicei in suo orbe valdè deciperetur.

Huiusmodi eclipses Romæ primò ab Excellentissimo

S

Cas.

Cassinio obseruatas, & postmodum Florentiæ optimis, atque ingentibus telescopijs in dubium ab aliquibus reuocatas fuisse, audio, qui censent nigricantes maculas cum ipso Ioue reuolutas obseruatoribus imposuisse, quod quidem mirum esset, nam licet ego ob vitæ debilitatem videre eas non potuerim, alij docti viri, & acutissimo visu præditi in aula Serenissimi Magni Ducis eas conspexerunt iisdem temporibus, & locis, quos calculus mihi designauerat, quod non semel, sed multoties experientia comprobatum est; imo iidem obseruarunt maculas in disco Iouis existentes differre situ, & figura ab umbris à Mediceis procreatis, quæ quidem valde exiles erant; at licet amplitudo talis maculæ umbræ excederet diametrum Medicei umbram procreantis inter Iouem, & Solem intercepti, non inde deduci potest, maculam rotundam obseruatam umbram Medicei non fuisse; nam posito quod vertex coni umbræ non perueniret, neque attingeret superficiem Iouis, posset nihilominus in disco iouiali gigni umbra quidem diluta, & rotunda, cuius diameter superaret diametrum Medicei, umbram generantis. Hoc quidem apud opticos certum est, comprobaturque experientia: si paruus globulus M filo tenui suspensus exponatur radijs Solis S, atque papyrus G in parte eius aduersa umbram globuli excipiat, remoueaturque papyrus à globulo ultra apicem coni umbræ E ab integro disco solari geniti, tunc quidem conspicitur in papyro G, umbra quidem secundaria H I circularis non valde obscura, sed diluta, cuius diameter H I maior est diametro C D eiusdem globuli M, quia nimirum radij penumbram, seu secundaria umbram terminantes, ut sunt globum M tangentes A D, & B C, decussati se mutuò secant in puncto F inter Solem S, & pilam M posito; quare, ab F diuergentes, spatium H I umbræ gignent amplius quidem quam C D; & si quidem umbræ conspectæ in disco iouialis huius naturæ essent, posset profectò hoc verificari in quarto Mediceo, at in primo non videtur credibile, nam valde exilis esse deberet primus Mediceus, ut apex eius coni umbræ Iouem

uem non attingeret,] scilicet eius diameter minor esse deberet, quàm vna pars ducentesima diametri Iouis,] quod quidem repugnat experientiæ oculari; si postea subsequentes observationes has coniecturas redarguent, amore veritatis etiam propria sententia refelli, & repudiari debet, quod philosophico candore libentissimè faciemus. Interim si vertigo globi iouialis cum maculis ei adherentibus horis decem ferè absoluitur, vt obseruasse ait Excellenissimus Cassinius, poterunt sanè vmbre Mediceorum distingui à maculis ioualibus ex tempore transitus cuiuslibet earum in exposita facie Iouis; nam primi Medicei vmbra percurrit quadrantem diametri Iouis à centro eius m. 35. horarijs proximè; tertia verò hor. o. m. 59. at macula iouialis m. 50. ferè, ac proinde transitus vmbellæ à prima stella genitæ celerior erit iouiali macula horæ quadrante ferè, tertij verò tardior eadem horæ sextante ferè, differentia sanè conspicua, & perceptibili.

Restant reuolutiones Mediceorum in suprema, & postica facie globi iouialis, vbi nimirum Medicei nobis occultantur ab opacitate corporis iouialis, pariterque aliæ, quæ efficiuntur in facie Iouis à nobis conspecta, occultanturque non ab opacitate, sed à splendore vultus iouialis; in hisce duabus occultationibus principia, & fines reuera sunt temporibus determinatis, essentque earum observationes utilissimæ, cum ex eis motuum periodicorum certæ, & indubitatae mensuræ haberi possent, nisi insigni defectu laborarent, scilicet quod non exactè distinguitur initium, & finis, proindeque medium dictæ occultationis, propterea quod discus ioualis ob sui luminis viuacitatem non ostendit eius confinium tornatum, & terminatum, irradiatur enim capillitio quodam splendido, ita vt confinium circumferentiæ eius occultetur, eiusque diameter dilatetur, atque eius circumferentia non perfecte circularis appareat; talis ergo corona radiosa est in causa, vt ingressus atque exitus Mediceorum infra, vel supra discum Iouis minimè conspicui, & obseruabiles sint; multoties animi gratia breui telescopio

trium cubitorum initium occultationis alicuius Medice: obseruauit, & quando iam occultata prorsus videbatur sumpto maiori telescopio sex cubitorum eadem Medicea valdè distabat à Iouis margine, neque adhuc post semihoram ad eius contactum peruenerat, tumque sumpto longiori telescopio quindecim cubitorum denuò apparuit eadē Medicea à disco iouiali remota, neque post viginti quinque minuta prima horaria eius discum ingressa est. Insuper circumstantiæ aliquæ huius experimenti minimè negligi debent: videbatur scilicet figura Medicei in contactu disci Iouis non vt circellus maiorem circulum stellæ Iouis contingens, sed efficiebat extuberantiam quamdam, seu verrucam latiori basi præditam, in acumen desinentē ac formam papillæ, aut monticuli præferentem, & talis figura diu perseuerauit. Hinc colligitur quod ingentia telescopia nuper reperta nequeunt omninò capillitium radiosum stellarum Iouis & Mediceorum abraderè, à quibus iam dicta verruca, seu excrescētia disci Iouis creabatur, & stellarum verè figuræ circulares tegebantur, & confudebantur, coniunctis nimirum excrescentis radiosis Iouis, & Medicei; vnde suspicari licet, in tali obseruatione nondum Mediceum ad contactum Iouis peruenisse, sed ab eo aliquantulum distitisse, cum primò talis extuberantia conspecta est, quod conijcitur ex mora diuturna in tali situ; nam multoties perseuerat m. 5. horaria; & siquidem toto hoc tempore ingressus totales, aut exitus Medicei à perimetro Iouis fierent, ampliores essent disci Mediceorū, quàm sensatè experientiæ ostendunt; nam primi Medicei diameter esset maior decima octaua parte diametri iouialis, & tamen visu iudice minor est, quàm trigesima pars diametri Iouialis, si nimirum loco debito fiat talis comparatio, scilicet quando propè Iouem consistit; ibi enim ad instar exilissimi puncti conspicitur, & tunc quidem vera eius magnitudo ostenditur, sicuti reliquæ omnes stellæ noctu crinibus radiosis auctæ, postea in claritate crepusculi diminutam, & veram earum magnitudinem ostendunt. Sic pariter Medicei telescopio visi à Ioue remoti

incrementa sensibilia à splendida corona suscipiunt, quæ demum spoliantur propè fulgentissimum Iouis discum constituti. Deducitur ergo ex dictis, quod cum non possit omnino capillitium radiosum à virtute telescopij reticari, semper dubitari potest, an occultatio Mediceæ facta adhuc sit, & ideò ignoratur momentum, quando centru n disci stellæ Mediceæ limbum disci Iouis attingit, quare ambiguitas paucorum minorum nullo modo evitari potest, quæ maxime perturbat, atque impedit inquisitionem anomalie motuum velocissimorum, quales sunt revolutiones Mediceorum.

Qua ratione Mediceorum digressiones à disco, vel corpore Iouis mensurari possint. Cap. IV.

QUoniam motus inæquales Mediceorum in suis ellipsis non ex Ioue, sed ex Terra observantur, non possumus aliter eorum anomalias perscrutari, nisi artificio parum diuerso ab eo, quo anomalias Veneris, atque Mercurij inquirimus; horum enim orbes Solem circumdantes habent quoque Terram extra positam, à qua sanè observantur motus inæquales metiendo non arcus, quò Venus, atque Mercurius percurrit, sed sinus eorundem arcuum, scilicet distantias ab ipso Sole; eò igitur difficultas redacta est, vt mensurentur præcisè sinus, seu digressiones laterales Mediceorum à disco Iouis; sed vique ad nostra tempora (quod sciam) organo aliquo artificioso dimensi non sunt sinus, neque maximæ digressiones Mediceorum ab ipso Ioue, ac proinde ignorantur mensuræ præcisæ semidiametrorum orbium Mediceorum. Difficultas oritur ex eo, quod non possunt organo aliquo astronomico, consueto scilicet sextante, aut quadrante metiri huiusmodi digressiones, quandoquidem adhibito telescopio non autem oculis liberis videri possunt. Hac de causa maiores nostri visus iudicio, ac estimationi steterunt, comparando nimirum distantias Mediceorum collaterales, & iuxta visus apparentiam mensuran.

rando quoties discus iouialis in dictis distantijs interciperetur; at quanta sit incertitudo huius ocularis estimationis argumento est opinionum discrepantia circa magnitudines orbium Mediceorum; alij enim semidiametrum orbis primi Medicei quinque semidiametros disci Iouis cum duobus tertijs continere, alij sex, alij septem aiunt, & in semidiametro quarti Medicei discrepant à 22. ad 28. semidiametros disci iouialis, itaque in negotio tanti momenti, vbi error centesimam partem vnus semidiametri disci iouialis, excedere non deberet, vt exactè reperiretur, eccentricitas & anomalia in tanta incertitudine nullo pacto reperiri, ac determinari possunt.

Percepit hanc difficultatem magnus ille Galileus, quam vt vitaret excogitauit pulcherrimum artificium, dignum sanè sagacitate, & ingenio tanti viri, at suis temporibus, quando telescopia ad eam perfectionem non peruenerant, ad quam hisce temporibus redacta sunt, nullam ferè utilitatem ex suo inuento consequi potuit. Pendet Galilei artificium ab utili fallacia nostri visus, quam operæpretium erit exponere, vt inde lucrari aliquid possimus: docent oprices præceptores, distantiam obiectorum visibilium non videri per se, scilicet non ab ipso sensu visus, sed ab aliqua sublimiori facultate, iudicio, & ratiocinio quodam percipi; iam si aliquod visibile obiectum duobus oculis conspiciatur ita vt duo axes visuales conueniant, & se mutuò secent in eodem obiecto visibili, tunc in prædicto concursu concipitur plana aliqua superficies ad quam perpendicularis sit axis communis, siuè recta inter duos oculoseducta, vocarique poterit tale planum visionem terminans, quia nimirum nedum obiectum in quo intersecantur duo axes visuales, sed etiam reliqua visibilia collateralia, atque etiam propinquiora, & remotiora in iam dicta superficie plana collocata, & veluti depicta censentur visu iudice, & propterea dici potest talis superficies visionis terminatrix. Huiusmodi operatio pendet ex consuetudine acquisita ab initio vitæ, & operationis sensitiuæ, quando Natura duce, & instinctu quodam seligitur

mus mediorem, & perfectiorem modum percipiendi imagines visibilium obiectorum; scilicet si vno modo representetur imago confusa, alio verò clarissimè, & distinctissimè, Natura dictante, hanc sequimur, illam fugimus, & electio talis operationis perfectioris ex longa consuetudine nobis non aduertentibus, acquisita, facta est quasi connaturalis. His positis, cum imago eiusdem obiecti distinctissimè delineetur, & pingatur in utroque oculo, sintque partes picturæ illæ versùs axim visuale clariores, & distinctiores, quàm illæ, quæ à prædictis axibus recedunt, fit, vt quoties optamus visionem distinctam, & claram, dirigamus duos axes versùs idem obiectum visibile, & quia picturæ ex usu inueterato iudicantur, ac referuntur extra oculum, nequæ alibi, quàm in concursu axium duæ picturæ eiusdem obiecti adæquatè sibi mutuò congruunt, & aptè superponuntur, ita vt vna pars vnus super aliam alterius sibi correspondentem superposita ex duabus picturis vnica distinctissimè delineata efformetur, hinc percipitur, quare obiectum visibile in dicto plano terminatore visionis apparet vnicum, & singulare, licèt duabus picturis representetur; pariterque deducitur, quod reliqua obiecta visibilia constituta ante vel post planum, vbi visio terminatur, non singularia, sed duplicata appareant, & collocata censeantur in eadem superficie, visionem terminante.

His suppositis conspiciatur iam dextro oculo A Iouis stella I telescopio C D, postea aperto oculo sinistro B dirigatur axis visualis B E, vt intersecet reliquum axim A E per telescopium traductum in puncto E, atque per punctum E extendatur reticulum, vel rastellum aliquod F G perpendicularare ad comunem axim oculorum E M, patet ex dictis, in plano F G terminari visionem, & ideo omnia obiecta, quæ duobus oculis conspiciuntur, visu iudice collocantur in dicto plano F G; & quia dexter oculus A videt stellam I telescopio auctam in E, atque sinister oculus B reticulum, aut rastellum F G conspiciat, existimabit, dicum Iouis auctum occupare interstitium reticuli, aut rastelli, & ideo
men-

Fig. 57. mensurari poterit diameter disci iouialis E respectiue ad amplitudinem reticuli, seu rastelli F G; quapropter si integrum interuallum F G subdiuisum fuerit in viginti equalia spatia, siue intersitia, apparebit diameter Iouis telescopio aucta vigesima parte reticuli: postea quia telescopio nedum discus Iouis E, sed Medicei H, O, L, N vna cum suis distantij a disco iouiali E eadem proportione augentur, & representantur in plano F G, vbi visus terminatur, & auxilio alterius oculi mensurari possunt distantie eorumdem Mediceorum in eodem rastello a limbo vel centro Iouis, & vltcrius situs, & inclinationes eorumdem Mediceorum praeisè reperiri & delineari possunt, vt postea dicemus.

Hoc inuentum, licet pulchrum & elegans, non caret suis difficultatibus, quas vtile erit recensere, vt ijs medela aliqua adhibeatur. Primo loco cum huiusmodi experimentum telescopio fieri debeat, atque telescopij imperfectio Iouis discum omninò tornatum absque omni capillitio radiofo non representet; igitur non habemus praeisam mensuram disci iouialis, cum semper vero maior appareat, & ideo nec distantiae Mediceorum ab illo in reticulo supradicto mensurari possunt; eò quod distantiae Mediceorum menturantur diametro disci Iouis non vera, sed acuta, & turgida; huic autem vitio mederi possumus adhibito telescopio perfectissimo, & vastae longitudinis, vt sunt ea, quae hisce postremis annis elaborata fuerunt: & insuper si digressiones Mediceorum, & orbium diametri non menturantur diametro Iouis aucta, & ignotae magnitudinis, sed a mensura ipsiusmet rastelli, aut reticuli, a qua orbes Mediceorum inter se comparati dimetiri possunt in respectu ad cētrum disci iouialis, vt postea dicemus. Secundo loco adest motus continuus Iouis diurnus ab Ortus ad Occasum, & aequali celeritate eius imago per telescopium visa mouetur per reticulum, vnde eius discus nunquam quiescit, & ideo maxima solertia citissimè, & in transitu per reticulum dimetiri debet, quod quidem facile non est. Adest postea tremor, & palpitatio quaedam continua, quam aer vaporosus, pro-

ducit

ducit in illa imagine iouiali per telescopium representata hoc autem accidit etiam cœlo sereno, & claro, quando Iupiter parum ab horizonte distat; huiusmodi autem palpitatione modo auget modo minuit distantias Mediceorum à disco Iouis, & hac de causa observatio difficilis redditur. Huic vitio occurritur, si observationes fiant cœlo puro, & sereno, & in notabili altitudine Iouis supra horizontem. Tertia difficultas oritur ex vitris ipsis telescopij, qui minimas refractiones aliquas producant, à quibus adscititij crines radiosque Iouis, & Mediceorum, modo ad dextram, modo ad leuam sursum, aut deorsum porriguntur, quæ omnia præcisam mensuram distantiarum impediunt, eò magis, quòd egrè potest fixè, & absque vlla vacillatione retineri pupilla oculi in eodem situ centrali, seu in axi telescopij; nam semotis alijs causis, necessitas respirandi nedum dilatat thoracem, atque constringit, sed consequenter caput, atque oculum modò subleuat, modò deprimit. Euitatur hæc difficultas, si observatio fiat commodè sedendo innixò capite, atque pupilla oculi in axi lentis ocularis telescopij collocata. Postrema difficultas est, quod noctu, dum observationes fiunt, videri nequeunt interstitia reticuli, seu rastelli FG, & vt videri possint, apponi debet transuersim lucerna aliqua, quæ illustret filamenta prædicta, sed occultetur, impediaturque eius splendor, ne oculis observatoris occurrat; tunc quidem dimetiri, & observari poterunt spatia reticuli, sed talis illustratio duo alia incommoda affert, primo impedit aspectum pusillarum stellarum, vt sunt Mediceæ; secundò representat fila ipsa admodum crassa, & aucta ab excrecentia quadam radiosa, & huius difficultatis medela vnica est visus acumen, atque perfectio. Has omnes difficultates recentui non vt contemnerem; atque refellerem huiusmodi sagacissimum inuentum; sed vt observatores monerem, vt caute, & summa industria procedant, prout tanti momenti negotium exigit.

Id ipsum præstari potest placido artificio nuper ab ingeniosissimo Christiano Hugeno editum (licet multò prius

idipsum mihi Dominus Candidus Bonus Flotentinus communicauerit) adaptatur in tubo optico propè lentem ocularem in eiusque foco tenuissimum filum aeneum, & tum si telescopio luminosum aliquod obiectum conspiciatur, veluti est Luna, aut Iuppiter, representatur in disco splendido stellæ linea quædam umbrosa distincta, & terminata, genita ab æneo filo: huiusmodi linea transfertur moto, vel circumuoluto telescopio: vt secer per centrum, vel contingat discum Iouis, perpendicularisque sit ad lineam motus diurni, quam centrum Iouis percurrit, postea breuissimo, & celerrimo aliquo funependolo per eius oscillationes dimetitur tempus, dum supra filum umbrotum transit discus Iouis: demùm sequentes oscillationes numerantur, quousque stella Medicea Ioui propinquior peringat ad eandem fili vmbra, eodemque modo proceditur in reliquis Mediceis; exempli gratia si fuerit linea motus diurni Iouis A F, adaptetur fili ænei vmbra in R S perpendiculariter super A F, tunc fixo manente telescopio, atque oculo

Fig. 58. conspicientis discus Iouis cum Mediceis annexis mouebitur ab F versùs A, & posito quod terminus B perueniat ad umbrosam lineam R S, dum pendulum decem oscillationes perficit, & centrum G offendat R S in quinque oscillationibus, postea stella Medicea D cum linea D C parallela ad R S offendat eandem umbrosam lineam post decem alias penduli oscillationes, & denique recta linea F E, quæ per Mediceam E transit, occurrat eidem lineæ umbrosæ R S post viginti eiusdem penduli oscillationes; igitur transitus semidiametri Iouis B G efficitur tempore quinque oscillationum penduli; quapropter distantia C G ad G B eandem proportionem habebit quam 15. ad 5., & distantia F G ad B G erit vt 35. ad 5.: postea reperiri debet angulus F G E vt in triangulo G F E rectangulo in E innotescat proportio E G ad G F: hæc autem exempli gratia ponatur esse, vt 40., ad 35., & sic se habebit D G ad G C: sed qualium partium B G erat 5., reperta fuit G F 35.; igitur earundem partium distantia G E erit, 40., & consequenter in distantia G E continentur

nētūr octo semidiametri Iouis, pariterque qualiū partiū diameter Iouis est quinque, erit distātia D G 17. & pars septima.

Hæc artificiosa operatio quibusdam etiam vitijs, atque difficultatibus laborat; primo quia fili ænei linea vmbrosa R S videri nequit, nisi telescopium dirigatur directè versùs obiectum aliquod lucidum, & splendidum veluti est Luna, aut Iuppiter; at si dirigatur versùs stellas minutissimas, vt sunt Mediceæ, talis linea vmbrosa omninò inuisibilis est, excepto illo momento in quo stellula lineam vmbrosam pertransit, & proinde, si vellemus ante vel post occursum situm eiusdem lineæ vmbrosæ, & eius distantiam à stellula mensurare, deberet quidem filum æneum ab aliqua lucerna, vel laterna illustrari, quod tanè incommodum est, licet non vnicum filum, sed craticula ænea in ipso tubulo accommodetur. Secundò difficile maximè est abradere crines radiosos disci iouialis; nisi enim hoc fiat, ignorabitur prorsùs momentum temporis, quando eius margo contingit lineam vmbrosam: postea oculus conspicientis in eodem situ stabilis retineri debet, ne vacillando confundantur, & perturbentur transitus disci Iouis, & Mediceorum per eandem vmbra R S: postmodum angulus F G E difficillimè mensurari potest, licet craticula filorum vtamur; propterea quod, nisi illustraretur, non esset visibilis, nec ostenderet inclinationem anguli F G E, præcipuè si oculi pupilla in eodem situ lentis ocularis stabilis maneat, nec ab vno ad alium locum transferatur. Ambo hæc artificia, si debitis cautionibus in vsum redigantur, satis exactè ostendent, nedum digressiones, sed etiam motus anomalias, & latitudines Mediceorum si tamen à vitis industrijs visu acutissimo præditis, optimis, & longioribus telescopijs patienter, & summa diligentia, & cautione fiant.

Sed antequam vlteriùs procedamus, ostendenda est praxis accuratior mensurandi distantia Mediceorum à Ioue in reticulo superius exposito. Extendantur primò tenuissima fila A B, & C D ad angulos rectos se secantia in I, & in distantijs equalibus a sectione I extendantur bina & bina fila

æquidistantia ipsis AB , & CD , ut sunt GL , HM , GH , & KM , disponaturque reticulum in debita distantia, ut discus
Fig. 59. Iouis telescopio auctus conspiciatur inter has lineas paral-
 lelas, ita ut eius centrum I conspiciatur motu diurno, ferri
 per directionem fili AB ; hoc autem facile fieri poterit, licet
 discus Iouis incremento coronæ radiosæ auctus fuerit; nam
 tunc sufficeret, ut extremitates eius C , & D præcisè in transeur-
 su tangant lineas GL , & HM parallelas, & æquè remotas ab
 AB ; tunc enim certum est, centrum eius I semper in filo
 AB collocari: perveniat iam in situ $E C F D$, ut nimirum
 extremitates E , & F contingant duas parallelas ipsi CD , &
 æquè ab ipsa recedentes, patet, quod centrum Iouis I præci-
 sè transit per CD , scilicet per cōmunem sectionem recta-
 rum AB , & CD ; tunc quidem consideretur digressio
 Medicei P , non quidem à confinio Iouis fallaci E , sed
 ab eius centro I , quæ mensura perhibetur ab ipso reticu-
 lo; si postea sumatur eiusdem Mediceï digressio opposita
 versùs Q , tunc quidem, si instrumentum ostendet $I Q$, &
 $I P$ æquales inter se, erunt quoque digressiones eiusdem
 Mediceï à centro Iouis æquales, & insuper habebitur men-
 sura diametri $P Q$ orbis eiusdem Mediceï, quæ mensura, li-
 cèt non perhibeatur in partibus disci iouialis $F E$, sufficit ta-
 men, ut per se, & respectu centri iouialis I habeatur in parti-
 bus ipsius fili; nam si postmodum diameter $P Q$ augetur,
 vel minuitur, atque digressiones maximè $I P$, & $I Q$ inæqua-
 les reperiuntur, hæc sufficerent ad inquirendam eccentrici-
 tatem, locum Apojouij, & eius anomaliam. Poterit quo-
 que diameter $P Q$ orbis vnus Mediceï comparari cum dia-
 metro $R S$ alterius Mediceï, ostendetque instrumentum ip-
 sum intercapedines $P R$, & $Q S$, si fuerint æquales vel inæ-
 quales, ex quibus theoricæ Mediceorum deduci possunt,
 dummodò, quoties mensuræ sumuntur, centrum Iouis in-
 cidat in punctum I reticuli, quod ut ritè fiat, animaduer-
 tendum est, oculi pupillam collocari debere in puncto inter-
 medio, seu axi lentis ocularis, & telescopij, tunc enim cri-
 nes adscitij vniformi amplitudine ambiunt, & comple-
 ctunt;

stuntur Iouis peripheriam, at si oculus ultra axim ad latus lentis ocularis applicetur, tunc quidem ex vna parte veluti F splendor ille aduentitius tanta copia multiplicatur, vt Iuppiter non appareat circularis, sed oblongus, & exporrectus. Et hæc monuisse, inutile non erit.

Quomodo linea absidis eccentrici Mediceorum reperiri possit.

Cap. V.

POSTquam difficultates omnes proposuimus, quæ inquisitionem periodicorum motuum Mediceorum impediunt, & industrias, atque artificia, quibus inquiri debeant retulimus, reliquum est modò, vt praxim earundem doceamus; & quia, vt dictum est, nullus periodicorum motuum præcisè haberi potest, nisi præcedat cognitio periodi anomalæ, scilicet motus inæqualis stellæ in suo eccentrico; propterea primò reperiri debet situs lineæ absidis, & consequenter positio Apojouij, vt inde tempus reuolutionis Medicei in suo eccentrico eliciatur; Hoc autem assequi non possumus, nisi ea tempora, & constitutiones eligamus, in quibus motus anomalæ, seu inæqualitatis discretus omnino sit, nec implicetur, aut confundatur cum reliquis inæqualitatibus Mediceorum; igitur, vt hoc assequamur, eligere debemus constitutiones illas, quando inæqualitas synodica seu menstrua nulla est, quod verificatur solùm modò, cum stella Iouis est stationaria, & apparet terricolis per plures dies stabilis sub iisdem stellis fixis; tunc planè nec prosthæresis orbis annui, nec motus Iouis in Zodiaco alterat, aut perturbat cursum inæqualitatis Mediceorum, & proinde tunc temporis sensibilis, & obseruabilis erit.

His positis, si velimus situm lineæ absidis orbis alicuius Medicei reperire; supponatur orbis ellipticus eius A N P X, in cuius polo G sit Iuppiter, linea absidum sit A P, & A Apojouum, intelligaturque Terra in T, tunc optimo, & per magno telescopio iam dicto reticulo, seu rastello, vel filis æneis in foco lentis ocularis affixis cum omnibus cau-

tionibus superius relatis accuratè obseruentur duæ æquales digressiones eiusdem Medicei à centro Iouis, ut sunt GF , & GE , & posito, quod æqualibus temporibus interstitia FG , & GE ab eodem Mediceo percurrantur, dico, quod tunc linea absidis A Perit in directum constituta cum linea Plenimedicei GT , propterea, quod rectæ lineæ GF , & GE inter se æquales pereurruntur temporibus æqualibus; ergo arcus eiusdem orbis, quibus correspondent, pariter inter se æquales erunt, sed nunquam eiusdem ellipsis arcus æquales temporibus æqualibus percurruntur, nisi quando arcus translati æquè mouètur à linea absidum; ergo puncta ellipsis B , & C æquè recedunt à linea dicta absidū, proindeq;

Fig. 60 secto arcu CB bifariam in A , erit recta linea AGT illa, quæ quærebatur. Sed ex hoc non inde innotescit, an punctū A sit Apojouium, vel Perijouium, quod ut distinguatur, considerari debent duo alij transitus æquè remoti à centro Iouis G , qui inter se, & prioribus sint æquales, sed existente stella in parte opposita eccentrici, ut sunt HE , & FI subtendentes arcus KO , & LR , vel potius GF , & EG subtendentes arcus PL , & KP , hi quoque transitus fient temporibus æqualibus inter se proximè, & ideò puncta K , & L erunt æquè remota à linea absidum; & siquidem contingat quod transitus eiusdem Medicei à K , ad L , vel per duo arcus OK , & LR minori tempore absoluator, quam eiusdem transitus à B ad C , tunc necessariò punctum A erit Apojouium, & P Perijouium. His peractis expectetur quousque denuò perueniat eadem stella Medicea versùs Plenimediceum, & secundo obseruentur duo æqualia interstitia FI , & HE æquè remota à centro Iouis G , subtendentia arcus QB , & CM , si tūc contingat, digressionem FI transigi tempore aliquantisper breuiori, quam percurritur interstitium HE , tunc conijciemus, Apojouium translatum antèrius esse in respectu ad lineam synodum TG , quæ supponitur fixa sub stellis fixis, cum Iuppiter stationarius sit; ergo persuaderi debemus, Apojouium A antèrius translatum esse secundum ordinem signorum, & ideò con-

sta.

stabit, anomalix periodum tantò prolixiùs periodo restitutionis fieri sub stellis fixis, quantum est spatium translationis Apojouij A.

Expendendæ postea sunt eadem observationes in subsequentibus Plenimediceis, ac Nouimediceis apparentibus, sumendo semper easdem digressiones G F, & G E, vel F I, & H E, dum velocitas transitus per G F crescit, & superat velocitatem per G E, vel transitus I F velocior est, quam per E H, signum erit, nondùm Apojouium A ad Nouimediceum peruenisse, sed tum demùm eum assequetur, quando primò transitus æquales G F, & G E, nec non F I, & H F denuò temporibus æqualibus inter se fieri contingat; attamen si transitus, qui in Plenimediceo modò obseruantur, velociores fuerint ijs, qui in Nouimediceo fiunt, tum dubitandum non est, Apojouium integrum semicirculum sui orbis percurrisse, & intermedio tempore numeratis omnibus Plenimediceis transactis deduci potest proximè periodus anomalix, diuidendo scilicet semicirculum in tot partes equales, quot fuerunt Plenimedicea, seu reuolutiones menstruæ, & si illæ partes addantur ijsdem periodis integris, resultabit periodus anomalix mediæ quæsitæ.

Huiusmodi observationes fieri possent, modò Iuppiter stationarius permaneret; at quia talis constitutio citò euanescit, oportet minorem multitudinem Plenimediceorum sumere, scilicet non omnia illa, quæ in semicirculo anomalix, sed ea tantummodò, quæ in eius quadrante fiunt, in quo velocitates in prædictis interstitijs æqualibus successiue crescunt ab illa maxima tarditate, quæ in Apojouio fit, attamen in hisce incrementis diuersificantur inter se celeritates per G F, & G E maiori differentia, ita vt in transitu Apojouij ab A ad N, scilicet à Plenimediceo ad quadraturam sequentem, seu ad maximam digressionem orientalem transitus per G F semper celerior erit minori que tempore absoluetur, quam transitus per G E, eamque maiori excessu superabit, & tum demum maximè inter se differentes erunt dictæ velocitates, cum Apojouium A præcisè quadrat-

drantem vnum pertransijt; & hinc poterimus inquirere periodum anomalie mediae, sicuti supra innuimus; & licet quies, & statio Iouis transacta fuerit, antequam Apojonium Medicei quadrantem pertransierit, possumus tamen cursum medium anomalie proximè perscrutari; quandoquidem primæ illæ periodi, licet fuerint incertæ, non possunt tamen valdè à verò aberrare: sit v. g. error commissus vnius gradus, tunc coaceruatis pluribus reuolutionibus, vt nonaginta, omnes errores simul sumpti vnum quadrantem conficient; quare error iam maximus redditus non posset nos latere, sed clariùs, & multò faciliùs postea ostendemus, qua ratione periodus media anomalie, licet crassa minerva ad inuenta, possit postea emendari, & ad præcisam mensuram redigi.

Alia ratione, & faciliori poterit linea absidum Mediceorum, & periodus anomalie reperiri, scilicet ea methodo, qua astronomi eccentricitatem Veneris, atque Mercurij perquisierunt: debent igitur sumi maximæ digressiones Mediceorum ab ipso Ioue summa diligentia, & præcisione, mensurando (duobus artificijs supra expositis) duas maximas remotiones eiusdem Medicei orientalem, & occidentalem à centro Iouis, vt sunt X G, & N G. Hoc pariter fieri debet, dum Iuppiter stationarius est, & si forte iam dictæ digressiones maxime æquales inter se fuerint (neglectis temporibus in quibus tales digressiones absoluuntur) tunc eliciemus lineam absidum esse A P, & in linea Plenimediceorum, & Nouimediceorum coincidere: postea, vt sciamus num Apojonium in Nouimediceo, vel in Plenimediceo collocetur, usurpari debent duæ parvæ digressiones à Ioue, vt in præcedenti methodo tradidimus, vel potius expectandus est secundus cursus synodicus, in quo demùm dimensio digressionibus maximis, quæ non erunt, vt antea, inter se æquales, siquidem occidentalis digressio X G diminuta, & orientalis G N aucta fuerit supra mediocritatem præcedentem, dubitandum non est, in præcedenti mense Apojonium, in Plenimediceo extitisse, à quo in sequenti mense disces.

discefferit continuato motu secundum ordinem signorum: & repetitis obseruationibus in subsequen-
tibus mensibus semper maiori decremento digressio maxima $G X$ dimi-
nuetur, & maiori incremento $G N$ elongabitur, quousque
demum fiant inter se maximè differentes, & inæquales, &
in hac constitutione linea absidum quadrantem percur-
risse existimandum est, & postmodum denuò crescet distan-
tia $G X$, & minuetur distantia $G N$, & quando denuò ma-
ximæ digressiones collaterales fiunt æquales, certi erimus;
Apojouium percurrisse integrum semicirculum. Hinc iam
perquiri possunt periodi medij anomalix non secus, ac su-
pra expositum fuit.

Præterea facillimè eccentricitas orbis cuiuslibet Medicei
reperiri poterit, quandoquidem maximis digressionibus *Fig. 60.*
 $G X$, & $G N$ existentibus equalibus inter se habebimus se-
midiametrum eccentrici, seu axem minorem ellipsis, at
quando digressiones $G A$, & $G P$ acquirunt omnium ma-
ximam differentiam inequalitatis inter se, scilicet cum ex-
cessus vnus supra alteram maximus est omnium, qui in to-
to periodo contingunt, tunc quidem certum erit, lineam
absidum $A P$ perpendicularem esse ad lineam synodicam
 $T G$, seu ad lineam Nouimedicei, & Plenimedicei appa-
rentis, & tunc sumptis duabus maximis digressionibus, *Fig. 61.*
licet $G A$ maiore, & $G P$ minore, habebimus maiorem
axem ellipseos: diuisa verò axi $A P$ bifariam in Z , erit Z
centrum ellipsis, atque $G Z$ eius eccentricitas, à qua facile
erui potest species ellipsis, quæ cuiuslibet Mediceo pertinet,
& consequenter anomalia eius. Modus iste inueniendi ec-
centricitatem, nedum facilis est, & expeditus, sed forsan
singularis, nec aliter reperiri potest.

Deuenio postmodum ad tertium modum inquirendi po-
sitionem absidum orbium Mediceorum, & periodum ano-
malix; is verò perhibetur, si adnotentur solummodo tem-
pora, in quibus aliqua stella Medicea ab apparenti Pleni-
mediceo ad Nouimediceum peruenit, & ab isto ad illum,
neglectis maximis digressionibus, aut partialibus, dummo-

dō observationes fiant, quando Iuppiter stationarius ex-
 itit; supponatur ergò, quod stella Medicea percurrat semi-
 Fig. 60. circulum A N P à Plenimediceo apparenti, ad Nouime-
 diceum in tanto tempore, in quanto percurrit præcisè reli-
 quum semicirculum P X A à Nouimediceo adsequentem
 Plenimediceum apparentem, & tunc necessario linea ab-
 sidum cum linea synodica apparenti coincidet: postmodum,
 ut pateat an Apojouium in Plenimediceo apparenti, vel
 Nouimediceo reperiatur, adhibendæ sunt digressiones par-
 tiales æquè remotæ à Plenimediceo, ut superius expositum
 fuit; postea consideratis subsequentiis constitutionibus,
 si fortè Apojouium in Plenimediceo A extiterit, observa-
 tur transitus à Plenimediceo apparente ad Nouimedi-
 ceum prolixiori tempore fieri, quàm subsequens transitus
 à Nouimediceo ad postremum Plenimediceum tum Apo-
 jouium A antèrè secundum ordinem signorum transisse,
 concludemus, & sic in Mediceis mensibus sequentibus
 semper motus descendens semicirculi tardior erit, quàm
 in mense præcedenti, & econtrà in semicirculo ascendente
 transitus velocior erit, atque incrementum velocitatis pri-
 mi transitus, & decrementum secundi semper magis, ac
 magis augebitur, quousque Apojouium A ad quadratu-
 ram perveniat, & tunc maximus erit excessus temporis su-
 pra mediocrem, quo differunt transitus semicirculi descen-
 dentis ab ascendente, à Plenimediceo scilicet ad Nouime-
 diceum apparentem, & econtrà maximus erit temporis de-
 fectus à mediocritate, quo percurritur semicirculus ascen-
 dens à Nouimediceo ad Plenimediceum apparentem; at-
 que hoc erit tertium artificium, quo cursum medium ano-
 malia venari possumus; quare ex his tribus, si accuratè &
 summa diligentia obseruentur, non dubito, quin possint
 exactè anomaliam mediæ motus acquiri.

His peractis poterunt emendari, & ad exactam præcisio-
 nem reduci reliquæ periodi restitutionum, & synodicorum,
 atque ipsiusmet anomaliam hac ratione: sumantur duæ eclip-
 ses eiusdem Mediceæ omnino inter se similes, & maxime

distantes, ita ut ab una ad alteram tempus aliquorum annorum intercedat, & in utraque eclipsi Mediceus in eodem loco sui eccentrici existat, atque maioris facilitatis gratia tam in illa, quam in ista Iuppiter stationarius sit, & si fieri possit, eius latitudo sit omnino eadem, pariterque in utraque Iuppiter sit in statione occidentali, vel ambæ sint orientales: tunc, quia ingressus, vel emerisio Medicei à cono umbræ Iouis est ferè momentanea, cognitum erit præcisè temporis interuallum ab una ad alteram eclipsim; (quod ad equalitatem reduci debet solito artificio astronomico, quo dies naturales corriguntur) igitur habebimus datam multitudinem periodorum menstruorum una cum multitudinem periodorum anomalie suntque tam hi, quam illi integri, & quia hætenus tempora periodica menstrua, & anomalie, licet non exacta habebamus, coaceruatis omnibus periodis, quæ in interiecto tempore intercipi possunt, constabit, an calculus Cælo, & observationibus respondeat, & siquidem dissensus aliquis reperiatur, tum præhabiti medij motus corrigendi sunt, redigendique ad omnimodam, & exactam præcisionem, & consequenter elicietur motus Apojouij, & absidis, eruenturque radices, seu epochæ à quibus mediante calculo loca Mediceorum assignari possunt in quolibet tempore præterito, vel futuro.

De varietate hypothesisum, quibus Latitudines Mediceorum, & earum periodi saluari possunt. Cap. V I.

Non minùs, quam eccentricitatis & anomalie Mediceorum inquisitio, difficiles & abstrusæ sunt Latitudinum apparentes constitutiones, & earum periodi, de quibus modo agendum est, sed primo loco considerari debent hypotheses variæ, quæ latitudinibus Mediceorum applicari possunt, experiendumque, an cum observationibus, & cum Cælo conueniant.

Et primo supponi possunt omnes quatuor Mediceorum orbes in vno, & eodem plano iacere, ita ut vnus super alte-

rum non inclinetur. Secundò circa situationem dicti plani comunis orbium Mediceorum plura comminisci possunt; aut enim in eodem plano eclipticæ iouialis iacet, vel supponitur eidem eclipticæ iouialis inclinatum; & si hoc verum est, quæritur, an talis inclinatio sit stabilis vniformis, & perpetua, vel potius variabilis. Vtteriùs dubitari potest, an planum comune orbium Mediceorum semper equidistat plano eclipticæ solaris, & terrenæ, & tunc fieri potest, vt eadem peripheria seu facies orbis Mediceorum perpetuò respiciat, & dirigatur ad Solem: vel supponi potest, quod diametri orbium Mediceorum semper sint ipsis paralleli maneant; ostendemus igitur, ferè omnes has positiones ordini Naturæ eiusque consuetis operandi modis in reliquis planetis refragari, pariterque causis physicis superiùs expositis, atque etiam obseruationibus in Cælo habitis omninò repugnare.

Sed antequam hæc omnia singillatim in examen reuocemus, explicare erit operæpretium, & exemplis exponere

Fig. 61. supradictas hypotheses. Sit igitur Sol in S, & orbis, in quo reuoluitur centrum Iouis, sit I G K L, qui secet planum eclipticæ solaris & terrestris I P K Q in recta linea I S K, angulus inclinationis eorundem planorum supponatur inuariabilis, sicuti experimenta maiorum docent, & quoniam orbes, seu epicycli Mediceorum A B C D à Ioue eorum centro nunquam separantur, propterea transferentur vnà cum Ioue per circumferentiam iouialis eclipticæ I G K L.

Fig. 62. in plano eclipticæ iouialis I G K L, licet transferatur vnà cum Ioue per totā eius eclipticam; in hac inquā hypothesi debent apparentiæ Latitudinum Mediceorum considerari: Sit centrum Iouis in suo Nodo ascendente I vel descendente K, scilicet in sectione orbis Iouis, & nostræ eclipticæ, siuè potius centrum Iouis ponatur in limite boreali G, vel austrino L; & quia Terra T in plano eclipticæ solaris duas habitudines, & situationes habere poterit pro varia situatione Iouis, & Solis, scilicet centri systematis planetarij circa

Ter-

Terram; aut enim per Terrā T transit eadem linea recta I S K, quæ communis sectio est eclipticæ iouialis, & solaris, vel lateraliter constituitur: in primo casu, quia Terra, & Sol in cōmuni sectione vtriusque eclipticæ ponuntur, existent ambo in plano iouialis eclipticæ, in quo pariter semper Iuppiter eiusque systema constituuntur, ac proinde radius visualis iacebit quoque in plano eclipticæ iouialis, & consequenter in plano A B C D: sed ex opticis quando radius visualis iacet in plano orbis A B C D, idem circulus vt linea recta ab oculo conspicietur; quare in tali constitutione Medicei, dum reuoluuntur per A B C D, efficiunt curtum *Fig. 62.* apparentem per lineam rectam, quæ per centrum disci Iouis transibit, eritque via itineris Mediceorum in Limitibus parallela ad planum eclipticæ solaris, in Nodis verò inclinata angulo inclinationis orbis Iouis supra eclipticam solarem. Si verò linea I S K cōmunis sectionis eclipticarum, *Fig. 63.* sita fuerit in parte sinistra Terræ V, quia semicirculus I Q K eclipticæ solaris eleuatur supra semicirculum I L K eclipticæ iouialis, fit, vt radius visualis V I, V G, V K, & V L sublimis quoque sit ad planum eclipticæ iouialis I M L, proindeque eleuatus quoque erit supra planum orbis Mediceorum A B C D; quare dictus orbis non amplius linea recta, sed ellipsis apparebit, cuius partes viciniōres versūs B depressiores, & cum Latitudine australi conspicietur, & contra partes oppositæ versūs D erunt subleuatae cum Latitudine boreali respectiue ad eclipticam iouialem. Si postea linea solaris I S K sita fuerit ad dextram Terræ X, quia illa simul cum semicirculo solaris eclipticæ I P K deprimitur infra semicirculum eclipticæ iouialis I G K, erit quoque visualis radius X I, X G, X K, X L depressus infra eandem iouialem eclipticam, & proinde infra planum orbis Mediceorum A B C D, & tunc dictus orbis ellipsim representabit, cuius infima pars B eleuata, & cum Latitudine boreali conspicietur, pars verò opposita D cum Latitudine australi. Patet quod, existente Ioue in Limites G, angulus X G S in situ acronico maximus est omnium, qui effici possunt à radio

dio visuali ex Terra X ducto cum semidiametro B G orbis Mediceorum; qualiscumque igitur sit distantia, & habitudo Telluris respectu ad Solem, & Iouem ob prosthapheresim orbis annuam, minuitur borealis latitudo in Nouimediceis B, quo magis distantia Iouis a Terra augetur, & hæc quidem sunt varietates, quæ in apposita sententia obseruari deberent.

Sit secundo loco planum orbis A B C D semper æquidistans plano eclipticæ solaris I P K Q, ponaturque Iuppiter in Nodo ascendente I, & quia Terra semper in eodem

plano eclipticæ solaris iacet, in quo modo collocatur orbis A B C D; igitur ipse lineam rectam representabit, pariterque iter Mediceorum, per centrum Iouis transiens, rectum erit; quapropter in Nouimediceis B, aut Plenimediceis D nullam Latitudinem habebunt; at in maximis digressionibus A, & C Latitudines ab ecliptica iouiali erunt insignes, quarum mensuræ erunt arcus A N, & O C, eritque Latitudo partis dextræ C borealis, & sinistræ A australis. Trans-

lato postea Ioue cum suo systemate in Limite boreali G producat planum X G S ad ambas eclipticas perpendicularare, secabit sanè duo plana parallela I P K, & A B C in duabus rectis lineis B D, & S X inter se parallelis; cumque punctum X infra Iouis eclipticam, & infra planum A B C ponatur, necessariò radius visualis X G depressus erit infra planum orbis A B C, & proinde inferior pars B Nouimedicea altior erit, habebitque Latitudinem borealem. Contraria postea apparentia efficietur in limite australi L. Hic similiter maximus angulus X G S Latitudinis efficietur in Iouis acronichijs, in reliquis verò locis minuetur.

In hac hypothesi aut idem terminus B diametri B D semper dirigitur versùs Solem in tota reuolutione orbis Mediceorum per eclipticam iouialem, vel diameter B D semper sibi ipsi æquidistat; exemplum primi casus habetur in nostra Luna, quæ in sua reuolutione eandem faciem maculatam ad Terram dirigit; si ergo supponatur, punctum B orbis Mediceorum semper ad Solem dirigi, efficientur duo

motus reales orbis A B C D circa planum eclipticæ iouialis, quia in Nodo ascendente I diameter A C perpendicularis ad lineam solarem I S est inclinatus ad viam Iouis N O, ita vt terminus A Latitudinem australem respectu iouialis eclipticæ, & B borealem habeat, sed in Limite boreali G huiusmodi inclinatio euanescit, cum puncta A, & C eclipticæ iouialis circumferentiam contingant, & postea in secundo Nodo K denuò diameter A C ad eclipticam iouialem inclinatur, sed situ inuerso, quia in K terminus A maximam Latitudinem borealem, & C australem habebit, & tandem in reliquo Limite L denuò diameter A C in ecliptica iouiali coestenditur; quare patet, diametrum A C vna cum eius orbe reflecti circa diametrum B D, eleuando, & deprimendo terminos A & E respectiuè ad eclipticam iouialem. Præterea adest alius motus inclinationis, quia diameter B D in Limite G inclinatur ad planum eclipticæ iouialis, cum terminus B Noui mediceei eleuetur versus Boream, & D versus Austrum deprimatur, at in Nodis K, & I eadem diameter B D congruit cum plano eclipticæ iouialis, & postmodum in Limite australi L denuò inclinatur, sed contrario modo, ac in Limite G disponebatur; ergo circa diametrum A C efficitur noua conuersio diametri B D vna cum orbe Mediceorum, subleuando, & deprimendo terminos B, & D; & huiusmodi circumductio vocatur inclinatio, sed præcedens appellatur reflexio, quæ non differunt ab ijs, quas Ptolomeus epicyclis Veneris, atque Mercurij tribuit, qui cum à recentioribus astronomis propter eorum absurditatem rejiciantur, non videntur in Mediceis recipi debere. Si postmodum supponatur diameter B D semper sibi ipsi æquidistare, dum reuoluitur per iouialem eclipticam, debent quoque admitti iidem duo motus reflexionis, & inclinationis, non tamen reales in respectu ad eclipticam iouialem, sed apparentes.

In nostra hypothese, quæ conformis est motibus reliquorum planetarum, & ex causis physicis deducitur, determinauimus, plana orbium Mediceorum certam, ac

stabilem inclinationem supra planum eclipticæ iouialis habere, quæ alterationem aliquam pariuntur in cursu menstruo, quoties à Plenimediceis, & Nouimediceis recedunt.

Orbes Mediceorum non iacere in vno, & eodem plano.

Cap. VII.

Simon Marius, & alij constitutos esse orbes Mediceorum in eodem plano persuasi sunt hoc potissimum argumento, quia nimirum Medicei in maximis à Ioue digressionibus semper in vna & eadem recta linea per centrum Iouis extensa collocantur; at ego, si vim argumenti percipio, nihil certi ex eo deduci posse arbitror, quandoquidem duo vel plura plana adinuicem inclinata possunt quidem se mutuò secare in eodem recta linea; igitur pari modo possunt plana orbium Mediceorum se mutuò secare in recta linea, quæ per centrum Iouis transit, ita vt talis communis sectio per maximas digressiones à Ioue extēdatur, & tunc, quoties Medicei in comuni dicta planorum sectione existerent in vna recta linea cum centro Iouis conspicerentur, & tamen semicirculi supremi, & infimi vario modo posset ad inuicē inclinari. Secūdo loco aduerto, hætenus obseruatū non fuisse diligenter, an Medicei in maximis à Ioue digressionibus semper in vna recta linea per centrum Iouis educta collocentur, neque patuit modus inquirendi accuratē an in maximis digressionibus Medicei in iouiali ecliptica reperiantur, an potius ab ea aliquantisper deflectant, & recedant. Hoc deducitur ex eo, quod obseruationes absque vlla machina, sed mera vitæ estimatione factæ fuerunt, & insuper telescopia præteritis annis, quibus Medicei obseruabantur, parua, & imperfecta erant, comparata cum ijs, quæ hisce ultimis annis elaborata fuerunt, sed sitis, & dispositiones Mediceorum paruis, & imperfectis telescopijs obseruatæ errores non contemnendos inducunt, eò magis, si visus iudicio, & estimationi standum est; quapropter suspectæ omnino erunt obseruationes præteritæ; hoc, inquam, profero ab experien-

rientia edoctus; nam multoties paruo aliquo telescopio duo Medicei videbantur in eodem recta linea cum centro Iouis positi, at postea, adhibitio maiore, & perfectiore telescopio, notabili differentia à rectitudine aberrare visi sunt: rursus quando telescopio satis perfecto septem ferè cubitorum duo Medicei in directum cum centro Iouis apparebant, nedum mihi, sed etiam pluribus adstantibus, iisque visu acutissimo pollentibus: extenso deinde filo tenuissimo, aut aliqua regula lignea directà, in commoda distantia, & situ constituta, ut altero oculo aperto, Medicei cum centro Iouis telescopio visi conferri possent cum fili, vel regulæ directione, tunc quidem sensibilis aliqua differentia, & discrepantia reperiebatur, quæ quidem ab ipso visu absque filo, vel regula non apparebat. Postmodum quod Medicei in maximis digressionibus ab Ioue perpetuò careant Latitudine & in via, seu ecliptica iouiali existant, certè scio, discerni non posse à simplici visu, sed requiruntur artificia inferius explicanda, quæ cum hactenus ignota, vel ad praxim redacta non fuerint, iure meritò suspectas esse veterum observationes censeo, proindeque certè pronunciari non potest Mediceos in maximis à Ioue digressionibus omni Latitudine caruisse, & præcisè in ecliptica iouiali extitisse. Et si hoc, inquam, incertum est, multò minùs affirmari poterit, quatuor orbes Mediceorum in vno, & in eodem plano collocari.

Si igitur præteritæ observationes insufficientes, & incertæ iure meritò censerì debent, erit operæ prætium exactioribus, & accuratioribus observationibus veritatem inquirere, ostendereque, quod orbes Mediceorum in vno, & eodem plano minimè iaceant.

Prima ergo mea observatio habita est nocte sequenti diei 14. Augusti huius anni 1663. hor. 8. 22. p. m. Florentiæ. Tunc profectò videbatur tertius Mediceus ferè in vna recta linea cum primo, & secundo, erantque primus, & tertius occidentales à Ioue, secundus verò orientalis, & tunc propemodum tertius Mediceus à disco Iouis inferiori egressus

Fig. 65. fuerat; distabatque à Nouimediceo apparente gr. 4. m. 11. secundus recedebat à Plenimediceo apparente gr. 145. m. 18.; sed primus distabat à Nouimediceo gr. 72. m. 25. Itaque omnes inferiori parte eorum epicyclorum debebant: ponatur ergo discus Iouis I; & ecliptica iouialis M O, in qua extensi intellegantur in eodem plano orbes dictorum Mediceorum, sitque primus in A, secundus in B, & tertius in C: intelligatur postea Terra in T sublimis supra planum eclipticæ iouialis, & supra planum orbis communis Mediceorum, & licet eleuatio visualis radij T I supra commune planum iam dictum sit parua, nihilominus est impossibile, vt planum A I B C conspiciatur ab oculo in T, vt linea recta (quod effici potest tantummodò, quando oculus T extitisset in eodem plano I A B C) efficient igitur tres Mediceei cum centro Iouis trapezium, cuius angulus, vel stella C vicinior, & directior oculo erit, quàm stellæ A, & B; igitur necessariò stella C magis depressa infra lineam M O, vbi visio terminatur, apparebit, quàm reliquæ duæ stellæ A & B; cumque stella A in E, & stella B in F appareant, conspicietur stella C in puncto inferiori G depressio versùs Meridiem, & infra rectam E F; quapropter tres stellæ E, F, & G triangulum aliquod, licet obtusiangulum efformabunt, numquam verò lineam rectam, vt à nobis reperta fuit. Hinc deducitur, minimè tunc collocatas fuisse in vno plano, sed debuerat stella C cum plano sui orbis subleuari, & radio T I appropinquare aliquantò magis, quàm planum ductum per A B I, quandoquidem vt stella C non in G, sed in H minùs meridionalis appareat, & in directum cum reliquis duabus E, & F, situari deberet noster oculus in eodem plano per stellas A B C traducto: at planum T A B cadit infra planum T M O; ergo necessariò stella C subleuari debet supra planum A B I; cumque aliter hæc iam dicta apparentia saluari nequeat, concedendum est, tertiam stellam C nequaquam in eodem iacere plano per stellas A, & B & centrum Iouis extenso.

Postea nocte sequenti 6. Octobris eiusdem anni hor. 7 p. m.

m. adnotari quod recta linea per primum, & quartum Mediceum extensa, proximè per centrum Iouis transibat; distabat tunc primus Mediceus A. gr. 46. m. 54. ab apparenti Nouimediceo versùs Occidentem, & quartus D distabat ab eodem Nouimediceo gr. 13. m. 30., quare duæ stellæ A, & D reuera non erant in directum positæ cum centro Iouis I, sed triangulum efficiebant; igitur si stella A apparuit in puncto E eclipticæ iouialis, vbi visio Mediceorum terminatur, debuerat stella D apparere in K magis meridionalis, & infra rectam lineam I E; sic enim triangulum I E K efformaretur, licet valde obtusum, & talis figura, & constitutio videri debuerat visuali radio T I supra planum I A D eleuato; essetque omnino impossibile, vt stella D in puncto L sublimiori, & minùs meridionali à recta E I appareret, nisi oculus T in plano eiusdem trianguli I A D extitisset: estque stella A depressa infra radium T I ex hypothesi; igitur deberet radius T D eleuari, & consequenter stella D, ideoque non constituebatur in eodem plano per A, & I ducto, scilicet in plano orbis primi Medicei.

Postmodum nocte subsequenti scilicet diei 7 hor. 6. p. m. reperij quartum Mediceum borealem supra rectam lineam per secundum Mediceum, & centrum Iouis extensam; & quia tunc distantia secundi Medicei B ab Apojouio apparenti erat gr. 213, & m. 18, & distantia quarti erat gr. 216. m. 12., igitur proximæ duæ stellæ B, & D in eodem semidiametro I B D, scilicet in vna recta linea constitutæ fuissent, si duæ stellæ B & D in vno plano positæ essent; hæc autem recta linea à radio visuali T I conspecta obliquè apparere debuerat in visus terminatore M O in punctis F, & K, quæ cum centro Iouis I in vna recta linea disponi debuerant, & proinde punctum K, scilicet situs stellæ D meridionalior fuisset contra sensum obseruationis; ad hoc igitur, vt stella D appareat minùs meridionalis, idest supra rectam lineam I E K, subleuari debet stella D supra planum subiectum I B O, ita vt visualis radius I I minùs inclinatus ad orbem Medicei D, quàm ad orbem Medicei B conspiciat el-

lipſim efformatam ab orbe $D O$ magis coangultatam, quàm ſi fuiſſet in eodem plano $D B O$: ſed quando ellipſis circa eundem axem maiorem conſtringitur, omnes ordinatim ad axem maiorem applicatæ, eadem proportionẽ diminuantur, qua minor axis decreſcit; igitur diſtantiã ſtellæ viſæ L ab eclipticã iouiali $M O$, minor erit, quàm diſtantiã ipſius K , & propterea apparebit illa ſupra rectam lineam $I F$. Poſſem plurimis alijs obſervationibus eandem veritatem confirmare; quapropter dubitandum non eſt in diuerſis planis, & ad inuicem parũ inclinatis ſtellas Mediceas circumduci.

Ut poſtea certũ reddamur an Mediceorum maximæ à Ioue digreſſiones fiant ſemper in eadem iouiali eclipticã $M O$, organum ſatis commodum excogitaſſe videor, cuius tamen uſus ſupponit inuentionem anguli, quem eclipticã iouialis efficit, cum circulo parallelo à Ioue in eius motu diurno ab Ortũ ad Occaſum deſcripto, qui angulus augeatur, minuitur, & aliquando penitus extinguitur; igitur ſit circulus æquinoctialis $G B F$, & portio eclipticę ſolaris $C B A$, quæ ſecet æquinoctialem in B , ſitque locus Iouis I , habeatque latitudinem boream, vel auſtrinam, ita vt ducta linea $I A$ perpendiculari ad eclipticam, ſit punctum A locus eclipticus Iouis, & $I A$ arcus Latitudinis eius: ſumpto poſtea puncto C in ſeptimo gradu \odot , vel ♋ vbi Nodi Iouis reperiuntur, & coniuncto arcu maximi circuli $I C$, qui ſecet æquinoctialem in E , hic ſanè erit orbis ſeu eclipticã iouialis, poſtea à puncto I ducatur arcus $I H$ circuli minoris æquidistantis æquinoctiali $G F$. Profectò motus diurnus Iouis in circumferentia minoris circuli $H I$ efficietur, atque naturalis eius motus in arcu $I C$. Quaritur modo inclinatio anguli $H I C$; ducatur à puncto I arcus $I F$ maximi circuli perpendicularis ad æquinoctialem $G F$, eum ſecans in E , & hic erit declinatio Iouis, veluti $B F$ erit eius recta aſcenſio, vel diſtantiã ab Æquinoctio B : poſtea à puncto I ducatur arcus circuli maximi $I G$ perpendicularis ad $I F$, & ab eodem puncto I in plano eiũdem maximi circuli $I G$ ducatur

catur recta IL cum tangens; hæc eadem recta continget minorem circulum IH ex elementis sphericis postea a puncto æquinoctij B eleuetur arcus BD circuli maximi perpendi- *Fig. 63.*
 cularis ad eclipticam AC , quousque viam Iouis secet in D ; & quia ex punctis I , & D sumptis in maximo circulo IC cadunt duo normales arcus maximorum circulorum BD & IA supra maximum circulum AC , qui cum priori arcu angulum acutum efficit, & dati sunt arcus AC , & BC , scilicet distantia à loco Iouis ecliptico, & ab æquinoctio ad Nodum iouialem, & datur pariter IA scilicet Latitudo Iouis; igitur ex sphericis innotescet quantitas arcus BD , proindeque in triangulo CBD datis duobus lateribus CB , & BD circa angulum rectum B elicemus angulum CDB ; quapropter in triangulo spherico DBE habebimus angulum EDB , & latus DB , & tandem angulum DBE scilicet excessum recti anguli DBC supra angulum GBC inclinationis solaris eclipticæ supra æquinoctialem, ex quibus datis elicitur quantitas lateris EB , qui additus, vel ablati ab ascensione recta iouiali BF , dabit arcum EF , & propterea in triangulo IEF data erunt latera EF , & FI , circa angulum rectum F , proindeque innotescet angulus FIE ; hic verò ablati ab angulo recto FIG dabit angulum EIG , qui querebatur; quandoquidem in plano circuli IC , ducta circulum tangente IN , angulus LIN equalis erit angulo GIC , quidem erit, ac angulus HIC , cum recta IL sit communis tangens minorem circulum HI , & maiorem IG .

Si verò Iuppiter in suo Nodo constitutus fuisset, tunc quidem facilius angulus iouialis eclipticæ, & paralleli in motu diurno descripti reperiri poterit, posito enim Iouis loco in A 7. *Fig. 69.*
 ubi in Nodo scilicet ascendente vel 7. in Nodo descendente habebimus eius declinationem AF , eiusque rectam ascensionem, vel distantiam BF à proximo Æquinoctio, & tunc in triangulo BFA ex duobus datis lateribus circa rectum angulum F elicetur angulus FAB factus à Meridiano cum elliptica solari; huic verò addatur angulus BAE incli-
 nationis

nationis, nempe orbis Iouis E A supra eclipticam solarem, dabit angulum E A F factum ab ecliptica iouiali cum meridiano, & consequenter innotescet angulus G A E complementum vnus recti, scilicet inclinatio iouialis eclipticæ cum parallelo circulo tunc temporis à Ioue transacto, estque talis angulus gr. o. m. 42. & hic animaduertendum est, quod paulò ante, quam Iuppiter Nodum assequatur, idest inter Solstitium præcedens & Nodum iouialis ecliptica A E præcisè tangit circulum parallelum Æquatori, quem motu diurno tunc temporis Iuppiter describit, & propterea via motus diurni Iouis erit in directum cum iouiali ecliptica; & hoc vtile erit exposuisse, cum insignes, commoditates talis constitutio afferat.

His declaratis præparetur magnus circulus ligneus A C
Fig. 70. B D, cuius diameter A B, quàm duorum cubitorum, minor non sit: in eo adaptentur plura tenuissima fila inter se parallela, vt sunt A B: postea abscindatur circumferentia B D, quæ subtendat angulum ad centrum B I D æqualem angulo H I C præcognito inclinationis motus diurni Iouis eiusque eclipticæ: ducatur postea filum C I D traductum per centrum I, atque alia ei parallela: aptetur postea circulus A B D ad horizontem perpendicularis, & expositus directe
Fig. 70. oculo obseruatoris, & propè orificium remotum telescopij, quo Iuppiter obseruatur, & ritè aptato circulo, altero oculo aperto conspicientur Medicei inter fila prædicti circuli excurrere, cumque motus diurnus Iouis velocissimus sit ab Ortus ad Occasum, in horis 24. proximè, poterit circulus situari, ita vt centrum Iouis I in transcurso motus diurni semper per filum A I B incedat ab A vsque ad I, quod facillè assequitur reuoluendo summa dexteritate sursùm, aut deorsùm diametrum A B, tunc conspicientur nedùm Iuppiter, sed etiam quatuor Medicei in filum C D offendere, quod eodem temporis instanti eueniet, cum Iuppiter intersectionem filorum I attingit; hoc, inquam, eueniet quotiescumque Medicei Latitudine prorsùs carentes in ecliptica iouiali existunt, & ideo in vna linea recta cum centro Iouis; verum
 si quar-

si quartus Mediceus v. g. declinauerit à diametro C D versùs A, dicemus, illam esse Latitudinem eius septentrionalem, & sic de reliquis. Hoc tanè artificio cautè & solenter adhibito facile experiri potest, an Medicei in maximis à Ioue digressionibus constituentur in vnica linea recta in via Iouis, seu in ecliptica iouiali extensa, vt prædecessores nostri opinati sunt, quod porrò falsum esse existimo, ab aliquibus meis obseruationibus persuasus, & præcipuè sequenti nocte diei 30. Augusti huius anni 1665 quādo tertius Mediceus erat in maxima occidentali digressionē à Ioue remotus à Plenimediceo apparente gr. 271. m. 21. & quartus Mediceus erat in maxima digressionē orientali remotus ab eodem Plenimediceo gr. 116. m. 12. & apparuit recta linea per tertiam, & quartam stellameducta inclinata ad viam motus diurni centri Iouis A B, eratque angulus inclinationis A I C paulò minus gr. 22. verum est tamen, quod quartus quadraturam transierat, seu terminum maximæ digressionis, & proinde eius declinatio meridiana aucta paulò maior vno gradu esse poterat; itaque, licet diminueretur vsque ad gr. 18. nihilominus in maximis digressionibus stellæ prædictæ declinabant plusquam duo gradus à iouiali ecliptica, quandoquidem tunc temporis ex calculo linea motus diurni A B efficiebat cum ecliptica iouiali angulum gr. 15. m. 52. quare tum tertius, tum quartus Mediceus in maximis digressionibus valdè recedebant ab ecliptica iouiali declinando ad Boream in parte occidentali, & ad Austrum in parte orientali.

Hoc eodem instrumento commodè mensurari possunt particulares Latitudines Mediceorum in quolibet situ epicycli.

De varietatibus hætenùs in Mediceorum Latitudinibus

obseruatis. Cap. VIII.

Primus omnium Galileus anno 1611. quando Iuppiter Latitudine prorsùs carebat, obseruauit Mediceos in quo-

quolibet loco suorum orbium semper in eadem linea recta extitisse, quæ per centrum Iouis extendebatur. Postea Io: Baptista Hodierna anno 1654, quando Iuppiter propè Nodum pariter Latitudine carebat, vidit, Mediceos in superiori parte suorum orbium septentrionalem Latitudinem habere. Nos pariter anno præterito existente Ioue propè Nodum descendentem adnotauimus, Mediceos in superiori parte suorum orbium non septentrionalem, sed meridionalem Latitudinem habuisse.

Insuper Galileus, quando Iuppiter declinabat à nostra ecliptica versùs Boream, ait, Mediceos in superiori parte suorum epicyclorum meridionalem Latitudinem habuisse, & contra in Iouis Latitudine austrina Mediceorum Latitudines in suprema parte orbium boreales reperiit. Nos æstate anni præteriti à Iunio mense, quando Iouis Latitudo australis fuit vidimus Mediceorum Latitudines austrinas in superiori parte epicyclorum, at æstate currentis anni à mense Iunio, licet Iouis meridiana Latitudo valdè excreuerit, nihilominus Mediceorum Latitudines in supremis semicirculis orbium septentrionales extiterunt, & tandem mense Octobris iam dictæ Latitudines Mediceorum valdè diminutæ sunt vt die tertia Octobris hor. 8. m. 35. p. m. primus Mediceus occultatus fuerit in postica parte disci Iouis, nempe versùs eius Plenimediceum apparentem, cuiusque ingressus in limbo disci Iouialis factus fuerit paulùm infra medium, seu centrum Iouis, & proinde austrinam Latitudinem proculdubio habuit in suprema parte sui epicycli, fuitque talis ingressus obseruatus accuratè, nedum à me, sed ab amicis etiam adstantibus. Non secus noctu diei 13. eiusdem mensis conspeximus primum Mediceum egressum ab anteriori disco Iouiali post Nouimediceum, eratque in directum positus cum extremo Limite nigroris Zone versùs centrum Iouis, quæ quidem fascia extenditur in superiori, & boreali parte disci Iouis vltra centrum; ex quo colligitur, fuisse Latitudinem primi Medicei septentrionalem, dum stella in infima parte sui epicycli excurreret, & tamen per

totam æstatem eius Latitudo in Nouimediceis fuit meridionalis, sicuti adhuc experitur in tribus reliquis Mediceis; quapropter ab anno præterito triplici modo variata est Latitudo primi Medicei; nam ab initio habuit in superiori semicirculo eius orbis meridianā Latitudinem, In æstate huius anni ibidem Latitudo fuit septentrionalis, & postremò mense Octobris denuò meridionalis facta est eius Latitudo in eadem suprema parte versùs Plenimediceum.

Deducitur præterea ex his obseruationibus, quod Nodi primi Medicei, & planum sui orbis non præcisè ponitur in iisdem locis, vbi collocantur Nodi, & plana reliquorum Mediceorum; quandoquidem mense Octobris reliqui omnes Medicei, excepto primo, Latitudinem meridionalem perseveranter retinuerunt in inferiori parte suorum epicyclorum.

Postmodum circa quantitatem Latitudinum Mediceorum insignes varietates obseruatæ sunt; nam Hodierna anno 1655. reperijt maximam Latitudinem quarti Medicei in Synodis valdè auctam, scilicet superantem semidiametrum disci Iouialis, vt nimirum nocte diei 9. Augusti eiusdem anni 1655. transierit quartus Mediceus propè conum umbræ Iouialis, nec eclipsim passus fuerit; & deinde noctu diei 20. Septembris eiusdem anni idem quartus Mediceus transijt in Nouimediceo infra discum Iouis, nec prorsus Iouialem marginem tetigit, ac proindè eius meridianā Latitudo tunc temporis superauit Iouis semidiametrum. Refert idem auctor, se vidisse duos Mediceos insigni distantia inter se discretos in ijs coniunctionibus, in quibus motus erant inter se contrarij, scilicet vnus directus, alter retrogradus, & præcipuè tertij, & quarti intercapedo disci Iouis semidiametrum sensibilibiter superabat. Nobis autem aliter contigit anno præsentis in coniunctionibus quarti, & tertij, dum vnus directus alter vero retrogradus ferebatur; visi enim sunt tam propinqui, vt inter eos ne quidem integra semidiameter vnus stellulæ interponi poterat. Sed magis admiranda fuit obseruatio vespertina 14. Octobris huius

Y

anni

anni conspecta quidem ab amicis visu acutissimo præditis, qui aderant, dum ego obseruarem egressum tertij Medicei, & ingressum quarti in conum vmbre iouialis; illius egressus apparuit alta aquila versùs occidentem gr. 52. præcise, & alterius ingressus euenit alta aquila gr. 43. m. 54.; sed antequàm quartus Mediceus occultaretur vix distingui, & discerni poterant duæ stellulæ dictæ ob maximam earum vicinitatē, nihilominùs iam dicti amici adstantes acutissimo visu donati anima duerterunt peruersum situm earumdē stellarū respectiuè ad centrum Iouis, nam tertius Mediceus ob ingētem eius magnitudinem exactè distinguitur à quarto exilissimo Mediceorum, & apparuit tertius infra quartum constitutus in situ inuerso (quem efficit telescopium duabus lentibus præparatum) quapropter Latitudo septentrionalis tertij Medicei superauit Latitudinem quarti, licèt ambo ferè æqualiter distarent à Plenimediceo apparente. Deducitur ergo ex tali obseruatione, planum orbis quarti Medicei in superiori eius hemicyclo depressum fuisse infra hemicyclum supremum tertij, & ideo apparentem ellipsim genitam ab orbe quarti Medicei magis coangustatam fuisse, quam ellipsim tertij; & hic forsan magis recedebat à suo Nodo, quàm quartus. Ex his omnibus licet inferre, non haberi adhuc hypothesim, quæ satisfaciat hisce omnibus varietatibus, quæ in Latitudinibus Mediceorum obseruantur.

Ex nostra hypothesi ex causis physicis deducta phenomena iam enarrata Latitudinum Mediceorum saluari posse. Cap. IX.

QUamquàm præmanibus non habeamus Mediceorum obseruationes continuatas in integra Iouis reuolutione per Zodiacum, conabimur tamen ex paucis obseruationibus hucusque habitis inuestigare præterpropter inclinationes orbium Mediceorum supra planum eclipticæ iouialis, & progressum Nodorum, sed prius ostendemus, quàm exactè obseruationes hypothesibus nostris coaptentur;

tur; utque clariùs procedamus: sit Sol in S, & orbis seu *Fig. 71.*
ecliptica iouialis L I K, ponaturq; in signo V globus iouis I,
quem ambiat orbis alicuius Medicei A D B C, qui fecet
eclipticam iouialem in recta linea D C, itaut semicirculus
D B C supremus eleuetur supra planum eclipticæ iouialis,
declinando versùs Boream, atque oppositus semicirculus
C A D declinet versùs Austrū, sitque D Nodus ascendens, C
descendens, B Limes boreus, & A Limes australis. & recta li-
nea solaris S I transeat per N versùs Limitem austrinum; in-
telligatur iam Terra in T sublimis supra planū eclipticæ io-
ualis versùs Boreā; vnde Latitudo Iouis erit austrina; & hæc
erit constitutio Iouis, eiusque systematis die 20. Septembris
anno 1655. quando Sol in ♌ Ioui opponebatur, & Latitu-
do iouialis austrina ex Terra visa sub angulo Y T I erat gr. 1.
m. 33. Vidit tunc Hodierna quartam stellam in Nouimedi-
ceo A habentem australem Latitudinem M A, quæ tanta
fuit, ut quartus Mediceus A extra, & infra discum Iouis I
transierit, neque eius marginem tetigit; quapropter meri-
diana Latitudo M A maior fuit semidiametro Iouis; sed
supposito semidiametro I A orbis quarti Medicei non ex-
cedere 27. aut 28. semidiametros disci Iouis, maxima digres-
sio M A non excedet duos gradus cum dimidio, si metian-
tur in orbe A B C D; & quia hæc latitudo maxima est om-
nium, quæ hætenus obseruatæ fuerint nō inani probabilitate
supponere possumus, tunc Limitem austrinum A in linea
solari S I incidisse, scilicet in Nouimediceo. Hic tamen *Fig. 71.*
animaduertendum est, radium visualem T M I eleuari su-
pra planum eclipticæ iouialis S D C N, & ideò minùs obli-
quus erit, sed potius magis directè, & in prospectu videbit
diametrum B A, quàm radius solaris S I, proindeque angu-
lus I T A maior erit angulo I S A; quapropter apparens
maxima Latitudo stellæ quartæ maior erit vera eius Latitu-
dine, scilicet ea, quæ efficitur respectū Solis; itaque, si nobis
terricolis apparuit maxima Latitudo M A sub angulo I T
A duorum graduum cum dimidio, erit ea multò minor re-
spectū Solis, eo quòd angulus Y T I Latitudinis meridiona-

lis Iouis erat gr. 1. m. 33., & adhuc minor fuit angulus T I S scilicet m. 13. huius verò anguli quantitate minuitur obliquitas diametri B A ; quapropter radius I A tunc temporis subtendere debuerat angulum ad Solem I S A paulò maiorem duobus gradibus. His positis debuerant quarti Mediceei Nodi D, & C collocari in maximis digressionibus à Ioue.

Tranſeamus modò ad conſtitutionem anni præteriti
Fig. 72. 1664. Iunij, quando Iuppiter erat in \mathfrak{b} , & Sol in \odot , quare Terra interceptebatur in V; & quia tunc Iouis Latitudo auſtrina minima, & inſenſibilis erat, minimum quoque eleuata erit Terra V ſupra planum eclipticæ iouialis; & quia tunc quartus Mediceus H in Nouimediceo borealẽ Latitudinem habebat, neceſſe eſt ergo, vt punctum H Nouimediceum in ſemicirculo boreali D B C cadat; & quia Latitudo H N in Nouimediceo trientem maximæ Latitudinis, quam in Nouimediceo eadem ſtella habuit anno 1655. non ſuperabat, eo quòd ſtellæ in H ſitę infra falſciam vmbroſam Iouis diſtantiã à centro eius verſus Boream pars tertia proximè ſemicirculi iouialis fuit; igitur punctum H non in Limite Boreali B, ſed propè Nodum cecidit; hoc enim ſequitur ex eo, quod inclinatio orbis D B C ſupra planum eclipticæ iouialis ponitur ſtabilis, & propterea quoties ſtella in puncto B reperitur, eius Latitudo ab ecliptica iouiali erit tripla Latitudinis H N. Conſtat igitur Nouimediceum H incidiffe inter Limitem boreum B, & vnum ex duobus Nodis; at non adhuc innotefcit, an Nodus vicinior Nouimediceo H ſit deſcendens C, vt ſubſequentes obſervationes oſtenderunt. Poſtmodum præſenti anno 1665. per totam æſtatem Iuppiter in π commoratus eſt cum ſenſibili Latitudine auſtrali peruenitque ad Solis oppoſitionem 19. Auguſti, & tunc temporis pariterque ante. & poſt per totam æſtatem Mediceum, & præcipue quartus in Nouimediceo N non quidem habuit Latitudinem ſeptentrionalem, vti anno præterito, ſed meridionalem. Hinc colligitur Nouimediceum N non ampliùs in boreali ſemicirculo D B C, ſed in auſtrali

i C A D peruenisse, & hac de causa Latitudo in Nouimediceis australis conspecta est, & borealis in Plenimediceis, proindeque ab anno præterito ad præsentem Nodus descendens C directè translatus erit, ita vt radius visualis V H I transegerit arcum à puncto H ad G, & tempore intermedio acciderit præcisè transitus Nodi descendentis C per radium visualem X I. Et hic notandum est, quod transitus Nodi C, tribui non debet reali motui eiusdem Nodi, quandoquidem maxima pars huius motus est merè apparēs, producta nimirum à motu Iouis in Zodiaco; quandoquidem si supponatur diameter D C per Nodos educta permanere proximè sibi ipsi parallela, fueritque arcus H C gr. 20., cum signum Zodiaci integrum Iuppiter transegerit à Capricorno ad Aquarium, erit angulus \approx S b, maior angulo H I C, & ideo existente recta linea I H parallela b S, erit angulus H I G maior angulo H I C, & consequenter radius visualis X G I transijt integrum arcum H G, licèt reuera linea Nodorum D C sibi ipsi parallela permansisset, scilicet circa globum Iouis circumducta non fuisset.

Sed non videtur, negari posse motus aliquis retrogradus lineæ Nodorum, licet tardissimus; nam anno 1655. linea Nodorum D C, existente Iouem in Ariete, perpendicularis erat ad radium solarem S I V; igitur si illa semper sibi ipsi parallela extitisset anno præterito, Ioue in Capricorno posito, linea solaris S I b perpendicularis pariter esse debuerat ad lineam solarem anni 1665. per Arietem, & Libram eductam; quare linea Nodorum D C in Capricorno incidere debuerat cum radio solari S I O: at fuit valdè inclinata, effecitque angulum H I C; igitur linea Nodorum præter apparentem eius motum directum dependentem à transitu Iouis per Zodiacum habebit quoque proprium, & peculiarem motum; hic vero retrogradus esse debet, iuxta analogiam cum reliquis planetis; igitur in annis 9. Nodus D percurrit circumferentiam O C B D, quæ minor est integra orbis peripheria, & constabit cum denuò Iuppiter ad Arietem peruenit, an linea Nodorum D C denuò fiat perpendicularis.

dicularis ad solarem radium $S\gamma$:

Fig. 73. Potest quoque observatio huius anni comparari cum vetusta observatione Galilei, ex qua euincitur, lineam Nodorum DC non semper sibi ipsi æquidistare; ait enim anno 1611. à Februario vsque ad Iunium vidisse Mediceos per lineam præcisè rectam traduci, quæ per centrum disci Iouis extendebatur; igitur dubitandum non est, tunc temporis lineam Nodorum DC extensam fuisse in eadem directione radij solaris, & visualis Sl , vbi tunc Iuppiter reperiēbatur, & postquàm quater Zodiacum percurrit, & insuper si-

Fig. 73. gna septem, tandem modò ad Aquarium Iuppiter perductus est, vbi similiter linea Nodorum DC ferè coincidit cum radio solari, & visuali; ducta ergo recta linea OH parallela ad solarem radium S erit angulus HIC æqualis angulo S proptereaque non poterit linea Nodorum DC permanere in eodem situ parallelo, quem habebat anno 1611. & ab illo situ distat per arcum HC ; cumque motus Nodorum supponatur retrogradus, vt dictum est, oportet, vt à puncto H per BD vsque ad C translata sit præter integras reuolutiones, quas fortasse in prædicto tempore pertransiit; quare dubitandum non est, lineam Nodorum in eodem situ sibi parallelo non permanere.

Fieri etiam potest, vt in decem annis à 1655. ad 1665. linea Nodorum semel vel pluries circa Iouem reuoluta fuerit, quod in obscuro manebit, quousque series observationum veritatem patefaciat, licet hoc credibile sit, vt ego

Fig. 74. existimo. Hactenùs considerauimus situm acronicum Iouis, scilicet eius constitutiones in oppositione Solis, sed non erit superuacaneum varietates, quas orbis annui anomalia affert vnà cum incremento Latitudinis Iouis adnotare. Dictum est, quod ab anno 1664. ad æstatem præsentis anni radius visualis transit ab H ad G comprehendendo descendentem Nodum C ; notandum modò est, radium visualem propter orbis anomaliā mente Octobris ad sinistram respectu Solis constitui, vt in situ ZI , tuncquē Nouimediceum retrogradè translatus erit à puncto G versus H , scilicet

cet Nodo C appropinquauit, & hæc potissimum est causa, quare Latitudines in Nouimediceis, & Plenimediceis sunt multò magis diminutæ, quàm antea. Vtteriùs facili negotio Nodus C primi Medicei propinquior esse potest termino G, quàm sint Nodi reliquorum Mediceorum, & ideò radius visualis ZI nedùm Nodum C descendente[m] assequi potuit, sed etiam transgredi; & ideò in Nouimediceis eius Latitudo potuit esse septentrionalis, vt apparuit die 3. & 13. Octobris huius anni; propterea Latitudo Iouis australis maxime aucta efficit, vt radius visualis XI vel ZI sit eleuatus supra planum eclipticæ iouialis, & propterea Latitudines in Nouimediceis apparenter effici possent meridionales in tribus planetulis remotioribus, licet radius visualis per Nodum C traducatur, vt superiùs expositum fuit. Si hoc inquam verum esset, probabiliter dici posset, nondùm Nouimediceum ad Nodum descendente[m] C peruenisse, licet quoad apparentiã prædictum terminũ transgressum fuisse, videatur. Hæc omnia, ni fallor, ex obseruationibus sequentium temporum verificari debere, coniicio.

Fig. 73.
74.

*Quomodo Latitudines Mediceorum atque eorundem periodi
obseruari debeant. Cap. X.*

QVoniam Mediceorum Latitudines à pluribus causis alterantur, augentur, atque diminuuntur, non poterunt certa methodo reperiri, nisi more astronomico singulæ causæ à ceteris separatim considerentur, vt nimirũ ab alijs non perturbatę possint sinceram Latitudinem à se depēdentem ostendere; cumque Latitudo ipsius Iouis, vt innumus, sensibilibus alteret apparentem inclinationem orbis cuiuslibet Mediceorum supra eclipticam iouialem, pariterque eorundem Latitudines diminutas, auctas, & perturbatas nobis representet, debet primo loco hæc causa confusionis euitari, ideoque obseruationes Latitudinum Mediceorum tunc fieri debent, quando Iuppiter caret omni Latitudine, poniturque in eius Nodo, scilicet cum eius centrum præci-
sè

sè in ecliptica solari incidit; & quia Terra in plano eiusdem eclipticæ solaris iacet, tunc inclinatio orbium Mediceorum eorumque verè Latitudines respectuè ad Solem erunt quodque apparentes ex Terra nostra, vbi visus degit. Insuper, quia prosthæresis orbis annua transfert apparenter Nodos orbium Mediceorum modò directo motu, modò retrogrado, & velocitate inæquali, nunquā vera cōstitutio, & situs eorūdem Nodorum obseruari poterit, nisi illis articulis temporum, quando prosthæresis orbis nec ante, nec retrò transfert Nodos apparenti quidem, & optica translatione; quandoquidem quærimus verum situm Nodorum respectuè ad Solem, & spatium mundanum, qui quidem vnicus & determinatus est, non varius, & inconstans; quare tunc temporis Nodorum constitutio sincera apparebit, quando Terra, & radius visualis in eadem recta linea extendetur cum solari radio, quod quidē euenit in articulis oppositionum Iouis, & Solis; quapropter tempus commodissimum ad obseruandas veras Latitudinem Mediceorum, & inclinationes eorūdem orbium erit in oppositionibus Iouis, & Solis, quando etiam Iuppiter in ecliptica solari & terrestri nullam prorsus Latitudinem habet, & tunc certi erimus, quod Latitudines Mediceorum apparentes sunt veræ absque vlla alteratione.

Præterea linea Nodorum orbium Mediceorum tres constitutiones habere potest, prima erit, quando in eadem recta linea coincidunt linea solaris visualis, & Nodorum. Secunda, quando eadem linea Nodorum perpendicularis est ad radium solarem, & visualem, & in maximis digressionibus Mediceorum incidit. Tertia verò constitutio efficitur in locis intermedijs. In prima constitutione motus transversales Mediceorum apparenter efficientur in vna linea recta per centrum disci Iouis extensa, & inclinata ad planum eclipticæ iouialis, eritque talis inclinatio perpetua, & stabilis. Duplici modo effici potest obseruatio huius constitutionis: Primò circulo ligneo filis parallelis intersecto, & ab alijs obliquis, sed præcognosci debet præcisè situs
eclip-

eclipticæ iouialis, quæ haberi potest reperto angulo ab ecliptica iouiali, cum parallelo motus diurni Iouis, vt supra expositum fuit, & tunc ligneus circulus ritè disponi debet, vt vna directio filorum motum diurnum Iouis ostendat, reliqua verò fila secundum directionem eclipticæ iouialis disponantur, quæ v. g. sit *EF* in respectu ad verticalem circulum *AB*; & tunc si fuerint Medicei in obliquo situ *HI*, inflecti debet machina filaris, vt per digressiones laterales *HI* incedant, & in tali casu conijciemus, angulum *FGI* esse mensuram præcisam inclinationis orbis Medicei supra eclipticam iouialem. Vtteriùs, non considerato diurno motu Iouis, expectetur eius transitus per meridianum *AB*, & tunc, quia facilè angulus eclipticæ solaris *CD* cum meridiano *AB* reperitur, & aliunde constat quantitas anguli inclinationis eclipticæ iouialis *EF* supra eclipticam solarem; ergo disponi potest filum *EF* vt præcisè in directione eclipticæ iouialis incidat illo nempe articulo temporis, quando centrum Iouis in meridiano existit, tunc si per centrum *G* dirigatur filum *HI* coincidens cum Mediceis, hinc inde à Ioue translatis, obseruenturque digressiones, dum centrum Iouis in comuni sectione *G* existit, eliciemus pariter inclinationem orbis Medicei supra eclipticam iouialem, atque Latitudinem, quam habent in maximis digressionibus à Ioue. *Fig. 75.*

In secundo casu, quando nimirum linea Nodorum perpendicularis est ad radium solarem atque visualem, quia radius visualis est inclinatus ad planum orbis Medicei, licet perpendicularis sit ad lineam Nodorum, necessariò orbis Medicei, non vt linea recta, sed vt ellipsis *EMNFO* maxime dilatata conspicietur, & in tali via curua *EMF* motus Medicei efficietur, eritque in suprema medietate orbis Latitudo borealis vel austrina pro varia radij visualis situatio. *Fig. 76.*

ne, efficieturque Latitudo omnium maxima in Noui mediceis *R*, & Plenimediceis *N* quia nimirum mensuratur ab axe minori ellipsos, quæ maior est omnium ordinatè applicatarum ad axem maiorem, & vltteriùs ex proportionem,

Z

quam

quam habent maximæ digressiones laterales ad maximam Latitudinem in Synodis eliciemus angulum inclinationis orbis Medicei supra eclipticam iouialem. Hic verò notandum est, digressiones maximas fieri in eadem iouiali ecliptica E, & F, nec vllam Latitudinem habere, vt in priori constitutione. Modus verò obseruandi Latitudines non differt ab eo, quem in præcedenti casu exposuimus.

Fig. 77. In tertio casu cum linea Nodorum inter digressiones maximas, & Synodos incidit, figura, quam describunt Medicei in suis reuolutionibus, erit pariter ellipsis, sed angustior præcedenti, in qua axis minor deficiet aliquantisper à minori axi ellipsis in præcedenti constitutione efformatæ, ex quo fit, vt Latitudines Mediceorum in Nouim ediceis, & Plenimediceis N, R minores reddantur ijs, quæ in secunda constitutione apparebant. Præterea maximæ digressiones

Fig. 77. M, & O, vel axis maior M O ellipsis non præcisè in ecliptica iouiali E F, vt in secunda constitutione, nec in situ maximè inclinato H I, veluti in prima reperiēbatur, sed incidet intra vtramque lineam, & ideò inclinatio visa in maximis digressionibus minor erit verà inclinatione orbis Medicei supra eclipticam iouialem. Modus postmodum obseruandi postremam hanc constitutionem non differt à superius exposito.

Aptissima sanè essent obseruandi tempora, quando Iupiter est acronicus, & absque vlla Latitudine, vt veræ Latitudines Mediceorum obseruarentur, at quia rarò contingunt huiusmodi cōmoditates, poterunt obseruari, licet Iupiter aliquam Latitudinem habeat, dummodò fuerit oppositus Soli, & tunc ex apparentibus maximis inclinationibus orbis Medicei supra eclipticam iouialem, poterit subtrahi, vel addi differentia illa, quæ à iouiali Latitudine pendet, & sic pariter loca Nodorum, & eorum periodi perquiri possunt, dummodò præ manibus habeamus obseruationes Latitudinum Mediceorum factas in vna integra reuolutione Iouis in Zodiaco, vel saltem sæpè repetantur in prædicta periodo; quæ obseruationes cautè, & accuratè à viris peritis factæ,

factæ, vt dictum est, dabunt præcisè motum Nodorum, & periocum Latitudinis Mediceorum, & iidem postea possent denuò corrigi, & limitari more Astronomico sumptis pluribus periodis earumdem reuolutionum.

His præhabitis posset quoque perscrutari, an præter propriam periodū Latitudinis in Mediceis immisceatur varietas aliqua menstrua, præcipuè in Quadraturis, & Octantibus.

Ex his, quæ satis prolixè exposita sunt, quilibet animaduertere poterit, quàm difficilis, & laboriosa sit inquisitio theoricarum Mediceorum; requirerentur enim exactæ observationes continuatæ per plures annos summa diligentia habitæ, quæ cum minimè à me effici possint ob ætatem, atque ob gracilem, & infirmam corporis constitutionem, non dubito, quin postheri equi bonique consulant hæc mea monita, & animaduersiones, quibus mediantibus poterunt iam dictas theorias reperire, prælata face, ostensaque via, quæ incedendum sit, ostensisque difficultatibus omnibus, quæ huiusmodi inquisitionem impediunt, & insuper quomodo possint evitari.



INDEX CAPITVM

LIBRI PRIMI.

- Proemium.* fol. 1.
- Caput I. Mediceorum syderum motus similes esse debere motibus ceterorum planetarum.* f. 3.
- Cap. II. De Theorijs planetarum vulgatorum, ac primum ipsius Luna.* f. 5.
- Cap. III. De Theorijs Mediceorum planetarum.* f. 11.
- Cap. IV. De Iouialium syderum theorijs, quæ ex ipso Iouis corpore obseruari possent.* f. 12.
- Cap. V. De synodiceis inequalitatibus longitudinis Mediceorum.* f. 17.
- Cap. VI. De Mediceorum synodica latitudinis inequalitate.* f. 19.
- Cap. VII. De Theorijs Mediceorum planetarum respectu Solis.* f. 20.
- Cap. VIII. De inequalitatibus Iouialium satellitum, quæ ex quæ ex Terra possunt obseruari.* f. 25.
- Cap. IX. De compositione eccentricorum, & ellipticorum orbium, Mediceorum syderum motibus inseruientium.* f. 29.
- Cap. X. Lemmata ad inuestigandum ellipticum planetarum iter.* f. 35.
- Primum. Si ab uno ex polis ellipsis recta eleuetur perpendicularis ad axim vsque ad sectionem, ab incidentia autem ducatur linea recta contingens ellipsem, quousque secet duas ad axim maiorem perpendiculares ab eius terminis ductas, erunt tales perpendiculares æquales portionibus conterminalibus ipsius axis vsque ad prædictum polum.* f. 35.
- Secundum. Iisdem manentibus quolibet alia recta*

ta ad axim perpendicularis, vsque ad tangen-
tem edueta, equalis erit rectę lineę ex polo duc-
te ad concursum sectionis, eiusdemque perpen-
dicularis: vocetur illa radius polaris. f. 36.

Tertium. In ellipsi polarium radiorum incre-
menta supra minimum radium eandem ha-
bent rationem, quam sinus versi seu portiones
axis maioris secti à perpendicularibus cadenti-
bus à radiorum concursu cum ipsa sectione. f. 37.

Quartum. Si à duobus polis eiusdem ellipsis duo
radij ducantur ad idem illius punctum excessus
maioris radij supra radium mediocrem inter
maximum, & minimum equalis erit defectui
minoris radij ab eodem mediocri. f. 38.

Quintum. Si circa polos eiusdem ellipsis fiant
duo circulares motus ab eodem gradu tardita-
tis incipientes, ac in eorum altero velocitates
eadem ratione increfcant, qua radij polares
augentur, in altero celeritates contrario ordi-
ne augmentum sumant, hoc est quò magis po-
lares radij decrescunt, eò magis velocitates cre-
scant, incrementa velocitatum erunt equalia
ijsdem gradibus eadem periodo, equalibusque
temporibus aueta. f. 39.

Sextum. Si duo mobilia in orbem lata circa duo
centra moveri ceperint eodem tarditatis gra-
du, ac temporibus equalibus gradus celeritatis
acquirant equalis, alterum eadem proportio-
ne, qua radij producuntur, alterum verò ea-
dem proportione, qua radij producuntur, sint-
que maximi radij equalis inter se, pariterque
minimi inter se equalis, itinera ab eis descripta
erunt omnino similia & equalia, ita ut si pri-
mum ellipsim descripserit circa proprium po-
lum secundam quoque ellipsim illi similem, &
equalem delineabit. f. 40.

Septi-

Septimum. Si circa alterum polorum alicuius ellipsis mobile reuoluatur, eodemque tempore eius axis maior torqueatur circa eundem polum in eodem ellipsis plano, & versus easdem partes, ad quas fertur prædictum mobile, linea à mobili descripta in vniuersi spatio ellipsis non erit, sed curua quædam inflexa ad instar Nodi. f. 42.

Octauum. Si mobile iter describat ellipticum circa punctum aliquod tamquam polum eiusque celeritas augeatur eadem ratione, qua decurtantur radij polares, deinde verò imminuatur eadem proportionem, qua ydem radij producuntur, absoluatque periodus integra reuolutionis minori tempore, quam sit illud, quo peragitur incrementum, & decrementum prædictorum radiorum, mobile in spatio mundo describet lineam quamdam curuam in se ipsam contortam ad instar Nodi, sed tamen apparebit translatum per ellipsim, non quidem fixam, sed mobilem circa eundem polum, ac versus easdem partes. f. 43.

Cap. XI. Pronunciata seu principia philosophica apprimè necessaria ad intelligendas causas eccentricitatum orbium Mediceorum syderum, figureque ellipticae ab eis descriptæ, rectique motus in linea absidum eorumdem. f. 45.

Cap. XII. De necessitate figure elliptice orbium planetarum. f. 74.

Cap. XIII. De causa motus absidis, & Aphelij orbis planetarij. f. 81.

Cap. XIV. Medicea Sydera, dum Solem circumeunt, nouam acquirere anomaliam. f. 87.

Cap. XV. Lemmata necessaria ad intelligendam synodicam Mediceorum syderum anomaliam. f. 88.

Primum. Si motus aliquis retardatus fuerit eadem

dem proportione, qua ipse continuatur fiet motus similis primo, licet tardior. f. 88.

Secundum. Si in circuli, seu ellipsis quadrante ducantur quęlibet rectę lineę uni axium equidistantes, secantesque reliquum axim, efficiunt duo quadrilatera, quorum axi propinquus ad magis remotũ maiorem habebit proportionem, quam basis illius ad huius basim in reliquo axi sumptis. f. 89.

Tertium. Si idem mobile inæqualibus celeritatibus duas pertranseat æquales rectas lineas comprehensas à rectis lineis æquidistantibus inter se, ad quas diuersimodè inclinentur, & per directiones rectarum interualla parallelarum determinantium mobile retardetur secundum proportionem eorundem interuallorum, modificati motus similes erunt inalteratis motionibus. f. 91.

Quartum. Si mobile reuoluatur per circumferentiam circuli, seu ellipsis AF , circa centrum L , ac simul centrum L cum suo circulo feratur in orbem circa centrum S , ac talis motus circa S tarditatem conferat motui per ABF secundum proportionem distantiarum AS, BS, CS, DS , &c. quousque in mediocri distantia $S.F$ mora penitus extinguatur; aio, motum mora affectum per ABF similem, & uniformem esse priori motui absque ullo sensibili errore. f. 93.

Cap. XVI. De Mediceorum synodica anomalia, cum eorum absidum lineę perpendicularis fuerit ad lineam synodum. f. 94.

Cap. XVII. De Mediceorum synodica anomalia, cum absidum, atque synodum lineę sibi mutuò congruant. f. 103.

Cap. XVIII. De Mediceorum synodica anomalia, quę in intermedia absidis constitutione contingit. f. 109.

Cap. XIX.

- Cap. XIX. De synodica anomalia perpetua Mediceorum;
seu de nuncupata varietate. f. 112.*
- Cap. XX. De causis inclinationem orbium Mediceorum supra planum eclipticæ iouialis. f. 119.*
- Cap. XXI. De varietatibus synodicis latitudinum Mediceorum. f. 115.*

LIBRI SECVNDI CAPITA.

- Cap. I. Motus medios periodicos planetarum Mediceorum prius inuestigari debere. f. 129.*
- Cap. II. Enarrantur difficultates, & ambages, quibus periodi mensuræ Mediceorum implicantur. f. 130.*
- Cap. III. De Eclipsium Mediceorum varietate. f. 133.*
- Cap. IV. Qua ratione Mediceorum digressiones à disco, vel corpore Iouis mensurari possint. f. 141.*
- Cap. V. Quomodo linea absidis eccentrici Mediceorum reperiri possit. f. 149.*
- Cap. VI. De varietate hypothesium, quibus latitudines Mediceorum, & earum periodi saluari possunt. f. 155.*
- Cap. VII. Orbes Mediceorum non iacere in uno, & eodem no. f. 160.*
- Cap. VIII. De varietatibus hactenus in Mediceorum latitudinibus obseruatis. f. 167.*
- Cap. IX. Ex nostra hypothesi ex causis physicis deducta, phenomena iam enarrata latitudinum Mediceorum saluari posse. f. 170.*
- Cap. X. Quomodo latitudines Mediceorum, atque eorundem periodi obseruari debeant, f. 175.*

Imprimatur seruatis seruandis V de Bardis V. Gen. Flor.

Die 26. Februarij 1666.

Adm Reu. Pater Lidanus Colanelli Societatis Iesu Consultor S. Officij Florentiæ videat, & referat.

*Fr Iacobus Tosini de Castilione Florentino Vic. Gener.
S. Officij Flor.*

1666. 2. Martij.

Ego Lidanus Colanellus Societatis Iesu Consultor S. Officij ex commissione Reuerendissimi P Inquisitoris Florentiæ recognoui præsentés duos Libros de Astronomia Ioannis Alphonsi Borelli, & nihil inueni, quod fidei Sanctæ Ecclesiæ Catholicæ, bonisque moribus repugnet.

Die 10. Martij 1666.

Stante prædicta attestazione Imprimatur Florentiæ.

*Fr. Antonius Maria Iordana à Cuneo pro Cancell. S.
Officij Flor. de mandato, &c.*

Gio: Federighi Senatore, & Auditore di S. A. S.

THE UNIVERSITY OF CHICAGO
LIBRARY

100 EAST 57TH STREET
CHICAGO, ILL. 60637

TEL: 733-7321

1960

100 EAST 57TH STREET
CHICAGO, ILL. 60637

TEL: 733-7321

1960

100 EAST 57TH STREET
CHICAGO, ILL. 60637

TEL: 733-7321

*Mendosa nonnulla, & quedam, quæ mutata post impressionem
Auctor voluit, sic locis infra adnotatis restituere.*

Pag. vers.
28 26 Telluris constitutione
30 18 harum revolutionum
35 eiusdem ellipticam
33 8 habeat autem
36 7 omittantur superuacanea ver-
ba (& à centro G, &c.) vs-
que (in G)
38 3 & G K parall.
30 minimum S P.
39 21 quæ elongantur
41 17 aio mobile
45 31 propè dixerim
47 36 pariter lignea
50 13 Anomalij
57 1 animaduertentes
63 31 ne altius demergatur
70 9 quia moles
18 P T, C E, quæ
72 25 incipiet mobile
75 9 Diuini.
78 12 & inescrutabiles
14 quam summo
16 hac enim
79 16 incipiet
17 progredietur
80 18 eccentricitas
84 12 à centris

Pag. vers.
88 25 pro (sitque eius celeritas V)
leg. (sed, inequalibus cele-
ritatibus)
92 2 eodem cursu
23 est eadem
93 5 D S, &c.
105 35 maius erit
115 17 hac de
120 31 facultatem
125 7 varium situm
126 13 existant in
131 33 locum Nouimedice
132 28 prolixius erit
133 11 periodi menstrue
134 31 cuius radij
135 32 at quia, vt
138 29 secundariam
33 iouiali
141 20 quos Venus
143 1 meliorem &
144 5 vigesima pars
22 sed aucta
156 11 semper sibi
159 14 & C respectiue
160 12 in eadem
161 2 in eadem
171 29 sed potius

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY


THE UNIVERSITY OF CHICAGO
LIBRARY



















THE UNIVERSITY OF CHICAGO
LIBRARY
















THE UNIVERSITY OF CHICAGO
LIBRARY











THE UNIVERSITY OF CHICAGO
LIBRARY















THE UNIVERSITY OF CHICAGO
LIBRARY













He 1883 078.

